

Africa Outreach

Echu Yoohusihana



(Lomwe)

Atiithi

Mwaana

= Muluku

Munepa Waweela

AFRICA OUTREACH-ECHU YOOHUSIHANA

Yoohusihano yeela enarwa yaavaha anamahuserya a miyaakha soohiyanahiyana soothene, wi yiiwevo phaama sa mwaha wa Piipiliya, ovinyerya mMapacererya ophiyerya Yawuupulula. Soohuserya sene seeriwekeno icharihiwaka moophwanelela nave suuluuliweke eyaakha ti eyaakha.

Mwaha wa Piipiliya othukunukiwe mwa makhalelo ala:

Muluku-Tiithi, Mwaana ni Munepa Waweela, aapaka elapo ekhala yaphaama-Mapacereryo 1:31;
Achu oothene aamwalana ni Muluku wanthowa na saweera saya soohiiwelela, saweera seiyo nnachuwa yoocheka. Inahooleliwa ti Saataana, muchu onnaphwanya oya omooroni. Mapacereryo 2:15-17; aRooma 5:12 ni Yawuupulula 21:8
Malakano a Muluku sa omurumiha mvulusha wi amoopole muchu mmatani wa Saataana ni opaka mphiro woomukerihano muchu yoola wa Muluku, vooliva esisapo yawoonihiwa ekoyi yoocheka- Mapacereryo 3: 15; Yohani I, 3:8; aKolose 1:21,22.
Muluku aahiipakela nloko nawe, aIsarayeli. Yeesu Kristu- moopoli ii ayariwe mwa nloko nenla- Mapacereryo 12:2, 3.
Muluku onnooniherya makhalelo a nlamulo ni mukucho wi onipishe wa mvulusha, aKalatiya 3:24, 25 ni aHepiri 1: 23-25;
Mvulusha , Mwaana a Muluku, aarwa veelaponi ntoko muchu, muchu awiichaniwa Yeesu-Mateiyu 1: 23, 25;
Mwali oomuyara mwaana. Yootikiniha yooyariwa wa Yeesu, onnooneiha wi owo ti Muluku-Mwaana ammwilini, Yoohani 14:11 ni Yoohani I,3:5;
Yeesu oothomeiwa, ni okhwa wawe aaliva mulacu wayoocheka ya muchu; Yoohani 1:29 ni aHepiri 9:28;
Yeesu oovithiwa, nto oovinya wookhwani amalinhe mahiku mararu, ooneihaka omvootha wawe Saataana, yoocheka ni okhwa-Luka 24: 46;
Muchu ohaataanihiwa ni Muluku nave ohaakhela okumi woohimala, nto mwa nrromelo na mwa Kristu Yeesu. Esara ya Muluku enamukhalaru wa oothene yaale anavaanya yeeyo Yeesu enraiye, hiihaa onamwaakhela ekoyi mwa soocheka sawe, omooroni- Yoohani 3:36;
Yeesu ookookela wirimu nave Muluku- Munepa Waweela, woorwa wunnyererya ikuru wa oothene yaale anamuroromela Yeesu ntoko Mvulusha--Miteko sa Arummwa 1: 8, 9;
Muloko woothene ni mukristu ti mukristu, yoola ookhalano muteko woohusiha michaka Yaphaama ya Yeesu mweelapo ya vathi, ophiyerya okooka wawe. Mateiyu 28:18-20 ni aHeepiri 9: 28;
Michaka yookuchulela ya Piipiliya, Yawuupulula, onnaloca sa mahiku ookuchula ni Omwene wa muhoolo wa Muluku-Yawuupulula 21:1-4.

Muluku akhale ni weyo wi waawerye achu a Yoowo

Emeesa ya sampuwa

- YOOHUSERYA 1 MULUKU TAANI ?
YOOHUSERYA 2 WOONIHARIWA WA PIIPILIYA
YOOHUSERYA 3 MWAHA WOOPWAHASHA WA PIIPILIYA
YOOHUSERYA 4 SAATAANA TAANI ?
YOOHUSERYA 5 MULUKU MPATUSHA EELAPO
YOOHUSERYA 6 MULUKU ONNAPATUSHA MALASHI NI MIRI
YOOHUSERYA 7 MULUKU ONNAPATUSHA, NSUWA, MWEERI NI
ITHENEERI
YOOHUSERYA 8 MULUKU ONNAPATUSHA IPALAME, IHOPA NI
ASHINAMA
YOOHUSERYA 9 MULUKU ONNAPAKA YOOPATUSHA AWE
YOOPHWANELELA- MUCHU
YOOHUSERYA 10 MAHUSIHERYO A MULUKU WA ATAMU
YOOHUSERYA 11 ATAMU NI HAAVA OHIWELELA WAYA
MAHUSIHERYO A MULUKU
YOOHUSERYA 12 ACHU OOTHENE TOOCHIKA NAVE
AAMWALANA NI MULUKU
YOOHUSERYA 13 MULUKU ONNAMUROROMELIHA MVULUSHA
WI APWESHE IKURU SA SAATAANA
YOOHUSERYA 14 IRUKU SOOPACERYA SA MVULUSHA
YOOHUSERYA 15 NOOWA NI ORWEELA WA MAAHI
YOOHUSERYA 16 AAPARAHAMU NI ISAAKI
YOOHUSERYA 17 MULUKU ONNAPAKA MULOKO AWE NAVE
ONNAMWIICHANA MOOSE
YOOHUSERYA 18 MULUKU WOONIHA WAVE IKURU SAWE
YOOHUSERYA 19 MULUKU OWAAVYERA WAVE AISARAYELI
SOOLYA MUTAKHWANI
YOOHUSERYA 20 MULUKU ONNAVAHA MALAMULO AWE WA
MOOSE
YOOHUSERYA 21 MULUKU ONNAVAHA MAHUSIHERYO AWE
WA MOOSE SA NIPURO NOOKUMANAMO
YOOHUSERYA 22 OREHERYERIWA OMWAAKHELA MVULUSHA
YOOHUSERYA 23 EPUCEPUCHE YA MULUKU
YOOHUSERYA 24 YEESU TAANI?
YOOHUSERYA 25 WINNUWA WA YEESU
YOOHUSERYA 26 YAMAHALA ETOKOTOKOSHA YA OOTHENE
YOOHUSERYA 27 TAANI MUNEPA WAVEELA?
YOOHUSERYA 28 YEESU ONNEEHIWA TI SAATAANA
YOOHUSERYA 29 YEESU ONNAALYIHA ACHU AMIILE ATHANU
YOOHUSERYA 30 YEESU ONNAMUKURUMUWELA MUCHU MWA

	SOOCHEKA SAWE
YOOHUSERYA 31	WEYO ONNAKHWELEYA OYARIWA WA HIHANO
YOOHUSERYA 32	OMOORONI HOOYE WIRIMU
YOOHUSERYA 33	YEESU ONNAWERYA WOOVULUSHA
YOOHUSERYA 34	YEESU NI ECHEKU YOOWALI
YOOHUSERYA 35	YEESU ONNAASIVELA
YOOHUSERYA 36	YEESU ONNANIHUSIHA MAVEKELELO
YOOHUSERYA 37	EPARIPARI YA ASIICHU A SIITA (MAKUPA 1)
YOOHUSERYA 38	EPARIPARI YA ASIICHU A SIITA (MAKUPA 2)
YOOHUSERYA 39	VOOHIKHA YEESU, HANRWA NIKHALA APHAAMA NI MULUKU
YOOHUSERYA 40	HIYO NSIVELANEKE MUKINA NI MUKHWAIYE
YOOHUSERYA 41	YEESU EPUCEPUCHE YEEVELEVELO YA PASKA
YOOHUSERYA 42	YOOLIVELA AYA YOOMUCHARA YEESU
YOOHUSERYA 43	“ YOOKUCHUWA “
YOOHUSERYA 44	“ YOOWO MUKUMI!”
YOOHUSERYA 45	ORWA WAYA WA MUNEPWA WAVEELA
YOOHUSERYA 46	MUNEPWA WAVEELA TONANIKHAVIHERYA
YOOHUSERYA 47	OMVEKA MULUKU WI OOSAREIHE IKURU SAWE
YOOHUSERYA 48	OREELIHIWA WI OKHALE MAREELIHO

Makhalelo oorehererya ohusihano aversiikulu a mmuruni

OTHOONYIWA WAYA WA AVERSIKULU AMMURUNI

YOOHUSERYA 1

MULUKU TAANI ?

Yoothoonvorya ya muhusiha

Ti wookhweleya wi anasikhola esuwele otokweene ni weela wa Muluku. Haavo ori mutokotoko hooye ookhweleyasha vooikhala Muluku. Wi enamucimiha Muluku yaawo onnachuneya omusuwela wi Yoowo taani.

Aversiikulo amPiipiliyani wi muhusiha aahuserye ahaakunve ohusiha

Yeesaya 43 vs.10-11

Yeesaya 55 vs.8-9

Aheepiri 1 vs.10-12

Yawuupulula 1 vs.8

Yoohani 4 vs. 24

Yoohani I, 4vs.16

Samuwele I, 2vs.2

Mateiyu 10 vs.30

Mateiyu 28 vs.17-20

Aheepiri 4 vs. 13

Waahusihe anasikhola makupa vaala

Muluku ti mpatusha ooweryasha a erimu ni elapo ya vathi.

Yoowo taarivo ehipacenrye elapo nave Vaiye harwa amala.

Muluku ti mutokotoko ni ookhweleya opwaha soothene.

Yoowo ti olamulelo woopwahasha.

Muluku haano mwiili si yoola waahu, vaiye Munepa. Hiyo hannawerwa omoona yoowo ni miitho ahu.

Vaiye hanakhwela olya, okona nari owara ikuwo, ni ikina.

Muluku hanakhwela echu wi akhale mukumi.

Vaiye oosuwela soothene nave ori voothevene elukuluku emoha yeeyo.

Hannawerya wiipithiha echu wa Yoowo.

Vaiye onnasuwela soothene nneeraahu, nnuupuwelaahu nari nnalocaahu. Nnaamwi eri mihi nnraahuno mmwiilini mwahu vaiye onnasuwela waaca waya.

Muluku onnansivelasha. Opwaha onsvela waya ahima ahu nari asinthamwene.

Muluku ti Osivela.

Muluku taweela ni eekhayikhayi, mwa Yoowo hawaamo yoocheka nari yoonanara nave vaiye oomwalana ni yoocheka yoothene.

Muluku harwa aakakhanyeya. Vaiye ori oororomeleya mwa sootherene onalocaiye ni oneeraiyeno.

Muluku nari olelo onnainwanana ni muchu, mwa makhalelo oohiyana-hiyana, nto makhalelo oopwahaha a Muluku wiisooneiha wawe, ti mwa masu awe, Piipiliya.

Orivo pahiru Muluku mmoha, nto mmoharu mwa makhalelo mararu oophwanaphwana:-(nvarerye etiyakarama)

Eversiikulu yookhapelela mmuruni ya waahusiha anasikhola emanle ohuserya, wi ehuleye miru

Mapacereryo (Genesis) 1: 1

WUULUULA SOOKOHA

- 1) Taani aarivovo elapo ehikhanle ? *(Muluku)*
- 2) Taani orino olamulelo otokotoko veelaponi ? *(Muluku)*
- 3) Muluku ori woowi ? *(Ori voothevene)*
- 4) Taani osuwenle soothene sa hiyo nave taani onanikhwelasha ompwaha muchu ? *(Muluku)*
- 5) Muluku taweela, ela entaphulelani ? *(Muluku onniimwalanya ni oothene eri yoocheka.)*
- 6) Orivo Muluku mmoha hooye arivo amuluku araru ? *(Muluku mmoharu pahi.)*

YOOHUSERYA 2

OTHETEIWA WA PIIPILIYA

Yoothoonyerya va muhusiha

Owoonihe Piipiliya anasikhola waavahaka yoohuserya. Omuhule yoowo nave owoonihe yaawo makupa awe oohiyana-hiyana, akapitulu ni averiikulu. Waahiye yaawo emphare Piipiliya, akhweya tho omveka nasikhola mmoha mmoha, amwaavye versiikulu wi amuhele mmuruni ni waalakhanya iitupihaka.

Aversiikulo amPiipiliyani wi muhusiha aahuserye ahaakuvale ohusiha

Peeturu II, 1 vs. 19-21
Timootiyu II, 3 vs. 16

aHeepiri 1 vs. 12

Uuluule Sookoha sa yoohuserya vookuchulela ni anasikhola

Waahusihe anasikhola makupa yaala

- Muluku onnawerya wiiwanana ni hiyo mwa sawoona nari mwa oloha, nto eparipari awe enaphwanyeya mwa masu awe, Piipiliya.
- Piipiliya michaka ya Muluku wa muchu ni muchu ni wa achu oothene eelapo ya vathi.
- Ori ntoko ekaaratha yoorempwa ya Muluku wa hiyo.
- Piipiliya harempwe elukuluku emoha yeeyo.
- Muluku aalampe ni achu opwaha makhumi masheshi (40) oohiyana-hiyana, awiichaniwa alipa a miririmo wi erepe masu awe.
- Muluku aalampe ni Moose wi aarepe aliivuru athanu oopacerya amPiipiliyani.
- Muluku aawunyererya alipa a miririmo masu awe mu elukuluku yoohiyana hiyana mwa miyaakha 1600.
- Masu awe aavira mwa maloko ni maloko ophiyerya olelo. Vano nookhalano masu awaakhwana a Muluku ari Piipiliya.
- Piipiliya orino makupa meeli- oohoola Nlakano Nakhalayi, oculi waya Nlakano Nahihano.
- Nlakano Nahihano nrempwe Yeesu ayariwe.

- Mpiipiliyani arimo aliivuru 66, ori mwaha onavinya Mapacereryo (Genesis) ophiyerya Yawuupulula.
 - Liivuru ni liivuru okawanyen'ye mwa akapitulu ni mwa aversiikulu wi akhweyeke omwaalakhanya.
 - Muluku ti mwaneene a Piipiliya
 - Hiyo ninnaroromela wi yeeyo erempwe eparipari nave herwa yakakhanyeya.
 - Piipiliya ori liivuru ookhweleyasha wi hiyo nimwaalakhanyeke.
-

Eversiikulu yookhapelela mmuruni ya waahusiha anasikhola emanle ohuserya wi ehuleye miru.

Mateiyu 24 vs. 35

Wuuluula Sookoha

- | | |
|---|---|
| 1) Muluku onakhala hayi ni hiyo ninleelo? | Mwa masu awe Piipiliya |
| 2) Piipiliya orepeliwe aani? | Achu oothene eelapo yavathi. |
| 3) Piipiliya ori mwaha onaviya _____ | nave onakota _____
Mapacereryo/ Yawuupulula |
| 4) Arimo aliivuru ahayi mPiipiliyani? | Aliivuru 66 |
| 5) Taani ori mwaneene a Piipiliya? | Muluku |
| 6) Akhweya hiyo onnaniphwanela weemererya Piipiliya onalocaiye? | Aayi, ntakhara Muluku tori mwaneene, vaiye hanoota. |

YOOHUSERYA3

MWAHA WOOKHWELEYASHA WA PHPILIYA

Yoothoonyerya ya Muhusiha

Waalakhanye yoohuserya yeela wa anasikhola ntoko mwaha, waaleelihaka wi evinrevo miyeeri ewerye ohuseryasha sa mwaha yoola ni wi eweryeke wooniherya soohuserya soothene.

Aversiikulo ampiipiliyani wi muhusiha aahuserye ahaakunve ohusiha

Haavovo

Wuuluula sookoha sa yoohuserya evirale ni anasikhola

Ohusihe makupa yaala wa anasikhola

Nlakano Nakhalayi

- Woopaceryani Muluku – Tiithi, Mwaana ni Munepa Waweela oopatusha elapo yooreheryeya.
- Okhwa, oreca, wiicela, mirece, nari miri sawiipha, hisaarivo.
- Yoopatusha yoothanleya ya Muluku. Aatamu, aathanla ohiiwelela yoohusiha ya Muluku, emanle weehiwa ti Lusiiifere (Saataana) munkeelo omonre iicanne ni Muluku vamoha ni muchu.
- Meerelo yaala oohiiwelela aaruuha omwalana wa muchu ni Muluku.
- Aatamu vano tahi mwaana a Muluku, onahooleliwa ni Saataana.
- Wanthowa na yoocheka ya Aatamu, okhwa, oreca, wiicela, mirece, miri sa wiipha ni ichu soothene soonanara saapacerya okhuma mweelapo.
- Achu oothene ni anamwane ene, ayariwe Aatamu arivovo, oothene anayariwa oocheka ene mmurimani mwaya nave tho aamwalani ni Muluku.
- Yoocheka yeela enakheleya ohooshiwa.
- Mwa ikharari, mahala ni osivela wa Muluku, ni muchu, yoowo onroromeliha onrumihela Mvulusha wi amoopole muchu wa ikuru sa Saataana, wi aviihevo yoohoosha ya yoocheka ni waavya makhalelo awi muchu akookele tho wa Muluku.
- Nto mwa miyaakha mincipale Muluku onnipakela muloko awe wa nloko na Aaparahaamu. Isaki ni Yaakoopo. Ahaavaha yaawo malamulo awe nave onnahoolela oyano elapo yoolakaniwa, yeeyo vano eniichaniwa Isarayeli.
- Mvulusha oyariwe mwa muloko yoowo.

NLAKANO NAHIHANO

- Wookuchulani waya, Mwaana a Muluku onnarwa mweelapo yavathi mwa makhalelo oomuchu, awiichaniwa Yeesu.
- Yoowo ti Mvulusha aawehereriwa mahiku mancipale.
- Mwa opacerya wawe oyariwa, oohikhalano yoocheka, ohusiha wawe ni ineneryo sawe, Vaiye ohooniherya wi ti Muluku Mwaana.
- Tiwi Muluku taweela ni awookololowa, yoocheka enakhweleya woonihiwa ekoyi ni okhwa.
- Yeesu aavira mwa yoocheka ya Aatamu ni yeelapo yoothene vaavaa aathomeiweiye vamwiikimanyo arino miyaakha makhumi mararu ni miyaakha miraru (33).
- Olimva waya yoocheka weeriweno ti Muluku Mwaana.
- Yeesu aavithiwa mmahiyeni, nto nihiku na neeraru aavinya wookhwaani nave aahooneya wa achu ancipale.
- Amalinhe mahiku makhumi masheshu (40) Yoowo aakookela Wirimu nave aaromeliha wi Muluku Munepa Waweela ii anakhala wa oothene yaale yaamwemererya Yoowo wi Mvulusha aya.
- Ikuru sa Saataana wa akristu, vano sohintakiwa nave aakokela okhala a emusi ya Muluku hiihaa onnawereya mwa okhwa wa Yeesu vamwiikimanyo.
- Nihiku nimoha muhoolo, Yeesu onamukookela mweelapo yavathi nave ni arummwa awe anamuriheliwa omooroni woohimala, vamoha tho ni achu oothene ahinamweemererya Yeesu okhala Mvulusha aya.
- Oothene yaale anamweemererya Yeesu anamukhalaru ni Yoowo mahiku oothene, vaavaa horwa tho okhalawo okhwa, ireca, wiicela nari yoonanara, ntakhara elapo yakhalayi ekeera evinre.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Yawuupulula 21 vs. 5

Wuuluula Sookoha

Wa yoohusera yeela hasiivovo sookoha

ATIITHI, MWAANA, MUNIPA WAWEELA

Opatusha

- ? miyaakha Kristu ahiruule **Aatamu ni Haava** { Muluku omuroromeliha
Mvulusha}
- Kayine ni Havele** { Mukucho wa Havele
weemereriwa ti Muluku}
- Noowa** {Maahi mancipale ni otoloshiwa wa ikumi
soothene}
- Miyakha 2000 Kristu ahiruule **Aaparahaamu** { Muluku wuuluula wawe
ororomeliha sa Mvulusha}
- Isaaki** {Isaaki ovulushiwa wawe ti Muluku}
- Yaakopo** { Ochuwiwa wawe Isarayeli ti Muluku}
- Anamwane 12** { Yaakusha mahimo 12 a Isarayeli}
- Miyaakha 1500 Kristu ahiruule **Moose** {*Owoopola wawe aIsarayeli oYiikuputu*}
- Yooshuwa** { *Onnaahoolela aIsarayeli oya elapo*
Yoolakaniwa}
- Ahooleli** { *Waalamura waya aIsarayeli echu*
ya miyaakha 400}
- Miyaakha 1000 Kristu ahiruule **Mamwene ni alipa a Miririmo** { *Olopoliwa wa*
aIsarayeli sa
ohiiwelela}
- Echu ya mwaakha 1 Kristu ahiruule **Yoohani Mpatisi** { *Oreheryerya wawe*
mphiro wa Mvulusha}
- Muyakha 0 **Oyariwa wa Yeesu Kristu** { *Mvulusha*}
- Eyaakha 33 Kristu ayariwe { *Othomeiwa wa Yeesu Kristu*}

Waalakhanyiwa wa Elukuluku

YOOHUSERYA 4

SAATAANA TAANI ?

Yoothoonyerya ya muhusiha

Achu ancipale omoova Saataana ni minepa. Onakhweleya waasuweleha anasikhola wi Muluku tawuupasha nave mutokotoko ompwaha Saataana. Muluku tonalamulela soothene ni minepa ene yoonanara. Verso ammuruni a yoohuserya yeela ori ookhweleyasha waasuweleha anasikhola wi yuupuweleke ikuru sa Muluku.

Aversiikulo amPiipiliyani wi muhusiha aahuserye ahaakuvale ohusiha

Yoopu 38 vs. 4-7

Saalumu 103 vs. 20-21

Yeesaya 14 vs. 12-14

Yawuupulula 5 vs. 11

Yoohani 8 vs. 44

Akorintu II, 11 vs. 14

Luuka 10 vs. 17-20

Yoopu 1 vs. 6-7

Esekiyele 28 vs. 14-15

Akolose 1 vs. 16

Yawuupulula 20 vs. 10

Peeturu I, 5 vs. 8

Yawuupulula 12 vs. 7-9

Wuuluula sookoha sa yoohuserya evirale ni anasikhola

HAYIIVO

Makupa yaala waahusihe anasikhola

- Muluku ahipatunshe elapo aapatusha minepa, yawiichaniwa ankeelo.
- Minepa herino miili sintoko hiyo nraahuno. Yeeyo vakina inakusha makhalelo a miili inalampwano ni Muluku nari Saataana.
- Muluku aapatunshe yoothene eri yooreea ni aphaama.
- Muluku aapatunshe yeeyo wi ekhale anamuteko awe.
- Lusiifere aari munkelo oothanleya, ooreera, amiruku ni awuupa.
- Yoowo aavahiwa olamulelo ni owerya wa ankeelo akina oothene.
- Lusiifere aakhalano wiisinnuwiha mmurimani mwawe nave aakhwela koala mu nipuro na Muluku ntoko Mwene oolamulela ichu soothene.

- Muluku haahiya wi yeeyo yeereye. Yoowo aamvonya Lusiifere (saataana) ni ankelo ancipale (minepa) yaawo yaamuchara amwiikara mumwene awe amukeriha mweelapo yavathi vaava nlelo anakhalaayavo.
- Saataana mwiicani a Muluku. Vaiye oomwiica Muluku vamoha ni muchu, ni yoothene eri yaphaama.
- Yoowo mulipa oowoka, nawoothe ni ootolosa.
- Tiwi Muluku tooweryasha nave mutokotoko ompwaha Saataana. Vaiye ooreherya nipuro noomuhooshawo Saataana ni minepa sawe.
- Nihiku nimoya Saataana ni minepa sawe anarwa eriheliwa muniya ya mooro weiwo aneeraaya evyekewo mahiku oothene. Saataana oosuwela yeeyo ophiyerya olelo, yoowo onnaweeryerya achu wi emuchareke wi awo tho yoonihiwe ekoyi.

Eversiikulu vookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu

Yeremiya 10 vs 6

Wuuluula sookoha

- 1) Tisheeni Muluku aapatunsheiye ahipanke elapo? *Ankeelo*
- 2) Taani aari muhooleli aankeelo oothene? *Munkeelo Lussifere*
- 3) Tisheeni Lusiifere aareheryenryeiye weera? *Vaiye aakhwela okusha nipuro na Muluku wi akhale mwene a soopatushiwa soothene.*
- 4) Muluku aamweerenleni Lusiifere? *Muluku aammoriha wirimu oya vathi*
- 5) Nihiku nimoha Saataana ni arummwa awe enii eye woowi? *Yaawo anamukerihiwa omooroni (Eniya ya Mooro) Omwalana ni Muluku mahiku oothene.*
- 6) Taani ori ooweryasha, Muluku hooey Saataana? *Muluku*

YOOHUSERYA 5

MULUKU OPAKA WAVE ELAPO YA VATHI

Yoothoonyerya va muhusiha

Mwaha wa opatusha onooniha ikuru sa Muluku. Yoowo aapaka elapo ohirimo echu! Weyo waasuwelehe anasikhola sa ikuru sene, miruku ni meepesero a Muluku. Yoowo oopatusha elapo yoothene ni soothene iri mummo wi achu ekhalekemo.

Aversiikulo amPiipiliyani wi muhusiha aahuserye ahaakuvale ohusiha

Mapacereryo(Gn) 1 vs. 1-10

Masaalimu 19 vs. 1- 4

Yeesaya 44 vs. 24

Ahepiri 11 vs. 3

Masaalimu 95 vs. 3-5

Yeremiya 32 vs. 17

Yeesaya 40 vs. 28

Akolose 1 vs. 16

Wuuluula sookoha sa voohuserya evirale ni anasikhola

Ohusihe makupa yaala wa anasikhola

- Voopacerya Muluku aapatunshe elapo ya mmunepani. Voocharavo apatusha elapo enrukuryenrye hiyo naweryaahu woona.
- Voopaceryani hiwaarivoru echu. Nari echaya , nari ephareya, nari erimu, nari itheneri, nari nsuwa, ipalame, malashi, ihopa, nari mano muchu.
- Muluku aapaka ichu soothene seiya ohirivo echu.
- Elapo yaahuruweliwa maahi ni epiphi.
- Muluku aahi: ‘Okhalevo omwaleela!’ nave omwaleela waakhalavo. Omwaleela wu hiwaari wa nsuwa, tiwi nsuwa tho naarimpatushiwa nihiku na neeraru. Omwaleela wu waaruule wa mwaneene Muluku.
- Muluku aapaka erimu nave aakuhawo maahi marina wi evaheke epula veelaponi nave maahi makina yaakhalaru veelaponi ntoko mihice ni iphareya.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Yeremiya 32:17

Wuuluula sookoha

- 1) Voopaceryani tisheeni yaarivo? (*Hiwarivo echu- Muluku pahi*)
- 2) Voopaceryani yaahuruwela elapo yoothene? (*Epiphi ni maahi*)
- 3) Nihiku taani Muluku aapatunsheiye nsuwa? (*Nihiku na neeraru*)
- 4) Omwaleela waaruule woowi? (*Wa mwaneene Muluku*)
- 5) Tiwoowi Muluku aakun'heyewo maahi? (*Aakuha makina wirimu wi
Ekhale epula, makina
Veelaponi ntoko mihice ni
Iphareya.*)
- 6) Nkha weyo onnawerya opaka echu ohirivo echu? (*Hooye, Muluku tonawerya*)

YOOHUSERYA 6

MULUKU ONNAPATUSHA MALASHI NI MIRI

Yoothoonvera va muhusiha:

Okushe makukhu oohiyananhiyana, ithutu, sawiima ni inuku wi owoonihe anasikhola, hooye ekhumele vaate yoone miri ni malashi oohiyananhiyana. Yinkhe ni weererya osiva wa sawiima, makukhu, ithutu soohiyananhiyana. Apaka muupuwelo a muloko-muloko ni elapo yooreera Muluku opakenlaiye.

Aversiikulo amPiipiliyani wi muhusiha aahuserve ahaakuvale ohusiha

Mapacereryo 1 vs. 11-13
Masaalimu 104

Masaalimu 24: 1-2
Timootiyu I, 6: 17

Wuuluula sookoha sa yoohuserya evirale ni anasikhola

Ohusihe makupa yaala wa anasikhola:

- Elapo Muluku opatunsheiye, Yoowo oohelamo miri, malashi ni ithutu wi sinnuweke ni ovaha inuku wi ikhaleke miri mincipale.
- Miri sa nakhuwo iniima nakhuwo yoowo, inuku saya iri mpuwa, mipapaya, inavaha mapapaya inuku saya iri mpuwa.
- Muluku oonivaha malashi ni miri soothene seiya wi nikhaleno:
 - Yoolya
 - Muurushi
 - Ipa (mapawa, ehece, ikhuuni ni sikina)
 - Soowara (nchoce)
 - Ithutu wi sinreeriheke ni opuha.
- Muluku onrehererya khuluwi wa soonthowa sahu ntakhara Owo onnanikhwela.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Aheepiri 11:3

Wuuluula sookoha

- 1) Tisheeni Muluku aakunheiye veelaponi wi ivaheke sawiima? (*Miri, malashi ni ithutu*)
- 2) Kaala enuku ya mpapaya, tisheeni enakhumavo? (*Mwiri wa mpapaya*)
- 3) Ovahe sawooniherya thanu sammacani nnalyaahu. (*Nakhuwo, ikhuce, ...*)
- 4) Nnalapano ikhuuni ni miri mwawi hayi? (*Wiiseelano mooro, soolapela sa mpa opakela ipa ni sikina*)
- 5) Nchoce nnarwa woowi? (*Mwa mwiri wa nchoce*)
- 6) Nthowa taani Muluku opatunsheiye ichu seiya inamela vachayani? (*Tiwi owo onnansivela onivahenre wi nlapekeno*)

YOOHUSERYA 7 **MULUKU OOPAKA NSUWA MWEERI NI ITHENERI**

Yoothoonvorya va muhusiha:

Aweemeryerye anasikhola wi eloceke sa itheneeri yaawo anoonaaya, mweeri ni makhalelo aya oohiyana-hiyana ni waarya waya wa nsuwa nikhumaka nari nivolowaka. Waaleele yaawo wi Muluku oonipakela elapo yooreerasha, ni onikhapelela wawe. Yaawo tho onnakhweleya osuwela wi ookhalavo Muluku mpatusha onavaryerya elapo yeeyo yaarukuryenrye yaawo.

Aversiikulo amPiipilivani wi muhusiha aahuserye ahaakuvale ohusiha

Mapacereryo 1vs. 14-19
Yeesaya 40 vs. 26

Masaalimu 33 vs. 6-9
Arooma 1 vs. 20

Wuuluula Sookoha sa vohuserya evirale ni anashikhola

Ohusihe makupa yaala wa anasikhola

- Muluku opaca enuku yooyevasha nave apaka tho nsuwa ntokotoko, Mweeri ni itheneeri amiile amiile ene. Itheneeri sincópale sohiwerya waalakhanya.
- Itheneeri sikina iri ociiwene weya ohinaweryaa wona seiyo.
- Muluku ookuhawo nsuwa wi nimwaleeleke, onivaha waarya ni oviha othana.
- Ookuhawo mweeri ni itheneri wi ivaheke omwaleela ohiyu.
- Wuupuwele epihi yii ekhalevo ohiyu hiyo Nariño itheneeri ni mweeri.
- Muluku ti Muluku awookolola. Hiyo ninnoona yeela nsuwa naakhumaka wooshiishelo ni naamorelakamo oshekuwa.
- Ilukuluku sheshe inarwa iviraka miyakha soothene.
- Otokotoko awe woorthene Muluku onnooneya vonrukuryerya mweelaponi.
- Mmapuro oothene ninnoona echu yeeyo Muluku opankeiye.

Eversikulu vookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Wuuluula Sookoha

- 1) Omwaleela taani Muluku opankeiye akuhavo wi omwaleeleke othana? (*Nsuwa*)
- 2) Mithuko taani Muluku okunheiyevu wi imwaleeleke ohiyu? (*Mweeri ni itheneeri*)
- 3) Iri hayi itheneeri Muluku opankeiye? (*Sincipale, hannawerya waalakhanya seiyo.*)
- 4) Hiyo nookhala nwerya woona itheneeri soothene Muluku opatunsheiyu? (*Hannawerya woona*)
- 5) Ovahe masina a ilukuluku sheshe. (*Elimwe, Eyiita, Mulukumuchulo ni Oriirya.*)
- 6) Muluku tho topanke maceeke? (*Hooye, vaiye aapanke achu anapaka maceeke.*)

Yoohuserya 8

Muluku oopatusha ipalame, ihopa ni asinama

Yoothoonyerya ya Muhusiha:

Waahiye anasikhola eloce masina aashinama ntoko: Ipalame ni ihopa. Waahihe yaawo etakiherye ntoko ichepo ni anamarokolo aneeraaya, hooye yiipe ntoko asipalame aniipelaaya, ni sikina tho. Othateke ni anasikhola waahusihaka yaawo elapo yeela ya Muluku ni otikiniha waya.

Aversiikulo amPiipiliyani wi muhusiha aahuserye ahaakuvale ohusiha

Mapacereryo 1 vs 20-25

Masaalimu 104

Wuuluula Sookoha sa yoohuserya evirale ni anashikhola

Ohusihe makupa yaala wa anasikhola

- Muluku oosareiha elapo ni asinama oohiyana-hiyana, osulu ni ipalame soohiyana-hiyana nave ni ihopa mphareya ni mmihiceni.
- Ihopa sikina iri ikhaanisha ntoko nikharu na ekatha etokotoko, ikina itokotoko paleya yoowo winnuwa wawe oopwaha echepo.
- Ihopa sikina inakhala vathi wa maahi wiisha ni wooripawo wa mphareya, tiwi iyo sinnaarya mmwiilini mwaya nave sinnawerya woonana ekina ni mukhwaaya.
- Ipalame sikina sirino mito antikwa nari oophiliviha.
- Ipalame inalya ichu soohiyana-hiyana, ikina inalya mmiso, sikina emece nave ikina inalya sawiima.
- Asinama akina akhaani ntoko amuchoro, akina atokotoko ni awinnuwa eruchu ntoko echepo nave akina toorekama ntoko muheku!
- Ashinama akina anlya makukhu, akina enama ni akina malashi.
- Muluku oopaka ichu soothene seiya soohiyana-hiyana wi nipuheke ntakhara Muluku onnanikhwelasha.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Masaalimu 104 vs. 24

Wuuluula sookoha

- 1) Tisheeni yeeyo Muluku opankeiye inavava osulu? (*Ipalame*)
- 2) Oloce masina a soopatushiwa sikina Muluku okunheiye mphareya.(*Ihopa, ikhala ni ikina*)
- 3) Aakhalavo asinama akina atokotokosha? (*Atokotokosha ntoko ichepo*)
- 4) Tuuve mwaasinama oorekama Muluku ompatunsheiye? (*Muheku*)
- 5) Muheku onalyani? (*Makukhu anakhala okhomoni wa miri*)
- 6) Taavi ashinama yaawo anakhuura emece? (*Amwaco, alapwa, apaakha ni akina.*)

YOOHUSERYA 9

MULUKU ONNAPAKA YOOPATUSHA AWE YOOTHANLEYA: MUCHU

Yoothoonyerya ya muhusiha:

Anasikhola onnaaphwanela osuwela wi vava ari oothanleya wa Muluku. Tiwi Muluku aapanke moohiyaniha ni soopatushiwa soothene. Vawi apatushiwe ti Muluku yaawo tawawe. Vaiye oosuwela tisheeni enaaphwanelela yaawo, tivaavanto onakhweleyaaya omwiiwelela Yoowo.

Aversiikulo amPiipiliyani wi muhusiha aahuserye ahaakuvale ohusiha:

Mapacereryo 1 : 26 - 31

Mapacereryo 2 : 20 – 23

Mapacereryo 2: 7

Miteko Arummwa 16 : 24 - 28

Wuuluula sookoha sa yoohuserya evirale ni anasikhola

Ohusihe makupa ala wa anasikhola:

- Muluku aamaliha yoopatusha awe ya ashinama, ipalame, ihopa, miri, nsuwa , mweeri ni itheneeri.
- Soothene sohaakhwana wa yoopatusha awe yoothanleya : Muchu
- Piipiliya onloca wi hiyo nipakiwe mu yoolikanyiha ya Muluku. Ela tahi wi hiyo nri ntoko Muluku, ntakhara Muluku haano mwiiili, Muluku Munepa.
- Mu yoolikanyiha ya Muluku entapulela wi:
 - Muluku oonivaha miruku soomusuwela Yoowo
 - Vaiye oonivaha murima woomusivela Yoowo
 - Vaiye oonivaha okhwela othanla omwiiwelela Yoowo hooye ohimwiiwelela
 - Ashinama, ipalame ni ihopa hiinawerya weera yeela.
- Muluku aahaava muteko achu wi ephareke: Onakhweleya okhapelelaka elapo ya Muluku
- Muluku ampaka mulopwana oopacerya Aatamu, ni nchupi na echaya nave aaveerela mphulani mwawe miwiya yookumi. Yoowo akusha eparari emoha ya Aatamu ampakela muthiya amuchuwa Haava.
- Muluku aahaakuha yaawo mu emaca yooreera yawiichaniwa Eteni, nave ahaalela yaawo wi ekhaleno anamwane ni yaaceereryane ophiyerya esaren'ye mweelaponi.
- Aatamu nikholo nahu, ntakhara achu oothene akhumme mwa yoowo.

- Muluku amvaha Aatamu ni Haava elapo yoorehereya wi ekhalekemo. Muluku aaherano hiiha ntakhara vaiye onnanikhwelasha.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopacerya echu.

Miteko Saarummwa 17 : 26 (makupa oopacerya)

Wuuluula sookoha

- 1) Tiive yoopatushiwa yoothanleyasha ya Muluku? (*Achu*)
- 2) Ontaphulela hayi 'Nipatushiwe mu yoolikanyiha ya Muluku'? (*Okhalano miruku sa wuupuwela, murima woomusivela Muluku, okhwela woothanla omwiwelela Yoowo*).
- 3) Akhweya ashinama annawerya omwaalakhanya Piipiliya? (*Hooye, achu tanawerya.*)
- 4) Muluku ompaka wawe Aatamu amuriheeno? (*Ni nchupi sa echaya aveerela okumi wa Yoowo.*)
- 5) Nthowa taani elapo yeela yooreera ovahiwa Aatamu ni Haava? (*Tiwi Muluku onnanikhwelasha.*)
- 6) Taani ori nikholo nahu noopacerya? (*Aatamu.*)

YOOHUSERYA 10

YOOHUSIHA YA MULUKU WA AATAMU

Yoothonyerya ya muhusiha

Waavahaka yoohusiha yeela olape ni murayi mmoha wa makukhu. Waaleelihe wi okhwa onakhala ntoko nikukhu nenla niviihiwevo vamurayini. Murayi okumi aya, nnaphwanyaayavo yoolya ni maahi. Nikukhu naviihiwavo vamurayini vaya ti: 1) Omwalanyiwa ni okumi aya. 2) Evinre mahiku tonto, ninnanyaala nuuma. 3) Vookuchulela nnamuriheliwa vaikho wi neeyeliwe. Waavahaka yoohuserya okushe murayi wi waakhaviherye anasikhola osuwela otaphulela sa okhwa.

Aversiikulo amPiipiliyani wi muhusiha aahuserye ahaakuvale ohusiha:

Mapacereryo 2 vs. 15-17

Wuuluula sookoha sa yoohuserya evirale ni anasikhola

Ohusihe makupa ala wa anasikhola

- Muluku aamukuha Aatamu mu emaca ya Eeteni. Muluku aamuleeliha yoowo
- Aatamu ii anaamulya yawiima pure, nto ehiri ya mwiri woosuweliha yaphaama ni yoonanara.
- Muluku aahi wa Aatamu, weyo walya yawiima chiri onamookhwa.
- Aatamu voohimwiiwelela Muluku, ichu chaaru saamweereya ni yoowo:
 - 1) Yoowo hi uuluule okhala mwaana a Muluku, ammwalana ni Muluku nave ii anavaryeriwa ti saataana. (Ovihevo nikukhu nimoha vamurayini vaya).
 - 2) Mwiili wa Aatamu waamuuluvala nave akhwe. (Waaleelihe wi nikukhu nenla nnamunyaala, nuume).
 - 3) Aatamu aamuriheliwa mu eniya ya mooro, ntoko woonihiwa wawe ekoyi voohimwiiwelela Muluku. (Hiihaa ntoko makukhu, uumale anneyeliwa vaikho)
- Muluku aanamusivelasha Aatamu, omvanha soothene aakhweleiyi wi amuhakalalihe Aatamu mu emaca ya Eeteni.

- Onamphwanaphwana tho asipaapaa yooleelaka wi ohiphare mooro wi ewaakihe wa yawoopiha, Muluku tho aakhwela omwaakiha Aatamu wi ahithanle yoonanara.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Mapacereryo 2 vs. 17

Wuuluula sookoha

- 1) Wiichaniwa hayi mwiri yoowo Muluku aamulenleiye Aatamu wi ahilye?
(*Mwiri woosuweliha yaphaama ni yoonanara.*)
- 2) Tisheeni yi yeereye Aatamu eeraiye ahimwiiwelele Muluku? (*Yoowo aamookhwa.*)
- 3) Ontaphulelani okhwa?
 1. *Omwalana ni Muluku.*
 2. *Wuuluvala aviinyaka akhwe.*
 3. *Vookuchulela omwalana ni Muluku mu eniya ya mooro.*
- 4) Nthowa taani asitithiihu ananlopolaaya mwa ichu sawoopiha? (*Tiwi awo annansivela.*)
- 5) Nthowa taani Muluku aamulenlaiye Aatamu wi ahilye mwiri woosuweliha yaphaama ni yoonanara? (*Tiwi Muluku aanamusivelasha aakhwela omwaakiha ohithanla yoonanara.*)
- 6) Ntakhara sheeni onakhweleyaaya omwiiwelele Muluku? (*Tiwi Muluku onnansivela nave oosuwela yeeyo enaphwanela wa hiyo.*)

YOOHUSERYA 11

AATAMU NI HAAVA HIIWELENLE YOOLOCA YA MULUKU

Yoothonyerya ya Muhusiha

Yoohuserya yeela ennanooniherya wi onneererya weera ichu soonanara. Yoowo aamuleela Haava ii waamureeravo aalyile yawiima wi anasuwela ichu. ninleelo onnaneererya wi hiyo neerekeno ichu soonanara, onnaniwoka ariki tiyaphaama, ohiwiiwelela asitithiihu, ahusiha, weerano mararuwo ahaakunve othela, ohapaliwa, omulya soona, mirece, wiiya, owiriyana sawiipa sa saataana, woona ichu soonanara sa TV. Waaleele wi onakhwela onanariha okumi aya aakerihaka omooroni.

Aversiikulo amPiipiliyani wi muhusiha aahuserye ahaakuvale ohusiha:

Mapacereryo 3 vs. 1- 19

Yoohani 8 vs. 44

Wuuluule sookoha sa yoohuserya yookuchula ni anasikhola

Ohusihe makupa ala wa anasikhola

- Muluku aamurihela velaponi ya vathi vaavaa aamuchekenleiya Muluku.
- Vano aarwa mu emaca ya Eeteni omuwoka Aatamu ni Haava. Vaiye aanaakhalela nrima yaawo ntakhara yaahaataana ni Muluku, tivaavanto aakhwelaiye oviihavo waataana waya aakerihaka eniya ya mooro.
- Aathatuwa okhala enowa nave aamuwoka Haava wi alye yawiima ya mwiri woosuveliha yaphaama ni yoonanara. Aamuleela yoowo wi hii akhwe, nto ii anaamusuwela ichu ntoko Muluku.
- Yaalya yawiima ooweeli, Aatamu ni Haava.
- Aasuwela wi:
 - 1)- Yaawo yaammwalana ni Muluku, hiyii yiichaniweke tho anamwane a Muluku ntakhara vano yaahooleliwa ti .
 - 2)- Nihiku nimoha yaamuuluvala ekhwe.
 - 3)- Wookuchulani yaaya okhala vamoha ni yoowo mu Eniya Mooro ntoko ekoyi aya voohiiwelela yooloca ya Muluku.

- Haamulamulenle Aatamu ni Haava wi ehiiwelele, nto awo tiyaakhwenle omwiiwa yoowo. Onnuupuwela wi, Muluku amvaha Aatamu ni Haava okhwela othanla omwiiwelela Muluku hooye ohimwiiwelela.
- Mulipa awiipha ni awootha, vaiye onakhwela wi achu oothene ayeno mu eniya ya mooro. Yoowo mwiicani a Muluku ni a muchu.
- Wanthowa na ohiiwelela ichu soothene soonanara sookhuma mweelaponi, okhwa, ireca, wiicela, mirece, miri sawiipha, mahiku oonanara, ohaawa ni sikina.
- Muluku aapaka elapo ya vathi yaphaama ene. Vano wanthowa na ohiiwelela wa Aatamu, Muluku ooruuha wuulumeleya veelaponi, epacerya omelavo miyiiwa, miri sa mirece, miri sa wiipha. Yeela yaaheeriha wi Aatamu ni Haava, vamoha ni anamwane awe amuhoolo okumi aya okhale woowalamelasha ni yeehu ene.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Peeturu I, 5:8

WUULUULA SOOKOHA

- 1) Nthowa taani amuwonkeiye Aatamu ni Haava? *Yoowo aakhalelele nrima Waataana yaawo yaaraayano ni Muluku nave aakhwela wi eye mu eniya ya mooro.*
- 2) Tisheeni yaaweenle Aatamu ni Haava elyile yawiima?
 - a. *Yaawo yaamwalana ni Muluku*
 - b. *Nihiku nimoha yaamuuluvala nave yaamukhwa*
 - c. *Nihiku nimoha Yaawo yaamoonihiwa ekoyi mu eniya ya mooro ni ni arummwa awe.)*
- 3) Akhweya ti Saataana aamurumme Aatamu ni Haava olya yawiima? (*Hooye, Yaawo akaneene tiyaathanlile ni okhwela waya*)
- 4) Taani iicannaiyeno? (*Yoowo iicanne ni Muluku vamoha ni muchu*)
- 5) Tisheeni yeeren'ye mweelaponi, Aatamu ni Haava ehimwiiwelenle Muluku? (*Muluku aaruuha wuulumeleya veelaponi, ireca, wiicela, miri sawiipha ni soopahula, ekuma tho mahiku oonanara.*)
- 6) Okhala wahu tho hiyo tiwoowalamela? (*Aayi, sintoko: Ninniiceliwa, ninnahaawa ni etala, othowa wa miteko soolapa, ni sikina.*)

YOOHUSERYA 12

ACHU OOTHENE TOOCHEKA NAVE AAMWALANA NI MULUKU

Yoothoonverya va Muhusiha

Ovaanyihaneke ni anasikhola sa makhalelo a yoocheka. Mwaahiye yaawo wi eloce sa yoonanara yaawo aneeraaya. Muloce sa yoonanara yeeyo oneeraa. Ohaathorihe, nto owooniherye yaawo wi vaaya tho alipa oocheka.

Aversiikulo amPiipiliyani wi muhusiha aahuserye ahaakuvale ohusiha:

Aroma 3:23

Masaalimu 51:5

Miteko sa Arummwa 17:26

aRoma 5:12

Masaalimu 53: 1-3

Wuuluule sookoha sa yoochekanya yookuchula ni anasikhola

Ohusihe makupa yaala wa manasikhola:

- Yawaakhula ya ohiwelela wa Aatamu ni Haava malamulo a Muluku, achu oothene vamoha ni anamwane ene hamwiiwelenle Muluku.
- Aatamu nikhola nahu, hiyo nikhumme mwa yoowo, hiihaa hiyo tho naalipa oocheka ntoko yoowo.
- Muluku ti Muluku aweela, ela tiwi Owo oomwalana ni yoocheka. Muluku oriye yoocheka yoothene onaphwanela olakiwa ni okhwa.
- Yoocheka tisheeni? Yoocheka okhooa wiiwa hooye ohiimwiiwelela Muluku. Muluku aamuleela Aatamu ni Haava wi ehilye yawiima ya mwiri. Muluku onnanleela mwa masu awe, Piipiliya: ‘Ohiye, ohootheke, owana, nari waaphoreiha achu akina mmasu ahu hooye ni saweera sahu.’
- Nnaamwi wiiyale echu ekhaani, ntoko omukushamo asuukari mwaarumariyuni wa amayaa, yoocheka.
- Achu oothene a veelaponi ya vathi annacheke, ntakhara oothene nikhumme mwa Aatamu, muchu oopacerya ocheke.
- Piipiliya onanleela wi Muluku onamulaka yoocheka yoothene ni okhwa.

- Ela tiwi:
 - 1) Noomwalana ni Muluku nave nnayariwa mwa emusi ya
 - 2) Miili sahu nihiku nimoha enamookhwa
 - 3) Nnamuriheliwa mu eniya ya mooro
- Yeeyo emweerenle Aatamu enamweereya tho mwa hiyo.
- Hayiivo yoocheka ekhaani nari etokotokosa, yoocheka yoothene enamphwana nave enamoonihiwa ekoyi.
- Muluku onnasuwela nave oosuwela soothene, ori voothevene mu elukuluku emoha yeeyo. Yoowo onnasuwela soothene hiyo nneeraahu, nnalocaahu ni seiyo tho nnuupuwelaahu.
- Haavo onawerya wiipitha nari ochawa yoolaka awe.
- Muluku oosuwela yoocheka ya Aatamu ni ya Haava, oosuwela tho soocheka sahu.

Ohusihe makupa yaala wa anasikhola:

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

aRoma 6vs.23 (makupa oopacerya)

Wuuluula sookoha

- 1) Achu taani yaari oopacerya ocheka? (*Aatamu ni Haava*)
- 2) Taani ori nikholo nahu noopacerya? (*Aatamu*)
- 4) Yoocheka tisheeni? (*Ti ovaanya ni ohimwiiwelela Muluku*)
- 5) Muluku olaka oniiheeni yoocheka yoothene? (*Onlaka ni okhwa*)
- 6) Akhweya Muluku onnasuwela soothene nnuupuwelaahu? (*Aayi, Muluku onnasuwela soothene.*)
- 7) Akhweya hiyo nookhala mukophola yoolaka ya Muluku? (*Hooye, haavo okhanle mmuchawa Muluku*)

**AATAMU (MULIPA
OOCHEKA)**

**ACHU OOTHENE ANAYARIWA
ERI OOCHEKA ENE**

YOOHUSERYA 13
MULUKU ONNAMUROROMELIHA MVULUSHA WI ANYAANYE IKURU SA

Yoothoonyerya ya Muhusiha

Wanaawili anasikhola yooneke wi awo toocheka nave aamalana ni Muluku, nihiku nimoha soocheka saya inamulakiwa. Muluku onnanisivela voochwaha, ophiyerya Vaiye aavye makhalelo a wi hiyo nuuluule okhala mwa Yoowo, Mapacereryo 3 vs, 15 ari opacerya ororomeliha sa Mvulusha, (Yeesu) yooowo anii arwe anyaanye ikuru sa .

Aversiikulo amPiipiliyani wi muhusiha aahuserye ahaakuvale ohusiha:

Mapacereryo 3 vs. 15

Yeesaya 7 vs.14

Yeesaya 45 vs 21-22

Peturu II, 3 vs. 9

Mikeya 5 vs. 2

Yeesaya 9 vs. 6-7

Mateiyu 2 vs. 3-6

Yoohani I, 3 vs. 8

Wuuluule sookoha sa yoohuserya yookuchula ni anasikhola

Ohusihe makupa yaala wa manasikhola:

- Aatamu ni Haava hiyaamwiiwelenle Muluku. Tahi aaweerinhe wi ehiwelele. Aatamu ni Haava yaapatushiwe oolikana ni Muluku, ela tiwi yaawo yaavahiwa othanla wiiwelela hooye ohiiwelela, nave yaawo yaathanla ohimwiiwelela Muluku.
- Muluku ninleelo onnamuchuna Aatamu ni Haava. Ntoko asitithiihu ninleelo anansivela nari hiyo nihiwiiwelelaka.
- Muluku aahaavaha ororomeliha wootikiniha, omurumiha muchu, Mvulusha wi anyaanye ikuru sa mwa yaawo.
- Mvulusha yoola aamviihavo yoohoosha ya soocheka seeren'ye, wi yaawo ekookele owannyeya Apwiya.
- ni anamuteko awe ninleelo yaamuuluula owana ni Muluku vamoha ni muloko awe. aammuruuhela Mvulusha wiicela ni sookacamiha, nto Mvulusha aammunyaanya ni omvootha wookuchulani . (Mapacereryo 3 vs. 15)
- Mvulusha aayarwa mweelaponi yavathi mwa miyaakha mincipale a muhoolo, nave ii ayariwe ntoko mwaana mwa namwali (enataphulela wi vaiye hamusiwenle mulopwana)

- Nsina nimoha na Mvulusha ti Emanuwele, ela tiwi (Muluku ni hiyo.)
- Yoowo aaya oyariwa epooma ekhaani yiichaniwa Petelehemu elapo ya aIsaraye.
- Muluku aaya owerya omurumiha veelaponi ya vathi Mvulusha mmoharu wi amvulushe muchu wa ikuru sa .
- Mwa soohuserya sa muhoolo nyuwo munamuhuserya ichu sincipale sa Mvulusha, wi nyuwo muwerye okhala a Emusi ya Muluku.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Mateiyu 1 vs. 23

Wuuluula Sookoha

- 1) Aatamu ni Haava emanle ohimwiiwelela Muluku, akhweya Muluku aahiya Waasivela yaawo?
(*Hooye, Muluku aatitelela osivela wawe ni yaawo.*)
- 2) Yoororomeliha taani yootikiniha Muluku aavanhaiye Aatamu ni Haava?
(*Waari omurumiha Mvulusha wi awoopole yaawo wa .*)
- 3) Mvulusha aaya orwa liini? (*Aaya orwa mwa miyakha mincipale sa muhoolo.*)
- 4) Ontaphulela hayi Emanuwele? (*Muluku ni hiyo.*)
- 5) aamuwana ni Muluku, vano taani ii avoothe? (*Muluku.*)
- 6) Yii ekhale amvulusha ahayi Muluku eeraiye aarumihe? (*Mmoharu pahi.*)

YOOHUSERYA 14

SAWOONIHERYA SOOPACERYA SA MVULUSH

Yoothoonyerya va Muhusiha

Achu ancipale annuupuwela wi aakhala muthanla mwa meekhaaya makhalelo awii yeemeryeriwe ti Muluku, ntoko Kayine. Achu anuupuwela wi yeerakano ichu saphaama, ntoko oya oKeresha, weerano soova ni saneekhumi, ni ikina sene, taneeraaya yeemeryeriwe ti Muluku. Makhalelo mamoharu awii mwemeryeriwe ti Muluku, onaweryeya nyuwo mweemeryenrye mphiro wa Muluku yoowo onivanhaiye. Ela tiwi, omwemeryerya Yeesu Kristu yoowo mwa nikhami nawe ooliva mulacu wa soocheka soothene sa veelaponi ya vathi.

Aversiikulo amPiipiliyani wi muhusiha aahuserye ahaakuvale ohusiha:

Mapacereryo 3 vs. 6-8

Mapacereryo 3 vs. 21-27

Mapacereryo 4 vs. 1-8

aHeepiri 11 vs.1-4

Yoohani 1 vs. 29

Yoohani 14 vs. 6

Wuuluule sookoha sa voohuserya vookuchula ni anasikhola

Ohusiha makupa ala wa anasikhola.

- Aatamu ni Haava ehimwiiwelenle Muluku, onthamwene ni Muluku waakwaseya?
- Yaawo yaaheererya omwiipitha Muluku.
- Haavo onawerya omwiipitha Muluku, tiwi Yoowo ori makupa oothene, mmuupuwelelo ahu ni soothene seiye hiyo mneeraahu.
- Muluku aamwiipha mwaashinama mu emaca ya Eeteni, wi nrapala nene nikhale yoowara ya Aatamu ni Haava.
- Muluku aaheerano yeeyo akhwelaka owooniherye wi yoocheka aya yootepa, enii elakiwe ni okhwa.
- Muluku aaheerano hiiha wi awooniherye sa yoocheka aya ni okhwa wa mwaashinama yooniherya sa Mvulusha yoowo ii arwe nihiku nimoha aviihevo ohooshiwa wa soocheka sahu.
- Muluku aawiikaramo Aatamu ni Haava mu emaca ya Eeteni nave Muluku heemerenrye wi yaawo ekookelemo tho.
- Kaine ni Havele yaari anamwane oopacerya a Aatamu ni Haava.
- Aatamu ni Haava yaahaahusiha anamwane aya wi Muluku ookhalano owerya okina wa wi muchu oocheka akookele wa Muluku.
- Havele aamwiivelela Muluku, amvaha mukucho wa mwaashinama Muluku.

- Havele aasuwela wi vaiye mulipa oocheka ni wi aamwalana ni Muluku nave yoocheka awe yaamuhooshiwa ni okhwa.
- Havele aaneemererya wi okhwa wa mwaashinama yaari yawooniherya ya Mvulusha ii arwe muhoolo wi aviihevo ohooshiwa wa soocheka.
- Muluku aahakalala ni nrromelo na Havele, tivaavanto eemeryenryaiye yoovaha ya Havele.
- Kayine haachanre yookhwela ya Muluku nave owo tho heemeryerya wi aari mulipa oocheka ni wi yoocheka awe yamuhooshiwa ni okhwa.
- Kayine aavanhe sammacani sawuuma.
- Hiihaa, Muluku haakhwenle ohirromela wa Kayini, nave heemeryenrye yoovaha awe.
- Kayini aananariwa ni Muluku nave aamukhalela nrima munnawe, amwiipha Havele.
- Wanthowa na nrromelo na Havele ni omwiiwelela wawe Muluku, Muluku aamweemererya Havele ntoko mwanawe; wanthowa nenla Havele okele wirimu okhala ni Muluku mahiku oothene. Kayini aakhalaru oomwalana ni Muluku nave uuluula okhala oolamuliwa ni ovaryeriwa ti .
- Kayini ninleelo oomwalana ni Muluku ninleelo onakhala oovaryeriwa ti .

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Aheepiri 9 vs.22 (Makupa ookuchulela)

Wuuluula Sookoha

- 1) Muchu onnawerya omwiipitha Muluku? (*Hooye*)
- 2) Tisheeni Muluku eenreiye Aatamu ni Haava ahimwiiwelenle Muluku? (*Muluku amwiipha mwaashinama, wi alapeno nrapala nawe nikhale ikuwo, nave yiikariwamo mmacani.*)
- 3) Nthowa taani Muluku aamwiiphalaiye mwaashinama? (*Aakhwela owooniherya wi yoocheka ahu yaatepa, ni owooniherya wi mwashinama yaari yawooniherya ya Mvulusha, yoowo ii arwe aviihevo ohooshiwa wa soocheka sahu muhoolo.*)
- 4) Nthowa taani Muluku aheemeryenryaiye yoovaha ya Kayini? (*Tiwi Kayini hisoonihenrye ntoko Muluku aakhwelelaiye.*)
- 5) Havele akhwile okele woowi? (*Vaiye okele wirimu okhalaka ni Muluku mahiku oothene.*)
- 6) Nyuwo munuupuwela wi Kayini okhwilaiye okele woowi? (*Mu eniya ya mooro.*)

YOOHUSERYA 15

NOOWA NI ORWEELA WA MAAHI

Yoothoonyera ya Muhusiha:-

Mwaaceya ori yawooniherya ya ovulusha wa Muluku mwa Yeesu. Oothene yaale anamweemeryerye Yeesu ntoko Mvulusha aya annoopoliwa mwa ohoosha wa Muluku. Hiihaa ntoko Noowa oopoliweiye mwa orweela wa maahi, voomuroromela ni omwiiwelela Muluku. Noowa aari mulipa oocheka ntoko achu akina, nto Muluku aamweemeryerya yoowo wanthowa na nrromelo ni omwiiwelela wawe.

Aversiikulo amPiipiliyani wi muhusiha aahuserye ahaakuvale ohusiha:

Mapacereryo akapitululu: 5,6,7,8 aHeepiri 11vs.6-7
Peeturu II, 3vs.9

Wuuluule sookoha sa yoohuserya yookuchula ni anasikhola

Ohusiha makupa yaala wa anasikhola.

- Kayine amwiiphale Havele, Muluku aamwiikara Kayini. Aatamu ni Haava yaahaayara anamwane ancipale nave anamwane yaawo yaahaayara tho anamwane aya.
- Vahilekenlenyevo achu yaahaacasha mweelaponi.
- Achu oothene anayariwa oocheka ene nave anamuchara , epacerya tho eneerano soonanara sincipale.
- Yaawo yaapacerya owana mukina ni mukhwaawe, wiiya, wiipha, ohikhwelana, ohiiwa nari mano wiiwelela malamulo a Muluku.
- Muluku athananasha vompatusha muchu, alakelela wi amalihe okumi woothene veelaponi.
- Vaiye aachuna oruuha maahi mancipale wi ehuruwele elapo yoothene, vamoha ni miyaako soorekamasha!
- Nto aakhalavo mulopwana Muluku aamusivelaiye nave aanamwiiwelela Yoowo. Iichaniwa Noowa.

- Muluku aamuruma Noowa wi ampache mwaaceya mutokotoko. Noowa aamwiiwelela Muluku.
- Muluku aachuna omvulusha Noowa ni emusi awe, vamoha ni ikumi sa mulokomuloko ekhalaka piili piili, yeelopwana ni yeethiyana.
- Mwaaceya aakhalano mpuro wooyamo ashinama a muloku muloko amiile 72!
- Yoola aamaliha miyaakha 120 Noowa ampachaka mwaaceya ni anaawe.
- Elukuluku yeeyo Noowa tho aanalaleerya wa achu sa ephiro ya Muluku ariki: “Muhiye ephiro yoocheka!”Nto achu hiyaachunne wiiwelela yeeyo Noowa aalocaiye.
- Muluku aamurumme Noowa wi ampake mwaaceya arino nsele nimoharu. Noowa ni emusi awe vamoha ni ashinama evolonwe mmwaaceyani, Muluku aawala nsele nave aarumiha maahi mancipale.
- Achu oothene yaakhon’ce omwiiwelela Muluku hiyaavolonwe mmwaaceyani, emiriwa vamoha ni ikumi soothene saakhwa tho.
- Nnaamwi Noowa ni emusi awe yaari oocheka vookhala anloko na Aatamu, yaawo yaamwiiwelela Muluku nave yaaheemeryerya wi Muluku onammurumiha Mvulusha wi aataphule wa ikuru sa ntoko ororomeliha wa Muluku.
- Ntoko mphurelo wa nrromelo, weemeryerya ni wiiwelela wa Noowa ni Muluku, Muluku amvulusha yoowo amweera oohicheka.
- Muluku aakuhawo wirimu ekhwini ntoko enenergyo yawi harwa tho atolosha ikumi soothene veelapone ni orweela wa maahi.
- Noowa aamwiiapha mwaashinama amuhelela mukuchu wa Muluku voovulushiwa vaiye ni emusi awe.
- Mwaha yoola wa Noowa yawooniherya ya Mvulusha yoowo ii arwe awoopole achu oothene anamweemeryerya yoowo.

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Esakiyele 18 vs.32

Wuuluula sookoha

- 1) Nthowa taani mu elukuluku ya Noowa achu yeerano ichu soonanara?
(*Yaawo yaayariwe oocheka ene nave yaamuchara .*)
- 2) Muluku ii amalihe hayi seekumi soothene sa veelapone ya vathi? (*Mwa orweela wa maahi.*)
- 3) Iichaniha hayi mulopwana Muluku aavulunsheiye mwa orweela wa maahi? (Noowa)
- 4) Nthowa taani Muluku omvulusha yoowo ni emusi awe? (*Tiwi aanamuroromela ni Omwiiwelela Muluku.*)
- 5) Akhweya Muluku aahaavaha achu elukuluku yawi emuchikele omuroromela Yoowo?
(*Aayi, miyaakha 120.*)
- 6) Akhweya Muluku onammusivelavo yaakhwaaka achu oothene aweera soonanara?
(*Hooye Muluku hanakhwela wi muchu akhweeke ahimwaakhenle Yoowo.*)

YOOHUSERYA 16

AAPARAHAMU NI ISAANKI

Yoothonyerya va muhusiha:-

Yoothonyerya yeela eri yookhweleyasha eri yawooniherya ya Yeesu, yoowo aaruule akhwa munipuroni mwahu. We onaphwanela owuupusherya alipa oohuserya sa mwaha yoola oyaakano ohoolo mwa soohuserya.

Iversikulu sa mPiipiliyani wi muhusiha ahuserya ahaakuvale ovaha yoohuserya:

Mapacereryo 11 vs 1-9

Mapacereryo 12 vs. 1-5

Mapacereryo 15 vs. 1-6 , 13-14

Mapacereryo 18 vs. 1-15

Mapacereryo 12 vs 22. 1.19

aHeepiri 11 vs. 8-12

Hebreus 11 vs. 17-19

Ohuserye sookoha sa soohuserya sooculi ni anasikhola.

Wahusihe makupa yaala waa anasikhola.

- Soovira miyaakha mincipale sa orweela wa maahi mahiku a Noowa mwa elukuluku yeeyo achu yaaloca elocelo emoha.
- Muluku aachuna wi achu ekhaleke makupa oothene a elapo, hiihaa Muluku ahaavaha achu ilocelo soohiyana wi achu emwalamwale mukina ni mukwaawe wi esareye mweelaponi yavathi.
- Muluku haahiyale yawuupuwelela awe ya omurumiha Mvulusha yoowo aaroromelinhaiye waavaha achu.
- Muluku aamwiichana mulopwana mmoha Aparahamu, yoowo aakhala mwa nloko noonanarasha murima, Muluku aamuleela wi yoowo avinyewo onipuroni nenle aye mpuro yoowo Muluku aakhwelele omurumawo.
- Aparahamu aamuroromela Mulukuku, nave aamwiiwelela. Muluku aamuroromeliha ariki:
 - 1) Miyo kinahaala oweera tiithi aachu ancipale.
 - 2) Miyo kinamooreeliha nave tho kinamwinuwiha nsina naa.
 - 3) Miyo kinamureeliha maloko oothene mwa weyo. (Mvulusha yoowo aaroromelihiwe ani arwe mu anamwane awe amuhoolo a Aparahamu.)
 - 4) Anamwane awe amuhoolo anahaala okhala akapuro ophiyerya miyaakha masana mashesheshe (400)
- Muluku ainuwiha nsina na Aparahamu nikhala Aparahamu nnataphulela wi (Tiithi a maloko). Nsina na amwaariye, Sarayi nikhala Saara nnataphulela (Maayi a maloko).
- Aparahamu ni Saara oothene ala yaari awuuluvala hiyaarino anamwane.
- Hiyaavo Muluku ohinaweryaiye. Muluku aamuroromeliha Aparahamu wi onammuyara mwaana mmoha.

- Aaparahamu aahiroromela wa Muluku, va nthowa nenla Muluku aamweera yoowo ntoko ohintonko ocheka. Mapacereryo 15 vs. 6
- Saara aarino miyaakha makhumi mathanu namasheshe aamuyara mwaana ichaniwa Isaaki.
- Aaparahaamu aanamuchunasha mwanawe Isaaki.
- Nihiku nimoha Muluku aamweererya Aaparahamu wi oone nroromelo nawe nampuwa aareiyeno ni osivela aareiyeno mwa Muluku.
- Muluku aamuruma Aaparahamu omukusha mwanawe Isaaki oyano omwaako wi amuhelele mukucho.
- Aaparahamu mwa nroromelo ahiiwelela eemererya wi Muluku ammukokiherya Isaaki okumi. Muluku aahakalala va nthowa na nroromelo na Aaparahamu.
- Muluku haamuhiyale Aaparahamu wi amwiiphe Isaaki. Nto Muluku ahimwaavyerya epucepuche wi Aaparahamu iiphe munipuroni na Isaaki. Hiihaa yaahiphiwa epucepuche ohiya Isaaki.
- Isaaki hi awerye wiivulusha, nto Muluku amvulusha ntoko amvulunsheiyeye Noowa mwa miyaakha ivirale.
- Muluku haacuwanleru mwa muupuwelelo awe a olakana omurumiha Mvulusha. Mvulusha aya okhuma mwa anamwane aanamwane amuhoolo a Aaparahamu ni Isaaki.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

aHeepiri 11 vs. 6

Wuuluula weerano sookoha.

- 1) Tinivi nsina na mulopwana Muluku aamwiichanneiye wi aye elapo yahihano? (Aaparahamu.)
- 2) Aaparahamu aamuroromela ni omwiiwelela Muluku? (Aayi)
- 3) Tisheeni Muluku aamuroromelinheiye Aaparahamu? 1) *Miyo kinamuweera tiithi a nloko ntokotoko.* 2) *Miyo kinamooreeliha nave kinamunnuwiha nsina naa nikhale ntokotoko.* 3) *Maloko oothene a elapo anarwa ereelihiwa mwa weyo.*
- 4) Nsina nawe taani mwaana a Aaparahamu? (*Isaaki.*)
- 5) Ntakhara sheeni Muluku aahakalanleiye ni Aaparahamu? (*Ntakhara Aaparahamu aanamuroromela ni aanamwiiwelela Muluku.*)
- 6) Nni nimuhakalalihe hayi Muluku? (*Naamuroromelaka ni omwiiwelela yoowo*)

Y00HUSERYA 17

MLUKU OTEKA WAVE MULOKO AWE NI OMWIICHANA WAVE MOOSE

Yoothoonyerya va Muhusiha:-

Muluku aalapano elukuluku oYiikuputu wi aaceererye muloko awe, mu emusi ya Yaakopo(achu oophiyerya makhumi mathanu nameeli 70), yaacha ophiyerya achu amiile eeli 2000. Moose aawoopola achu yaala wuukapuroni, yeeyo enooniherya Yeesu onivulusha wawe wa soocheka mwa ikuru sa Saataana.

Iversikulu sa mPiipiliyani wi Muhusiha ahuserye ahaakuvale oya ohusiha.

Mapacereryo 25 vs 19-20

Mapacereryo 25 vs. 24-26

Mapacereryo 28 vs 12-14

Mapacereryo 32 vs. 28

Mapacereryo 37 vs. 3-4, 12-36

Mapacereryo 42 vs. 1-8

Mapacereryo 45 vs. 1-11

Okhuma 1,2,3

Wiisupusherye sookoha sa yoohuserya evirale ni anasikhola.

Ohusihe makupa ala wa anasikhola.

- Isaaki aakhalano mwaariye iichaniwa Rapeka
- Yaawo yaakhalano anamwane aya eeli amaphapo, mmoha iichaniwa Yaakopo mukina iichaniwa Esawu. Esawu tapacenre oyariwa ohiya Yaakopo.
- Muluku aasuwela soothene ahaakuvale oyariwa Yaakopo yoowo aasuwela wi Yaakopo taaya omuroromela ni omwiiwelela, Muluku aamuthanla Yaakopo wi akhale nikhola na Mvulusha.
- Yaakopo aamwiiwelela Muluku, va nthowa nenla Muluku aamuroromeliha ntoko enreiye ni Aaparhamu ni Isaaki, Muluku acinca nsina na Yaakopo aniiwa Isarayeli. Yaakopo arino anamwane awe khumi neeli. Anamwane yaala yaasuweliwa wi anamwane a Isarayeli. Mwaana oochuniwasha a Yaakopo aari Yoosefe.
- Asinawe Yoosefe yaanamukhalela nrima. Yaawo yaamutumiha wa alipa aweesiha maroca yoowo aakhala kapuro mu elapo yawaacamana oYiikuputu.
- Saavira miyaakha mincipale epula hiyaarupawo elapo Isarayeli ni asinnawe yaamankaayawo.
- Isarayeli ahaaruma asinnawe Yoosefe wi yathume yoolya oYiikuputu.
- Weiwo yaahimphwanya tho munnaya Yoosefe. Yoowo eeriwe muchu ookweleyasha oYiikuputu.
- Nto Yoosefe aahaakhurumuwela asinnawe wa yeeyo yaawo yaamweerenlaaya. Aahaawopa tho oothene vamoha ni imusi saya we eye yanakhala ni yoowo oYiikuputu.
- Hiihaa achu makhumi mathanu nameeli (70) a emusi ya Yaakopo yaaya omaka oYiikuputu.
- Yaawo yaakhala oYiikuputu miyaakha masana masheshe (400) yaaceereryana ophiyerya achu amiile eeli (2000). Yaawo yaakhala nloko ntokotoko ntoko Muluku aalakaneiyiye ni Aaparhamu.
- Mwene oYiikuputu, Farawu aanawoova waaca waya wa aIsarayeli yaawo yaakhala elapo yeele.

- Yoowo aaweera yaawo akapuro, aalamulela yaawo olapa miteko soowalamela wa otekiwa waya wa ipooma saya itokotoko, ntoko Muluku aalocenleiye wa Aparahamu mwa miyaakha ivirale ochuli waya.
- Farawu aalamulela wiiphiwa anamwane aasilopwana a Isarayeli. Saataana aanalapano Farawu wi eererye ananarihe yawuupuwelela ya Muluku.
- Yawuupuwelela ya Muluku yari yawi akookele waarehererya aIsarayeli. Ntakhara Mvulusha ahaala okhuma mwa nloko nenla.
- Yawuupuwelela ya Muluku herwa emaala.
- Nto Muluku amvulusha mwana mwaamulopwana Moose. Ntakhara Muluku amathanla wi akhale yoole ii avulushe aIsarayeli wookapuroni.
- Amannya Moose yaamucukucherya mmucankani ehiya oriki teleya teleya mmahini wa muhice Niilu.
- Mwaana a Farawu aamucoca mwaana yoola Moose. AINUWA vaate wa mwene weiwo aahusenreiyewo waalakhanya ni orepa navetho aanasuwelano phaama, ntoko tho aYiikuputu oothene.
- Moose innuwaleiye aanawoona aYiikuputo waahoosha waya aIsarayeli. Nihiku nimoha aananariwa amwiipha mukhoco mmoha a muYiikuputu.
- Moose aanoova wooniwiwa ekoyi ni Farawu achawawo oYiikuputu.
- Yoowo aakhala mukukhula a nikhuuru na ashinama mwa elapo aakeleiye mwa miyaakha makhumi masheshe (40).
- Nihiku nimoha Muluku aaloca ni Moose va nipuchoni naavya amuleela wi akookele oYiikuputu wii avulushe aIsarayeli mmatatani wa aYiikuputu.
- Moose aaromela mwa Muluku iiwelela mahusiheryo awe. Yoowo aamukusha munnawe Aaroni ekookela oYiikuputu.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Okhuma 2 vs. 25

Wuuluula sookoha.

- 1) Nsina taani nahihano Muluku amuvanheiye Yaakopo? (*Isarayeli*)
- 2) Elapo taani Isarayeli aarummayewo anamwane wi yathume yoolya? (*oYiikuputu*)
- 3) Ntakhara sheeni Farawu alamunleiye wiiphiwa anamwane oothene aasilopwana aIsarayeli? (*Ntakhara owo anoova waacereryeya waya wa nloko nenla na Isarayeli, nave Saataana aanalapano wi eererye ohiiha yawuupuwelela ya Muluku ya omurumiha Mvulusha.*)
- 4) Tinivi nsina na mwaana aacociwe ni mwaana a Farawu omuhiceni? (*Moose*)
- 5) Moose innuwale woowi? (*Ompani ya omwene, Farawu mwene.*)
- 6) Moose ainuwale tisheeni Muluku aamulenleiye wi eere? (*Wi yoowo akookele oYiikuputu wi avulushe nloko na aIsarayeli wookapuroni.*)

YOOHUSERYA 18

MULUKU WOONHA WAWA OKURU SAWA

Yoothoonyerya va muhusiha:-

Ola mwaha wootikiniha onooniha ikuru ni ikharari sa Muluku wa yaawo anamuroromela. Ola tho onooniha esara ya Muluku wa yaawo ahinaiwelela malamulo awe. Nikhami mmaseleni yawooniherya tho enooniha wi nikhami na Yeesu Kristu ninnaviihavo soocheka wa yaawo anamuroromela yoowo wi evulushiwe wa olakiwa wa soocheka saya.

Iversikulu sa mPiipiliyani wi Muhusiha ahuserye ahaakuvale oya ohusiha.

Okhuma 5 vs. 1-2	Okhuma 6 vs. 1-8	Okhuma 7 vs. 1-7
Okhuma 11 vs. 1-7	Okhuma 12 vs. 1-8	Masaalimu 105 vs. 1-38
Okhuma 12 vs. 12-13	Otumererya Malamulo 7 vs.7-10	

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Moose aakookela oYiikuputu ntoko Muluku aamulenleiyee. Nto Farawu haakhwela waahiya aIsarayeli wi ekookele elapo aya.
- Farawu ni achu oYiikupu hiyaamucicimiha nari omweemererya Muluku eeparipari.
- Ayiikuputu yaari achu oosuwelasha ni a muhakhu. Yaawo yaanasuwelano oteka ipa saphaama ni ipooma sene. Yaawo yaari a ikuru ni yaari ooweryasha.
- Saataana ahaawoka wi yaathamaleke amuluku atheru. Yaawo yaaneemererya wi Nsuwa ari muluku, Muhice ari muluku, Itheeneeri tho iri amuluku, yaawo yaanakokhorela anaphulu! Yaawo yaanaapaha anamwane aya eweerelaka amuluku aya yaawo atheru.
- Yaawo yaathamalela ichu ipatushiwe ti Muluku, ohiya omuthamala Muluku eeparipari.
- Nto Muluku yamphierya elukuluku awe wi oohinihe ikuru sawe wa amuluku yaala atheru eerano wi Farawu ahiye muloko wa aIsarayeli wi okhume oYiikuputu.
- Muluku aatatusha maahi oothene ekhala a nikhami, aarumiha anaphulu ancipale wi esareye elapo yoothene, asiichu ni ikuluhi. Muluku aaruuhela ireca ashinama oothene aruuhela makhwaca miili saya achu oothene oYiikuputu..

- Muluku aarumiha tho eheku yoowali, misope ni mahiku mararu a epiphi. Nari hiihaa Farawu haachuna omuhiya Moose wi akushe muloko wa aIsarayeli okhume oYiikuputu.
- Vookuchula vaya Muluku aheerano echu yookuchula. Yoowo ahaaruma aIsarayeli wi emwiiphe mwaashinama mwaamulopwana aphaama nikhami nene esirikele masele a ipa soothene.
- Ohiyu ene yoole Muluku aamurumiha munkeelo wi awiiphe achu elapo yeele, yaawo ahinaiwelela malamulo a Muluku, awiiphakha anamwane oopacerya oyariwa ni ashinama ene.
- Vookuchula vaya Farawu ahaahiya aIsarayele wi ekhume. Echu ya achu amiile eeli (2000) achu yaakhuma vamoha ni Moose oYiikuputu.
- Muluku onnaavulusha achu awe yaawo arino nrromelo ni anarromela mwa yoowo.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopacerya echu.

Nahumi lvs. 7

- 1) Farawu aarromela mwa Muluku mmoha eeperipari? (*Hooye.*)
- 2) AYiikuputu yaakokhorela a muluku a makhalelo taani? (*amuluku atheru: muluku a Nsuwa, muluku Muhice ni muluku Aanaphulu.*)
- 3) Ovahe maphwanaphwaniho meeli Muluku enreyeno wi ooneihe ikuru sawe wa Farawu: (*Aatatusha maahi ekhala nikhami, aarumiha anaphulu ancipale esareya elapo yoothene*)
- 4) Muluku enreno yeela Farawu ahaahiya muloko wa aIsarayele okhuma? (*Hooye*)
- 5) Tisheeni Muluku aarummeiye achu awe weerano ni nikhami na ashinama? (*Wi esirikele masele a ipa.*)
- 6) Tisheeni yeeren'ye wa imusi seiyo sahamwiwelenle Muluku? (*Anamwane aya oopacerya oyariwa ni ashinama yaakhwa.*)

YOOHUSERYA 19

MULUKU WAATHOKORORYA WAWA ACHU AWE MUTAKHWANI

Yoothoonyerya va muhusiha:-

Yoohuserya ela enooniha osivela wa Muluku, othokororya, ni othokororyiwa wa yaawo anamuroromela yoowo. Ela enooniha sa ovilelano wawe wa yaawo ari ocayi ni Muluku.

Iversikulu sa mPiipiliyani wi Muhusiha ahuserve ahaakuvale ova ohusiha.

Okhuma 13 vs. 17-18

Okhuma 14 vs. 5-31

Okhuma 16 vs.1-26

Okhuma 17 vs. 1-7

Okhuma 17 vs. 1-6

Masaalimu 105 vs.39-45

Wulule ovarerya sookoha sa yoohuserya evirale ni anasikhola.

Ohusihe makupa ala wa anasikhola.

- Evinre elukuluku yavakhaani aIsarayeli evinnyewo oYiikuputu ni Moose, Farawu aacinca muupuwelo awe. Aakhala ni akeerelani va waahiya aIsarayeli evinyamo mwiilaponi mwawe.
- Farawo ni anakhoco awe yaavinya enawiikara aIsarayeli.
- Anakhoco a Farawu yaahathikirerya aIsaraye ophareya.
- Nto Muluku ori oororomeleya wa soothene onaloceiye ni oneereiye. Hiyaavo enamvila Muluku. Muluku aheerano yootikiniha etokweene, arumiha echeke etokweene eveerela maahi ephareya ehuleya, aIsaraye elapuwa va echaya yawuuma ophiyerya ephin'ye okhopela wa ephareya!
- AYiikuputu yaheererya owiikara nto Muluku aawala ephareya anakhoco a Farawu emiryeya.
- Muluku aavulusha muloko awe vano aakeriha wa elapo yeeyo aamuroromelinhaiye Aaparhamu, Isaaki ni Yaakopo.
- Evirale mahiku avakhaani aIsarayeli yaavoliwa etala ni nchanana epacerya enamwaapa Moose eriki, ntakhara sheeni onikushawo oYiikuputu? OYiikuputu yaawo yaakhalano soolya sincipale ni maahi. Yaawo yuupuwela wi yahaala okhwa mutakhwani.
- Yaawo yaacuwala yeeyo Muluku aaweerenleiye. Yaawo yaapacerya ohimuroromela Muluku wi aathokororyeke.

- Ikwaha ikina Muluku ahooniha osivela wawe wa yaawo. Mahiku oothene Muluku aanaavaha ipalame wi ekhuureke, ahaavaha tho yoolya yaphaama yeeyo yaamucocaaya vachayani wooshiishelo. Yoolya yeela yiichaniwa (maana)
- Muluku ahaavaha maahi yaakhuma vamwala vaavaa Moose aamanaiye ni ekopo.
- Hiyaavo enanvila Muluku. Yoowo aavaha yoolya ni maahi wa achu waaca waya echu ya amiile eeli (2000).
- Evinrevo miyeeri miraru aIsarayeli yaaphiya omwaako Sinaye yaakhala weiwo mwaakha mmoha nto Muluku iiha avahaka malamulo awe khumi wa Moose.
- Muluku oororomeleyasha ahaakhapelela aIsarayeli aavaha soothene seiyo yahaawelegaaya.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Masaalimu 97 vs. 10

Wuuluula sookoha.

- 1) Tisheeni Muluku enreiye wi aavulushe aIsarayeli wa anakhoco a Farawu? *(Muluku aahula ephareya wi awo ewerye olapuwa eyaaka okhopela wa ephareya.)*
- 2) Onuupuwela wi Muluku aakhala mwaahiya aIsarayeke ekhwaaka etala ni nchanana? *(Hooye)*
- 3) Muluku aavahe mwawihaayi yoolya wa yaawo? *(Yoowo ahaarumihela ipalame ni maana mahiku oothene wi elyeeke.)*
- 4) Tiwoowi yaaphannyaayawo maahi? *(Vamwala)*
- 5) Yaari achu ahayi Muluku aakhapeleleiyi? *(Echu ya achu amiile eeli 2000)*
- 6) Akhweya Muluku onnanivaha wa soohawelega sahu hiyo namuroromela? *(Aayi).*

YOOHUSERYA 20

MULUKU ONVAHA WAVE MOOSE MALAMULO

Yoothoonyerya va muhusiha:-

Achu ancipale anuupuwela wi wiiwelelaru malamulo a Muluku aneerano phaama. Ela tahi eparipari. Malamulo yaavahiwa mu Waataana wa Khalayi wi yooneihe wi Muluku ori aweela wi yaawo annamukhwela mvulusha (Yeesu) Wi evulushiwe. Ntakhara awo hanawerya wiiwulusha, nave tho hiyo mnaphwanela wiiwelela malamulo awe ntakhara Muluku tooromeleya wa soothene, nimucimihake yoowo.

Iversikulu sa mPiipiliyani wi Muhusiha ahuserye ahaakuvale ova ohusiha.

Okhuma 20 vs. 1-17 Okhuma 24 vs. 12-18
Mateiyu 5 vs. 17-20 aKalatiya Kapitulo 3
aEfesu 2 vs. 8-9

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- AIsarayeli ekirantho omwaako Sinayi, Muluku aamwiichana Moose wi awele vasulu wa mwaako Sinayi.
- Muluku ahimunnya Moose malamulo awe wi aahusihe aIsaraye.
- Muluku aahirepa Malamulo yaala khumi (10) mwaneene mwa mapawa meeli a maluku taala:

- 1) Ohinakhalano muluku mukina voohikhala miyo.
- 2) Ohikokhorele ichu ikina voohikhala miyo.
- 3) Ohiromole nsina na Apwiya mahaleene.
- 4) Wuupuwele weeliha nihiku na wiichuuwa.
- 5) Waacicimihe atiithi aa ni amaayi aa.
- 6) Ohiiphe
- 7) Ohiraruwe
- 8) Ohiiye
- 9) Ohinamootherya mukwaa
- 10) Ohinakhalela nrima ichu sa mukwaa.

- Nto Muluku aavaha malamulo makina wa aIsarayeli.
- Muluku ahaavaha malamulo yaala ntakhara aachu wi muloko awe okhale woohiyana ni achu a maloko makina yaari osareya soonanara yaawo yaarukurenrye.

- Muluku aachuna wi muloko awe waaloca ni maloko makina wa nsina nawe, wi yaawo eweryeke omusuwela ni omucicimiha Muluku mmoharu ookumi.
- Ntakhara maloko oothene yaakokhorela amuluku akina atheru ntoko maloko oYiikuputo.
- Muluku taweela ni ekhayikhayi. Malamulo awe ari oovila okhapelela.
- Muloko wananariha nlamulo nimoha anamukhala ni nthowa nari wi aananariha malamulo oothene.
- Muluku aalapano malamulo awe wi ooneihe weela wawe ni okhala wahu achu oocheka! Awo ari oopwana yawooniherya enooniha soocheka sahu.
- Muluku taweela owo onakhala omwalana ni soocheka.
- Malamulo yavahiwe muloko yari wi yoowo osuwele soocheka saya, nave hewerya wiiwulusha mwa meekhaaya yeereryaka okhwaaniherya malamulo nto eroromeleke mwa Muluku, ntoko Havele, Noowa, Aparahamu, Isaaki ni Moose, yaawo yaari awookololowa vamiithoni wa Muluku.
- Yaawo yaanamukhwela moopoli muchu mmoha ani amvoothe Saataana, alive yoocheka wi apake mphiro wi awo ekookele wa emusi ya Muluku.
- Muluku toororomeleya wi akhwaaniherye malakano awe. Elukuluku ya moopoli eri vakhiviru.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yaakopo 2 vs. 10

Wuuluula sookoha.

- 1) Wooniherye makhalelo mararu a malamulo khumi (*Ohiiye, ohiiphe, waacicimihe Apaapaa.*)
- 2) Ntakhara sheeni Muluku aavanheiye malamulo awe aIsarayeli? (*Wi oonihe wi owo taweela nave achu toocheka*)
- 3) We wontoko onanariha nimoha na malamulo yaala? (*Aayi hiyo oothene ninnanariha ikwaha sincipale malamulo yaala*)
- 4) Tiivi yoolaka nahimwiwelela Muluku? (*Okhwa ocukuchani a mooro*)
- 5) Eni ekhale achu oothene enii eye wuulakiwani ocukuchani a mooro? (*Aayi yaawo ahiniwelela yookhwela ya Muluku.*)
- 6) Taani muchu mmoha okhanle munivulusha wulakiwani? (*Ti Muluku Mwaneene.*)

YOOHUSERYA 21

MULUKU OMULEELIHA WAVE MOOSE MALAPELO OMUSHAKALANI

Yoothoonyerya va muhusiha:-

Ohuserya anaphwanela ohuserya wi nikhami na ashinama hannawerya oviihavo soocheka. Muluku avaha ela mu Waataana Wakhalayi, asuwelaka wi Yeesu ahaala oliva soocheka ohoolo waya. Hiihaa ntoko epucepuche yaakhwilaaya munipuroni na Isaaki, okhwa wa mwaashinama yaari yawooniherya ya okhwa wa Yeesu munipuroni mwahu.

Iversikulu sa mPiipilivani wi Muhusiha ahuserye ahaakuvale ova ohusiha.

Okhuma 25 vs. 8-9	Okhuma 25 vs. 17-22
Okhuma 26 vs. 31-33	Okhuma 39 vs. 32-43
Okhuma 40 vs. 34.35	aHeepiri 8 vs. 1-6
aHeepiri kapitulu 9	aHeepiri 10 vs. 1-14

Wuluule ovarerya sookoha sa yoohuserya evirale ni anasikhola.

Ohusihe makupa ala wa anasikhola.

- Muluku aavaha malamulo awe wa aIsarayeli. Nnamwi yoowo aasuwenle wi aIsarayeke hekawenrye wiiwelela.
- Mvulusha nlelo iiha ahiphiyale. Va nthowa nenla Muluku aheerano makhalelo awe mwelukuluku ya vakhaani wa okhuneeliwa wa soocheka saya.
- Havele, Noowa, Isaaki, Yaakopo ni Moose jaarwa oothene wi Muluku avahe mphiro yoola mwa elukuluku yavakhaani. Mwa makhalelo yaala Muluku aavaha Malamulo awe wi muloko awe owerye okookela wa yoowo.
- Mphiro yoola wa elukuluku yavakhaani wahaala omala aruule Mvulusha.
- Yaawo pahi yahaala ochara mphiro yoowo Muluku aachuneiyeye.
- Malamulo a Muluku yawooniherya wi yaawo ari alipa oocheka, hiyaawerya wiiwulusha, yooniheryaka tho wi Muluku pahi tonawerya waavulusha. Muluku aahimuleeliha makhalelo a oteka mushakala wi oniichaniwa Empa yookumanamo, ntoko aamuleelinheiyeye Noowa mamutekelo a Mwaaceya.
- Muluku Munepa wiisooneiha wawe anii anooneya amwaleelaka ntoko muthuko wawaaryasha, omushakalani.
- Mushakala yoola waaya okawanyeya makupa meeli. Nipuro nimoha naweela nnipuro nikina naweelasha.
- Makupa ala meeli yaakawanyeya ni ekuwo ya mukhuwa.

- Mu nipuro naweelasha waakhalamo ekasha etokweene yaapakiwe ni mapawa ehuruweliwa ni ewooro yookhanelavo aya ya ekasha yaakhalavo ashinama a muuphelo (ankeelo) a ewooro. Omwaleela wa Muluku wooneya wa ashinama yaala oopakiwa.
- Nihiku nimoha vamuyakhani mulipa a mukucho mutokotoko aanamwiipha mwaashinama mwaamulopwana ohirino nihoonya amiserya vasulu va ekasha waarivo ashinama yaale oopakiwa.
- Muluku aaneemererya nikhami nenla ntoko okhuneela soocheka sa achu va mwaaka ni mwaakha.
- Okwa wa mwaashinama yaari yawooniherya ya Mvulusha yoowo Muluku aakhweleiyeye omurumiha wi arwe oviihavo olakiwa wa yoocheka.
- Mulipa a mukucho mutokotoko anuluula echu emoha yeeyo mwaakha ni mwaakha wa yoowo mwaneene ni wa muloko wa aIsarayeli.
- Achu yaanarwa yaaveleelaka ashinama ni ipalame wa mulipa a mukucho ntoko soovaha wa Muluku.
- Makhalelo yaala a elukuluku yavakhaani achu yeeraayano wi ekhurumuveliwe soocheka yaalampweno pahi mwa miyaakha miile mmoha ni masana mathanu (1500) ophiyerya aruule Mvulusha.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yaakopo 10 vs. 4

Wuuluula sookoha.

- 1) Akhweya Muluku aanawehererya wi aIsarayeli yamwiwelela malamulo awe? (*Hooye*)
- 2) Taavi mapuro meeli a mmushakalani? (*Npiuro naweela nnipuro naweelasha*)
- 3) Mpuwa wa nipuro naweelasha waarimmo? (*Ekasha ya mapawa a miri ni ashinama eeli a ankeelo ehuruweliwe ni ewooro ekuhiwe vasulu*)
- 4) Tisheeni mulipa mukucho mutokotoko ereiye mwaakha ni mwaakha? (*Owo ahawela omwiipha mwaashinama nikhami nene amiserye vasulu va ekasha ekuhiwe veeri va ashinama amuuphelo.*)
- 5) Akhweya nikhami na ashinama ninnawerya oliva yoocheka? (*Hooye*)
- 6) Ti liini aIsarayeli yeeraaya ehiye waapaha ashinama aya wi ekhuneele soocheka saya? (*Ophiyerya aruule Mvulusha.*)

YOOHUSERYA 22

WIIREHERERYA VA NTHOWA NA ORWA MVULUSHA

Yoothoonyerya va muhusiha:-

Muluku ahaahiya ekhwa aIsarayele oothene yhamuroromela yoowo. Ehivolowa elapo yaaroromelihiwaaya, Hiihaa vawi Muluku heemererye ovolowa mmwaaceyani achu yaawo yhamuroromenle mmahiku a Noowa. Hiyo tho onaphwanela ororomela mwa Yeesu wi nivulushiwe wi nivolowe mu omwene wa Wiirimu.

Iversikulu sa mPiipiliyani wi Muhusiha ahuserye ahaakuvale oya ohusiha.

Otumererya Malamulo 1 vs. 19-40

Yooshuwa 1 vs. 1-11

Ahooledi 2 vs. 14-16

Samuwele I, 8 vs. 19-22

Luuka 3 vs. 1-20

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- AIsarayeli ancipale yaakhumale oYiikuputu hiyaamuroromenle nave hiyaamwiwelenle Muluku. Yaawo yaacuwala sootikiniha seiyo Muluku aawerenleiyee.
- Yaawo hiyaaroromela wi Muluku amwaavaha elopo yeeyo aalakanneye onvaha Aaparahamu.
- Muluku aatepa onanariwa va nthowa na ohiromela wa muloko yoole.
- Yoowo aaheeriha wi yaawo ekhale mutakhwani mwa miyaakha makhumi mashesh (40) wi achu yaale yahaaroromela ekhwe.
- Yaakhalawo achu a maloko makina oonanara murima a elapo yeele.
- Muluku aakhaviherya muloko awe oootha maloko yaale oonanara murima. Hiyo olelo nniichana elapo yeele (Isarayeli).
- Muluku ahiipakela muloko awe, Aavaha malamulo awe ni elapo aya.
- Yoowo aachuna okhala mulipa oolamula aya ni mwene aya, wi maloko oothene eelapo yavathi eroromele mwa Muluku mmoha eeparipari ni mukumi.
- Soothene saareheryiwa va nthowa na Mvulusha yoowo aalakaniiwe.
- Saavira miyaakha mincipale saheereya ichu sincipale mwa elukuluku yeele. Muluku ahaavaha ahooledi wi ehooledi muloko awe nto muloko hiwaachunne.
- Ntakhara yaachuna olamuliwaka ni mwene ntoko maloko makina oorukurerya.
- Mwamwene yaala akina yaanamwiiwelela Muluku, akina hiyaamwiiwelela.

- Mwamwene yaala oohiroromela yaanawemererya achu waakokhorela amuluku atheru ntoko maloko makina yeerelaaya.
- Mwa elukuluku ene yeeyo mwamwene yaalamulaaya aIsarayeli, Muluku aharumiha alipa amiririmo ancipale oohiyana wi yaaholelihe ni yaaleele aIsarayele vaavaa yahamwiwelelaaya Muluku.
- Yeesaya aari mmoha a yaawo alipa a miririmo, yoowo aaloca ichu sincipale sa Mvulusha wi aruule ewerye omusuwela.
- Muluku tho aanahiha maloko makina oowerya, owana ni aIsarayeli, elukuluku aIsarayeli yahamwiwelelaaya Muluku.
- Muluku aamurumiha mulipa a miririmo ookuchula wi aleele muloko wa aIsarale wi ecince mphiro aya. Eroromele ni omwiiwelela Muluku.
- Mulipa a miririmo yoola iichaniwa Yoohani mPatisi.
- Yoohani aakhala mutakhwani aari muchu ohaawa, nto Muluku aalapa ni yoowo wi aaleele achu wi yiireherye va ophiya wawe wa Mvulusha yoowo aalakaniwe.
- Achu ancipale yaaroromela mwa michaka ya Yoohani mPatisi nave yaanapatisiwa ti yoowo omuhice Yortaanu.
- Vookuchula elukuluku yaaphiya. Taani aari Mvulusha aalakaniwe? Tiwoowi eereye ayariwewo? Nsina nawe naaya okhala aani?
- Yoowo aaya okhala mwene mutokotoko? Yoowo aaya okhala mulipa a muhakhu ni oowerya? Yoowo aya ovulusha muloko wa aIsarayeli wa amwiicani aya?
- Iya sookoha achu oothene yaikohaaya.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yoohani 1 vs. 23

Wuuluula sookoha.

- 1) Yoolaka taani Muluku aavanheiye yaawo yahaarormenle mwa yoowo wi ehoolele ophiyerya elapo yaalakaniwe? (*Yaawo yaamaliha miyaakha makhumi masheshe (40) mutakhwani ophiyerya oothene ekhwile*)
- 2) Tiivi elapo yoolakaniwa wa olelo? (*Isarayeli*).
- 3) Orepe nsina na mwene aamusivela ni omwiiwelela Muluku. (*Mwene Tavite*)
- 4) Taani Muluku aamwiichaneiyi wi aleele aIsarayeli vaavaa yahamwiwelelaaya? (*Alipa amiririmo*)
- 5) Tuuvi mulipa a miririmo ookuchulela? (*Yoohani mPatisi*)
- 6) Onamupuwelela aani yoowo ori Mvulusha yoowo aalakaniwe? (*Yeesu Kristu*)

YOOHUSERYA 23

EPUCEPUCHE YA MULUKU

Yoothoonyerya va muhusiha:-

Nnuluula yoothuserya enaloca sa mikucho sa ashinama Muluku aachuneeye okhuneela soocheka sa achu mu elukuluku ya Waataana Wakhalayi ... Okhaleno ororomela wi anasikhola annawiriyana phaama wi ola waari mphiro wa elukuluku yavakhaani awehereryiwaka orwa wa Mvulusha.

Iversikulu sa mPiipiliyani wi Muhusiha ahuserye ahaakuvale oya ohusiha.

Alipa a Mukucho 1 vs. 1-3
Yoohani 1 vs. 19-31
aHeepiri 10 vs. 1-10

Alipa a Mukucho 1 vs. 10
aHeepiri 9 vs. 11-14
Peeturu I, 1 vs. 18-21

Wulule ovarerya sookoha sa yoothuserya evirale ni anasikhola.

Ohusihe makupa ala wa anasikhola.

- Nihiku nimoha Yoohani aapatisaka achu muhice wa oYoortanu, Yoowo aamoona mulopwana mmoha eecaka ayaaka makupa wa muhice. Yoohani aaloca masu yahasuweliwe.
- Yoowo aahi: ‘Moone epucepuche ya Muluku enarwa, yeeyo enaviihavo soocheka veelaponi yavathi.
- Masu yaala yaataphulelani?
- Wuupuwele elukuluku evirale oculi Aatamu ni Haava yaawokiwaaya ni Saataana.
- Muluku aawiikara mu emaca ya Eeteni, vawi hiyamwiwelenle Muluku.
- Achu oothene anayariwa evinre elukuluku ya Aatamu ni Haava, anayariwa ni yoocheka, nave ari oomwalana ni Muluku. Hiyo ninnavareryiwa ni Saataana.
- Muluku taweela ni ekhayikhayi, nto yoowo onnaimwalanya ni yoocheka.
- Muluku onalaka yoocheka yootheni mwa okhwa.
- Va nthowa na osivela wawe otokotoko ni ikharari sawe, yoowo aalakana omurumiha muchu mukina: Mvulusha. Yoowo ammalaha ikuru sa Saataana ntakhara achu, aviihakavo olakiwa wa soocheka saya, arehereryaka makhalelo makina wi Muloko okookele mu empa ya Muluku.

- Ophiyerya elukuluku yeeyo ereiye Mvulusha arwe mu elapo yavathi, Muluku aavaha elukuluku yavakhaani wi achu ekookele wa Muluku, yiikhuneele ni soocheka saya.
- Elukuluku yeela ya vakhaani yawi aIsarayeli emuheleleke mukucho mwaashinama mmoha mwaamulopwana ohirino nihoonya, epucepuche nari epuri, yerihaka wi nikhami nene ni ethayi ekhale yooveleela wa Muluku.
- Muchu eemererya wa Muluku wi ori mulipa oocheka niwi onnaphwanela olakiwa mwa okhwa, okookela wa Muluku ntoko mu okhwela wa Muluku. Yoowo aaneemererya okhwa wa epucepuche wi ekhale ntoko yookhuneela soocheka.
- Havele, aruule mwa mphiro ene yoola, ntoko tho Noowa, Aparahamu, Isaaki, Yaakopo Moose, mwene Tavite ni akina.
- Muluku aavanheiye malamulo wa Moose mutakhwani, Muluku aamuleeliha mulipa a mukucho mutokotoko wi amiseryeke nikhami nenle na mwaashinama ohirino nihoonya mpuwa mwa Mushakala.
- Nikhami na mwaashinama naneemereryiwa ni Muluku, wi nikhale nookhuneela soocheka sa muloko wa aIsarayeli, mwa eyaakha emoha pahi. Mulipa a mukucho mutokotoko anuuluula weerano ela muyakha ni muyakha.
- Ntakhara sheeni Yoohani Mpatisi aalonceiye va orivo epucepuche ya Muluku eni eviihevo yoocheka ya elapo yavathi?
- Mu soohuserya inoorwa, nyu munamuhuserya soohuserya ikina va nthowa na mulopwana yoola, nave ntakhara sheeni Yoohani omwiichana yoowo “Epucepuche ya Muluku”.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yoohani 1 vs. 29

Wuuluula sookoha.

1. Masu taani ohisuweliwa Yoohani mPatisi aalonceiye? (*Mmoone mwaana a pucepuche ya Muluku oni aviihevo soocheka sa elapo yavathi*)
2. Ntakhara sheeni achu araaya omwalana ni Muluku? (*Ntakhara oothene nnayariwa mu soocheka*)
3. Muluku onalaka hayi yoocheka? (*Mwa okhwa*)
4. Taani Muluku olakanneyeno omurumiha wi aviihevo yoocheka? (*Mvulusha*)
5. Mwashina a makhalelo taani Mulipa a mukucho mutokotoko aamuchuneiye wi amuhelele mukicho? (*Mwaashina ohirino nihoonya*) (*Hooye, Owo haawerya.*)
6. We waamwiiphaka mwaashinama onamvaha Muluku, onona wi owo onamuhakalalano akhurumuwele soocheka saa? (*Hooye, Owo haawerya.*)

YOOHUSERYA 24 YEESU TAANI?

Yoothoonvorya ya muhusiha:-

Owuupusherye ohuserya wi orivo pahi Muluku mmoha, yoowo onisooneiha mwa achu araru= Muluku Atiithi, Muluku Mwaana ni Muluku Munepa Waweela. Yeesu ntoko muchu yoowo tho ti Muluku Mwaana.

Iversikulu sa mPiipiliyani wi Muhusiha ahuserye ahaakuvale oya ohusiha.

Alipa a Mukucho 1 vs. 10

Yeesaya 7 vs. 14

Mateiyu 1 vs. 18-25

aKorintu II, 5 vs. 21

aHeepiri 4 vs. 15

Yoohani 3 vs. 5

Peeturu I, 2 vs. 22

Wulule ovarerya sookoha sa vohuserya evirale ni anasikhola.

Ohusihe makupa ala wa anasikhola.

- Mu elukuluku yeele Muluku aanaweemererya ashinama aphaama wi eheliwe mukucho wa yoowo.
- Muluku hawemererya ashinama awiiceliwa, ohoona, oorakala nari eri nimwakhwaca.
- Ntakhara Mvulusha yoowo Muluku aakhweleiye omurumiha ahaawela okhala aphaama.
- Eyo hiyaataphulela wi, hi aakhaleno makhwaca nari wiiceliwa! Okhala aphaama onataphulela wi owo hi akhale ni yoocheka.
- Muchu onaweryeya hayi oyariwa ahiri ni yoocheka?
- Aatamu ori nikhola na achu oothene mu elapo yeela yavathi, nnamwi achu oothene eyariwaka ni yoocheka mwa nthowa na yoowo.
- Mvulusha yoola aapwanela oyariwa mwa makhalelo oorehererya, wi yoowo ahikhale ni yoocheka.
- Nto Muluku hayivovo enamvila.
- Muluku aamuthanla mwali iichaniwa Mariya, wi amuyare Mvulusha.
- Mariya iiha aakameliwe achunaka wi atheliwe ni Yoosefe.
- Nto, ehaakuvale othelana, Mariya aaphwanywa arupanle.
- Yoowo ari mwali ohimusuwenle mulopwana, nave awenrye hayi orupala?
- Yeeren'ye hiiha, Muluku Munepa Waweela iiha ampankemo mwaana mmurimani mwawe!

- Mwaanawe ene aari Muluku mwaana, Yoowo aaruule wirimu apakeya okhala muchu, wi awerye waavulusha achu awe wa soocheka saya.
- Mwaana yoola oopwanelela ahaawela okhalano masina makina, nikina tinla Emanuele, (Nnataphulela wi Muluku ni hiyo)
- Nsina nikina nikina ti..... We wookhala mwaamaama? Aayi! Yeesu, nnataphulela (Mvulusha!)
- Yeesu tahi anamwane a anamwane awe a muhoolo a Aatamu, ntoko hiyo, Yoowo oruule wa Muluku, Yoowo Muluku, tivaavaa nto Yoowo oyariwaiye ahirinono yoocheka.
- Yeesu aari Muluku nave tho muchu. Muluku ahipakeya mwiili wa omuchu wi arwe akhaleke ni achu veelaponi.
- Nto Muluku aaheemererya wi Yeesu akhaleno apapaawe veelaponi vaava wi emukhapeleleke, ti nthowa nenla Muluku aalonciye ni Yoosefe wi amukushe Mariya wi akhale mwaariye, nnamwi aaphwanyeya arupanle.
- Hiihaa ohiyu omoha omucecheni wa oPetelehemu mu elapo ya Isaraye, aayariwa Mvulusha, ntoko alipa a miririmo yaalocenlaaya, mwa miyaakha ivirale oculi.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Mateiyu 1 vs. 23

Wuuluula sookoha.

1. Ashinama oheleliwa mukucho wa Muluku yaaphwanela okhala aphaama, Enataphulelani okhala aphaama (*hiyaaphwanela okhala awiiceliwa, nari makhwaca, nari ohoona.*)
2. Ntakhara sheeni Muluku amuruminheiye Mvulusha? (*Wi arwe aavulushe achu wa soocheka.*)
3. Mvulusha tha aaphwanela okhala aphaama, enataphulelani okhala aphaama? (*Yoowo aahaala oyariwa ahirino yoocheka.*)
4. Mariya orupala aari heeno? (*Muluku Munepa Waweela ahimpaka mwaana mmirimani mwawe.*)
5. Nnataphulelani Emanuwele? (*Muluku ni hiyo*)
6. Yeesu Muluku? (*Aayi, Yoowo Muluku*)

YOOHUSERYA 25 WINNUWA WA YEESU

Yoothoonyerya va muhusiha:-

Yeesu Muluku nave tho aari muchu. Yoowo aainuwa ntoko anamwane akina aninnuwelaaya, nave hantonko ohimwiwelela Muluku Atiithi.

Iversikulu sa mPiipiliyani wi Muhusiha ahuserve ahaakuvale ova ohusiha.

Luuka 2 vs. 8-20

Mateus 2 vs. 1-12

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Ohiyu yoole Yeesu aayariweiye, Muluku aharumiha ankeelo awe wi yaaleele akukhula a ipucepuche, wi ooyariwa Mvulusha eelapo yavathi.
- Akukhula yaala yaakhala okhwipi wa epooma ya oPeetelehemu, ekhapelelaka ipucepuche saya.
- Mwa nvayi yaaphiya ankeelo a wirimu, yiipaka emucicimihaka Muluku va nthowa na yootikiniha yeeren'ye.
- Akukhula yahihya ipucepuche saya echimakela opooma wi yamoone mwaana.
- Weiwo awo yahimphwanya Mariya, Yoosefe ni mwaana Yeesu munipuroni areiyevo yaawo yaakokhora emucicimiha.
- Yaawo yahaaleela achu oothene yaaphwanyaaya yeeyo ankeelo yaalenlaaya sa Yeesu.
- Yeesu aari Mvulusha yoowo Muluku aalakanneiye omurumiha wi avulushe achu wa soocheka saya.
- Yaakhalavo achu yaamwececenle Yeesu ari mwaana.
- Muluku aakuha etheneeri wirimu Yeesu aayariweiye.
- Achu akina a elapo yoorakamela yaachara etheneeri ephiya vaavaa Yeesu aayariweiyevo.
- Alopwana yaala yaaruha soovaha saya wa Yeesu wi emucicimihe ntakhara awo yaasuwela wi Yoowo ori oopwahaha nave tho ori Muluku mwaana, Mwene a mamwene, ni Mvulusha a oothene Anaya weemererya mwa yoowo.

- Yeesu ari nlelo mwaana, Muluku aamukhapelela ni amwaakiha wa soothene seiyo uupuweleiyee aanaloca ni aneerano.
- Yeesu aahiiwelela malamulo a Muluku.
- Yoowo hantonko ocheka ntoko hiyo, ntakhara owo haayariwe ni yoocheka ntoko hiyo.
- Hiyo na anamwane a anamwane awe amuhoolo a Aatamu. Nto Yeesu hooye, owo oruule wa Muluku.
- Yeesu onnuwale wi akhale mulopwana oosuwelasha wi eereni yookhwela ya Muluku wi aakhaviheryeke achu.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Luuka 2 vs. 52

Wuuluula sookoha.

1. Taani Muluku aarummeiye waleela akukhula wi Mvulusha ooyariwa? (*Ankeelo*)
2. Akhweya Yeesu aayariwe empa yaphamaa? (*Hooye yoowo aayariwe munikokani na imope.*)
3. Tisheeni Muluku aahenleiye osulu wi aahoolele achu yaachuna ophiya vaavaa Yeesu aayariweiyevo? (*Etheneeri.*)
4. Yeesu ontoko vakina vene ohimwiiwelela Muluku? (*Hooye.*)
5. Ntakhara sheeni hiyo nihinamwiwelelaahu Muluku? (*Ntakhara hiyo nnakhuma wa anamwane a anamwanaawe Aatamu nave nnayariwa mu soocheka.*)
6. Akhweya Yeesu oruule mwa Aatamu? (*Hooye, Yoowo oruule wa Muluku.*)

YOOHUSERYA 26 YAMAHALA ETOKWEENE YA ACHU OOTHENE

Yoothoonvorya va muhusiha:-

Wi nivareyrye yoohuserya ela, we waaphwanela ovaha yamahala ekhaani wa oohusiryaa, ntoko rapusato nari ephaawu. Yoohuserya yeela enaloca sa Yeesu, yamahala etokweene ya oothene, oovahiwa wa oothene wa yaawo anaroromela mwa yoowo. (Yoohuserya yeela yookhala mweereya elukuluku ya oyariwa wa Yeesu.)

Iversikulu sa mPiipiliyani wi Muhusiha ahuserye ahaakuvale oya ohusiha.

Yoohani 6 vs. 40

Saweeriwa Tarummwa 2 vs. 22-23

Yoohani I, 4 vs. 9-10

Yoohani 20 vs. 30-31

aEfesu 2 vs. 8-9

Yawuupulula 22 vs. 17

Wulule ovarerya sookoha sa yoohuserya evirale ni anasikhola.

Ohusihe makupa ala wa anasikhola.

- Tisheeni “aniversario”? Nri nihiku nenlo nnupuwelahu nihiku na oyariwa wahu.
- We waayariwe nihiku na 10 mweeri wa neethanu napiili (Julho) mwaakha wa 1994, hiihaa mwaakha ni mwaakha wa nihiku nenle we onnuupuwela sa nihiku waayariwaawe.
- Mwa sookhoveleliha sa achu akina annavaha yamahala wa nihiku nenle, nave aanareherya yoolya wi yuupuweleke nihiku nenle.
- Yeesu tho ookhalano nihiku nawe aayariweiye.
- Ookhalavo muchu onuupuwela nihiku aayariweiye Yeesu?
- Aayi, nihiku na 25 na mweeri wa neekhumi napiili (Dezembro).
- Hiyo nniichana nihiku nenla. Nihiku na Oyariwa wa Yeesu Kristu (Nataale).
- Muluku oonivaha yamahala etokweene wa samahala soothene nihiku na Nataale.
- Yoowo aanivaha Yeesu nihiku nenle.
- Yeesu, Muluku Mwaana aruule veelaponi yeela mwa mwiiyakha amiile eeli (2000) avirale oculi mwa nihiku nenla.

- Yoowo aayariwe ntoko anamwane akina, aayariwe ni muthiyana mu elapo ya Isarayeli.
- Yoowo aahinnuwa eerano sootikiniha sitokweene anaapenusha ohoona anaaviha ookhwa ni wiikara minepa soonanara.
- Yoowo ahinnuwa eerano sootikiniha sitokotoko wii isooneihe wi yoowo aari Muluku Mwaana aaruule wiirimu.
- Achu akina hiyaamwemerernye va nthowa nenla yaamwiipha emuthomeya vamwiikimanyo.
- Yeeyo yaari yawuupuwela ya Muluku mwa Yeesu, ntakhara yoowo aanaphwanela orwa ovaha okumi awe mwa hiyo veelaponi yavathi.
- Wuupuwele wi Muluku taweela ni aphaamasha, yoowo ookhalano olamulelo wi athorihe yoocheka mwa okhwa.
- Yeesu ahoona ekoyi wi hi nikhale phaama, wi yoowo ani aroromele mwa yoowo avulushiwe mwa ikuru sa Saataana wi oothene ekhale anamwane a Muluku.
- Eri yootikiniha ela Muluku onivanheiye nihiku na Nataale!

Eversikulu yookhapelela mmuruni ya waahusiha anasikhola emanle ohuserya, elapaka ni makhalelo oopaceriha echu.

Yoohani 3 vs. 16

Wuuluula sookoha.

1. Tisheeni aniversario? (*Nri nihiku nenlo onuupuwelaawe nihiku oyariwaa.*)
2. Nihiku taani nnuupuwelaahu sa oyariwa wa Yeesu Kristu? (*Nihiku na 25 mweeri wa neekhumi napiili "Dezembro" nihiku na Nataale*)
3. Ntakhara sheeni Yeesu enreiyeno sootikiniha veelaponi yeela yavathi? (*Wi anooniherye wi owo Ori Muluku Mwaana niwii aruule wiirimu.*)
4. Oothene yaaroromela wi Yeesu aari Muluku Mwaana? (*Hooye.*)
5. Ntakhara sheeni Yeesu aaphwaneleiye okhwa? (*Wi anivulushe wa soocheka*)
6. Soocheka sahu inii ikhurumuveliwe hayi? (*Namuroromelaru Yeesu yoowo akhwili va nthowa na hiyo.*)

YOOHUSERYA 27

MUNEPWA WAWEEWA TISHEENI

Yoothoonvorya va muhusiha:-

Mu yoothuserya yeela nnooniha Munepwa Waweela. Mwa elukuluku mwa Waataana Wakhalayi, Muluku oovaha owerya wuuwu ni osuwelano wuuwu wa achu akina, Mwa Munepwa awe Waweela. Mwa elukuluku ya Waataana Wahihano Munepwa Waweela waakhala wa oothene yaale anaroromela mwa Yeesu ntoko Mvulusha aya.

Iversikulu sa mPiipiliyani wi Muhusiha ahuserye ahaakuvale oya ohusiha.

Mapacereryo 1 vs. 1-2 Okhuma 35 vs. 30-35
Samuwele I, 16 vs. 13 Masaalimu 51 vs. 11
Luuka 3 vs. 2-23 Yoohani 7 vs. 37-38
Yoohani 14 vs. 15:18 Saweeriwa Tarummwa 11 vs. 4-5

Saweeriwa Taarummwa 10 vs. 37-38

Wulule ovarerya sookoha sa yoothuserya evirale ni anasikhola.

Ohusihe makupa ala wa anasikhola.

- Wuupuwele wi noohuserya wi orivo Muluku mmoha mukumi.
- Owo ori mwa achu 3= Muluku
- Owo ti Muluku Tiithi, Muluku Mwaana, Muluku Munepwa Waweela.
- Mu elukuluku ya Waataana Wakhalayi tiwi ahaakuvale oyariwa Yeesu Kristu, Muluku mwaana ni Muluku Munepwa Waweela yaahaavaha achu akina ikuru wi yeereno ichu seiyo Muluku aaleeleiye.
- Munepwa Waweela waamukhaviherya Noowa wi awerye omwiiwelela Muluku ni waaleela achu nthowa na maahi mancipale.
- Munepwa Waweela waamukhaviherya Aaparhamu, Isaaki ni Yaakopo wi ewerye omwiiwelela Muluku.
- Munepwa Waweela wahaavaha achu akina osuwelasha ni miruku wi ewerye opaka Mushakala mutakhwani.
- Munepwa Waweela waamukhaviherya Moose orepa masu a Muluku olelo nryaahuno mPiipiliyani.
- Aliivuru oopacerya a mPiipiliyani arempwe ni Moose.

- Munepa Waweela Waamukhaviherya Mwene Tavite wi akhale mwene aphaama wi amurepe liivuru a Masaalimu, olelo nryaahuno mPiipiliyani mwahu.
- Munepa Waweela ti wamvanhe mwaana wa Mariya, nave tho Munepa Waweela ti waamukhavihenrye Yoohani mPatisi wi eereni Muteko wa Muluku.
- Munepa Waweela ohaavaha achu ikuru wi yeereni muteko waphaama wa Muluku.
- Munepa Waweela waamukhaviherya Yeesu Kristu aareyiye elapo yeela yavathi
- Yeesu aarino miyaakha 30 ayaaka opatisiwa ni mulipa a miririmo Yoohani mPatisi
- Apatisiwe Yeesu aasareya Munepa Waweela, wi owo awerye weerano muteko wa Muluku.
- Nnamwi Yeesu ari Muluku a ikuru soothene, akhalaka mu elapo yeela yavathi ntoko muchu aathanla ohooleliwaka ni Muluku Munepa Waweela wi awerye weerano muteko yoowo Muluku aamurummaiye weerano.
- Munepa Waweela waanavarerya soothene Yeesu Kristu uupuweleiye, aalocciye ni eereiye elapo yeela yavathi.
- Olelo munepa Waweela onnaakhaviherya oothene anaroromela mwa Yeesu ntoko Mvulusha aya.
- Mwa soohuserya inoorwawo nnahaawela ohuserya ichu ikina inaloca sa Munepa Waweela, nave tho makhalelo oneraaya onikhaviheryeke wi nikhale ntoko Muluku onakhweleiye.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

aKorintu I, 3 vs. 16

Wuuluula sookoha.

1. Arivo a muluku araru nari Muluku mmoha? (*Mmoha pahi*)
2. Taani aamukhavihenrye Moose orepa masu a Muluku? (*Muluku Munepa Waweela*)
3. Taani aamukhavihenrye mwene Tavite wi akhale mwene Aphaama? (*Ti Munepa Waweela*)
4. Taani aamukhavihenrye Yeesu weerano yookhwela ya Atiith? (*Ti Munepa Waweela*)
5. Taani onaakhaviherya oothene yaawo anaroromela mwa Yeesu Kristu? (*Ti Munepa Waweela.*)
6. Munepa Waweela taani? (*Ti Muluku.*)

Y00HUSERYA 28

WEEHIWA WA YEE SU NI SAATAANA

Yoothoonvorya va muhusiha:-

Yoothuserya ela enooniha wi yaawo oothene anaroromela mwa Yeesu annawerya tho omwiiwelela Muluku. Yeesu haamwemererye Saataana, ntoko Aatamu ni Haava enreiye. Muluku onnawerya waakhaviherya achu oothene ni sookacamiha saya wa oothene yaawo anamveka.

Iversikulu sa mPiipiliyani wi Muhusiha ahuserye ahaakuvale oya ohusiha.

Mateiyu 4 vs. 1-11

Yoohani 10 vs. 10

aHeepiri 2 vs. 14-18

Yaakopo 1 vs. 12

Yoohani 8 vs. 44

aKorintu I, 10 V vs. 13

aHeepiri 4 vs. 15-16

Yoohani I, 5 vs. 19

Wuluule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Nikookele woopaceryani wa Piipiliya. We onnuupuwela Saataana onwoka wawe Aatamu ni Haava, ophiyerya ehiiwelela malamulo a Muluku.
- Aatamu ni Haava yaathanla wiiwelela owoka wa Saataana opwaha omwiiwelela Muluku.
- Yenreno yoocheka yeele, ovinyerya vaavaa hiyaari anamwane a Muluku yaaphariwa ni ikuru sa Saataana.
- Hiyo oothene nnarwa mwa anamwane aanamwanaawe Aatamu. Nnayariwa mpuwa mwa ikuru sa Saataana.
- Yeesu aaruleiye veelaponi yeela yavathi, Saataana amweeha Yeesu.
- Saataana aachuna wi Yeesu ahimwiiwelele Muluku wi yoowo tho acheke.
- Saataana haachuna wi Yeesu aarule onanariha ikuru sawe soonanara, wi aavulushe achu awe veelaponi yavathi.
- Yeesu apatisiwe, yoowo aakushiwa ni Munepa Waweela omukeriha otakhwani weiwo inanenleiyewo olya mahiku makumi masheshe (40) othana ni ohiyu.
- Tiweiwo Yeesu eehiweiyewo ni Saataana.

- Elukuluku Yeele Yeesu aari ooceecheya ni etela, nto owo hamwiiwelenle Saataana.
- Saataana aaheererya ikwa sincipale wi amuhuwelihe Yeesu wa Muluku, nto haamuwenrye.
- Yeesu aamwiiwelela Muluku mu soothene.
- Ntoko Yeesu ahamwiiwelenleiye Saataana, yoowo onnawerya waakhaviherya yaawo anaroromela mwa yoowo ntoko Mvulushaaya, mu elukuluku hiyo tho nneehiwaahu.
- Saataana hanahakalala muchu amwaakhela Yeesu, mwa nthowa nenla yoowo ookhala moohuweliha wa Muluku.
- Weererye okhala ociiwene nari owiriyana ichu sa Saataana. Ntakhara yoowo onachuna onanariha okumi aa wa muhoolo.
- Yoowo mulipa awiipha ni mutokweene a wootha. Yoowo onachuna wiipha ni onanariha okumi wa achu.
- Asinthamwene aa yaachunaka oya wiiya echu, we onaphwanela oloca “Hooye” wa yaawo, muhiye!
- We weehiwaka weera echu yoonanara wa nthwamene aa, weererye owala eyano aa ohiloce echu.
- Wuupuwele wi Yeesu oosuwela weehiwa waa. Ntakhara yoowo aheehiwa tho.
- Mwa ekhwaha ekina oneraa weehiwe, onveke Muluku wi ookhaviherye oriki “Hooye” ntakhara Muluku toororomeleya nave onamookhaviherya.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

aHeepiri I, 2 vs. 18

Wuuluula sookoha.

1. Aatumu ni Haava yahamwiiwelenlaaya Muluku, yaalamuleliwa naani? (*Saataana*)
2. Ntakhara sheeni Saataana aachuneiye wi Yeesu amwiiwelele yoowo? (*Aachuna wi amuhuweliha Yeesu wa Muluku.*)
3. Akhweya Yeesu aahimwiiwelela Saataana? (*Hooye nari vakhaaniru.*)
4. Akhweya hiyo ninneehiwa? (*Aayi.*)
5. Ntakhara sheeni Saataana onaniwokeiye? (*Ntakha yoowo onachuna wi ananlamulela anikushe anikerihe omooroni.*)
6. Taani okhanle munikhaviherya wi niwerye omuvootha Saataana. (*Yeesu.*)

YOOHUSERYA 29

YEESU WAAVAHA WAVE YOOLYA ACHU 5000

Yoothoonyerya va muhusiha:-

Achu annaroromela mwa Yeesu mwa mathowa ohiyanahiyana. Hiyo tho nnaphwanela ororomela wi Yeesu Mvulusha a elapo yoothene. Nookhalano Piipiliya awaakhwana ene wi anikhaviherye wi eparipari ya Muluku tisheeni wi nthanle ephiro mneraahu nchare.

Iversikulu sa mPiipiliyani wi Muhusiha ahuserye ahaakuvale oya ohusiha.

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Yeesu arino miyaakha makhumi mararu (30).
- Oosareya Munepa Waweela, aapacerya muteko awe yoowo Muluku aamurummeiye weera elapo yeela yavathi.
- Yeesu aamaliha elukuluku yinciapele avirka epooma ni epooma mu elapo ya aIsarayeli.
- Achu ancipale yaanamuchara eneemererya yeeyo aahusihaiye, ntakhara owo aaloca ni olamulelo ohiyana ni afarisi.
- Yeesu aanaaloca aliivuru a Waataana Wakhalayi, Muluku aamvanheiye Moose ni alipa amiririmo mwa miyaakha ivirale khalayisha.
- Yeesu aanasuwela phaama sootaphulela saya sa aliivu a mPiipiliyani, Ntakhara owo aari Muluku mwaana, nave aliivuru yaala yaaloca sa Yoowo mwaneene.
- Achu ancipale yaaroromela wi yoowo aari chiri Mvulusha, yoowo Muluku aalakanneiye ni Aatamu ni Haava, Noowa, Aparahamu, Isaaki, Yaakopo, ni akina.
- Achu yaaroromela wi yoowo tii aavulushe achu wa Saataana, wa soocheka ni wa okhwa.
- Va ororomela mwa Yeesu, Muluku aweera anamwane awe.
- Achu akina yaanaroromela mwa Yeesu vawoona sootikiniha sincipale eereiyo.
- Yeesu aahaathanla alopwana khumi neeli (12) wi ehuserye olapa ni yoowo elukuluku yeeyo aahusihaiye, apenushaka ni olaleerya michaka ya Muluku.

- Achu yaala yaasuveliwe wi yaari oohuserya awe.
- Nihiku nimoha Yeesu aahusiha oohuserya awe, jaarwa achu ancipale emurukurerya wi yiiwe yeeyo aahusiheiyee.
- Yoowo aaloca wa oohuserya awe wi yaavahe achu yoolya ntakhara nswa naathitimana nave tho yaachuna olya.
- Yaawo yaari achu opwaha amiile athanu (5000)! Yaaya opwanya woowi yoolya yawaakhwana wi yaavahe achu yaala?
- Ntakhara yaawo jaarino iphaawu thanu ni ihopa piili.
- Nto Yeesu aasuwela echu aachuneiyee weera! Yoowo aakhalano yawuupuwelelaawe yootikiniha.
- Yeesu aakusha yoolya athamala wa Muluku vacharakavo ahaannya oohuserya awe wi yaakawele achu.
- Wookhala muupuwela echu yeeren'ye vacharakavo?
- Aayi, ekawaka hiihale yoolya yanaaceereryeya yaakhwana enahala tho micanka khumi namiili ya yoolya.
- Yootikiniha ela yaari etokotoko Yeesu enreiyeno, achu ancipale yaapacerya ororomela wa Yeesu yonnaaya yeeyo yoowo enreiyeno!

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yoohani 6 vs. 14

Wuuluula sookoha.

1. Ntakhara sheeni Yeesu aaweryeiyee waataphulela aliivuru a mPiipiliyani mwaphaama? (*Ntakhara Yoowo Muluku Mwaana nave aliivuru yaala yaaloca sa yoowo mwaneene.*)
2. Aniihaniwa hayi alopwana yaala khumi napiili yeeca ni Yeesu? (*Oohuserya*)
3. Achu ahayi yaachuna olya? (*Achu awaakhwana amiile athanu "5000"*).
4. Yaalya taani yaawo yaaraayano? (*iphaawu thanu ni ihopa piili*).
5. Tisheeni yeeren'ye Yeesu aarelihaleiyee yoolya? (*Yoolya yahaaceereryeya*).
6. Sahanle micanka mihayi sa soolya? (*micanka khumi napiili "12"*).

YOOHUSERYA 30

YEESU AAMUKHURUMUWELA MULOPWANA AARI NI SOOCHEKA

Yoothoonyerya va muhusiha:-

Mwa ikeresha ikina inahusiha wi akukhula nari maPaatiri aakhala mukhurumuwela soocheka sa achu. Nto tahi eparipari, yaawo aakhala weerela namoona wi aKristu aakhurumuweliwa, yalokoha soocheka saya vamiithoni vaya.

Iversikulu sa mPiipiliyani wi Muhusiha ahuserye ahaakuvale oya ohusiha.

Maarku 2 vs. 1-12

Yoohani 14 vs. 6-11

Yoohani 20 vs. 30-31

Yoohani I, 1 vs.9

Yoohani I, 2 vs 1-2

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Achu ancipale yaamuchara Yeesu ni oohuserya awe weiwo yaayaayawo.
- Akina jaarwa wi emwiiwe yoowo ahusihaka, akina ntoko alipa oohusiha a makupa makina wi emwiiwe Yeesu alocaka nari eerakano echu yoonanara, akina jaarwa yuupuwela wi Yeesu onaya okhala mwene aya, akina jaarwa ntakhara yamwiiceliwa nave yaakhwela wi Yeesu aapenushe.
- Nihiku nimoha Yeesu ni oohuserya awe yaanahusiha mpuwa mwa empa. Achu yaasareya mpa haavo aawerya ovolowa vamukhora.
- Alopwana asheshe jaarwa wi emoone Yeesu, emutenshe muchu va ntethene.
- Mulopwana ene yoola haawerya otannya meco sawe nari weeca.
- Asinthamwene awe yaakhalano nrromelo wi Yeesu onamuwerya ompenusha yamwaacamelaru.
- Hiihaa yaawo yaakhalano miruku yeela.
- Yaawo yaawela vasulu va nipatho emwaryavo owehana ni vaavaa Yeesu ahusiheiyewo.
- Yaawo yaamukurusha awiiceliwa yoole emukeriha vaavale Yeesu aareiyewo.

- Yeesu ahoona wi chiryeene yaawo annamuroromela, aahoona nrromelo nenlo yaaryaayano.
- Yeesu aahi wa awiiceliwa, “Mwanaka, nrromelo naa nookhurumuveliwa.”
- Alipa oohusiha akina a makhuuru a ovekela yaari mpuwa yamwiiwa Yeesu alocaka ela.
- Yaawo yaapacerya wuupuwela “Onawereya hayi wi muchu pure okhurumuwela soocheka. Ntakhara Muluku pahi tonawerya okhurumuwela soocheka?”
- Yeesu aasuwela yeeyo yuupuwelaaya ntakhara Muluku oosuwela ichu soothene.
- Wi Yeesu awooniherye alopwana yaale wi vaiye Muluku, Yeesu aampenusha mulopwana amuleela wi avinye akookele owannyawe.
- Achu oothene yonne yootikiniha ela yaamuthamala Muluku, achu akina epacerya ororomela wi Yeesu mweeparipari aari Mvulusha yoowo aalakaniwe.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yoohani 2 vs. 7

Wuuluula sookoha.

- 1) Ntakhara sheeni achu yaamucharaaya Yeesu weiwo aayeiyewo? (*Akina wi emwiiwe Yeesu ahusihaka, akina wi epenushiwe akina yaawehererya wi emwiiwe alocaka ni eerakano echu yoonanara.*)
- 2) Yeesu aari woowi alopwana asheshe yaamuruhenlaayawo nthamwene aya? (*mpuwa wa empa*)
- 3) Ntakharasheni yaamuruhalaaya wa Yeesu? (*Ntakhara yaaroromela wi Yeesu ammupenusha.*)
- 4) Tiivi echu yoopacerya Yeesu aalonceiye wa mulopwana yoole? (*Mwanaka nrromelo naa nihoovulusha.*)
- 5) Taani mmoharu onawerya okhurumuwela soocheka? (*Muluku*)
- 6) Yeesu Muluku? (*Aayi, Yoowo ahooniherya ela mwa ompenusha muchu oorakala meco.*)

YOOHUSERYA 31

WEYO ONAPHWANELA OYARIWE MWA HIHANO

Yoothoonvorya va muhusiha:-

Achu akina anuupuwela wi aakhala mmuhakalaliha Muluku mwa miteko saphaama aneeraaya. Ela tahi eparipari. Achu oothene anayariwa ni yoocheka nave anaphwanela woonihiwa ekoyi. Oya okerasha wooneiha miteko yaphaama tahi yeeyo enii enikerihe wa Muluku, nto ntakhara a omuroromela Yeesu Kristu ninnaphwanyeya nri aphaama wa Muluku.

Iversikulu sa mPiipiliyani wi Muhusiha ahuserve ahaakuvale oya ohusiha.

Yoohani 1 vs.1-18

Wulule ovarerya sookoha sa yoohuserya evirale ni anasikhola.

Ohusihe makupa ala wa anasikhola.

- Mwa yoohuserya ya 26 hiyo nooloca sa nihiku nnupuwelaahu oyariwa wahu Weyo nivano onnuupuwela? Weyo onnuupuwela wi nookhala mukhalano mahiku ahu awuupuwela oohiyana hiyana?
- Owiriyane mwaha yoola we onamphwanyavo echu emoha
- Ohiyu omoha mulopwana awiichaniwa Nikotemo aaya woopana ni Yeesu.

- Yoowo aari muchu oopwahaha mwa alsarayeli, yoowo aari muYuuta nto mFarisi.

- Ela enataphulela wi yoowo aarwa mwa emusi ya Aaparhamu nave aari muhusiha a malamulo.

- Nikoteemo aheererya wiiwelela malamulo oothene Muluku anvahereireiye Moose.

- Yoowo aahaaceereryavo malamulo makina wi achu yiiweleleke!

- Yoowo aakhovelela weerano mavekelo awe oorakamihasha iitupihaka mu empa yoovekelamo. Yoowo mu yookhoveleliha aneerano yaneekhumi awe mwa makupa yaawo aakhaleiyeno wa Muluku, ela eniichaniwa yaneekhumi.

- Yoowo aanakhala elukuluku yincipale iinanelaka olya wi amuhakalalihe Muluku.

- Yoowo aakhovelela owara phaama eemela mu empa yoovekelamo wi ooniwe ni achu wi achu esuwele wi yoowo aari ookhweleyasha ophaameya wa Muluku.

- Nikotemu aari muchu awiisinnuwiha upuwelaka wi hiihaa onnamuhakalaliha Muluku!

- Yeesu aanamusivela Nikoteemu. Yoowo aanasuwela soothene sa mukumini mwawe.

- Muluku oosuwela ichu soothene iri mwa hiyo, yoowo onnansivela tho.

- Yeesu mwa wiiyeviha wawe aahi wa Nikoteemu nnamwi yoowo eerano ichu seiya soothene “Saphaama” Muluku hamweemererya ntoko mwanawe.
- Nikoteemu aakhala awaakanyereya ni awuukhuwa!
- Yeesu aahi wa yoowo wi makhalelo awii muchu akhale mwaana a Muluku wari “Oyariwa wa hihano.”
- Nikoteemu haiwavo phaama, wi weereyevo hayi muchu okookela mmirimani wa amannya ayariwe tho wanaawiili nnamwi uuluvanle? Ela tahi yeeyo Yeesu aachuneiyе oloca!
- Achu oothene ari mwa Saataana mwa meekhaaya hewerya wiivulusha wa yoolaka. Yeereryaka omuhakalaliha Muluku ni ophaama waya.
- Muluku pahi tonawerya onivulusha wa soocheka.
- Neemereryaru wa Yeesu nnakhalaahu oovulushiwa ni okhala ooyariwa wa hihano nikookela okhala a mweemusi ya Muluku nihiku nimoha nnaya okhala wirimu ni yoowo mwa ilukuluku soothene.
- Munepa ahu onnayariwa tho mwahihano ovinya mwa emusi ya Saataana okhala mwa emusi ya Muluku.
- Hiihaa ti okhalano mahiku meeli awuupuwela sa oyariwa wahu! Nihiku nimoha na oyariwa wahu, nihiku nikina nnupuwelaahu namweemereryaahu Yeesu nikhala anamwane a Muluku.
- Mahiku mahayi awuupuwela sa oyariwa waa weyo oryaaweno?

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yoohani 3 vs. 3

Wuuluula sookoha.

- 1) Yeesu aamuchunasha Nikoteemu? (*Aayi, ntakhara Muluku onnaasivela achu oothene*)
- 2) Tisivi ichu Nikoteemu eereiyeno eereryaka wi amuhakalalihe Muluku? (*Anaiwelela Malamulo oothene, aanavekela, aniinanela olya nave tho aaneerano yooveleela awe.*)
- 3) Akhweya Nikoteemu soothene ereiyeno saari saphaama? (*Aayi saari saphaama*)
- 4) Nikoteemu ahemereryiwa okhala mwaana a Muluku mwa seiyo yoowo eereiyeno? (*Hooye yoowo heemereryiwe.*)
- 5) Ntakhara sheeni Muluku ahamweemereryeiyе Nikoteemu okhala mwanawe? (*Ntakhara haayariwe mwa hihano.*)
- 6) Hiyo nnii n'yariwe hayi mwahihano? (*Hiyo naroromelaru mwa Yeesu wi ti Apwiya ahu ni Mvulusha ahu.*)

YOOHUSERYA 32

OMOORONI NI WIRIMU

Yoothoonverya ya muhusiha:-

Piipiliya onnahusiha mookokoleya wi nikhwile onnarwa othoriha, nivinyaka oya wirimu nari oya omooroni, namweemererya Yeesu nari nahimweemererya. Vano eri elukuluku wi we othanle waachunaka omwaakhela Yeesu nari ohimwaakhela, ntakhara nimanle okhwa hiyaavo elukuluku yeeyo.

Iversikulu sa mPiipiliyani wi Muhusiha ahuserye ahaakuvale oya ohusiha.

Mateiyu 10 vs 28	Luuka 16 vs. 19-31
Luuka 23 vs. 39-43	Yoohani 3 vs. 36
Yoohani 14 vs. 1-3	aRooma 5 vs. 12
aKorintu I, 2 vs. 9	aKorintu 15 vs. 35-58
aKorintu II, 5 vs.1-8	aHeepiri 9 vs. 27-28

Yawuupulula 21 vs. 1-8

Wulule ovarerya sookoha sa yoohuserya evirale ni anasikhola.

Ohusihe makupa ala wa anasikhola.

- Piipiliya onnanleela wi woopaceryani Muluku aapatunshe elapo.
- Hiwaarivo ereca, wiicela, soonanara nari okhwa, soothene saari saphaama.
- Muluku ampaka Aatamu ni Haava wi ekhaleke mweelapo yeela yavathi, weiwo yii enakhala mweelukuluku yoothene vamiithoni va Muluku.
- Muluku anaasivela ophiyerya aaleenle sa ohiiwelela waya Malamulo.
- Yawiima ya ohimwiiwelela Muluku yaari omwalana ni Muluku ela tiwi okhwa mu eniya ya mooro.
- Aatamu ni Haava yaachuna wiiwa owoka wa Saataana mwa nthowa nenla hiyamwiiwelenle Muluku.
- Nikhanlaahu oothene anamwane a Aatamu ni Haava haavo okhanle mukhala okhala wookhala mweelapo yeela yavathi.
- Hiyo nnayariwa mu soocheka va nthowa nenla miili sahu sinnakhwa.
- Nto Piipiliya onnaloca wi miili sahu iri mishakala nari empa (mwa yeeyo hiyo nryaahu) eyo tiri minepa sahu.

- Munepa ahu hokhanle mukhala mweelapo yeela ohirivo mwiili ahu.
- Miili sahu sakhwa (okhwa wawooneya) Minepa sahu sinniikhalelaru okhala wookhala.
- Orivo mapuro meeli minepa sahu ikhanlaaya mukhalavo.
- Minepa ineemererya wi Yeesu aaruule onikhwela hiyo, ini sakhaleke wirimu ni Muluku okhala wookhala, weiwo ineraaya saakhele miili sahihano, ihinakhwa.
- Minepa ihinamweemererya Yeesu inii ikhale soomwalanyiwa ni Muluku okhala wookhala mu eniya ya mooro.
- Yeesu ari mwiilapo yeela yavathi, yoowo ahaapenusha achu ancipale nave tho ahaaviiha akina wuukhwani.
- Yeesu aheerano yeela wi oonihe wi Yoowo aari Muluku nave tho Muluku ookhala ni ikuru ompwaha Saataana, ireca ni okhwa.
- Hoyo oothene nihiku nimoha nnamukhwa mwa mwiili, mwa nthowa na ireca, nari ophoreya.
- Waaroromelaka mwa Yeesu, ohikhaleno woova okhwa, ntakhara tahi makuchuwelo, ari mapacereryo!
- Piipiliya oriye oorehererya mapuro aphaama Wirimu wa yaawo anamuroromela yoowo. Ichi nihintonkwaahu woona, wiiwa, nari wuupuwela mano.
- Yootikiniha taani yeela ya owehererya anamwane a Muluku aryaayano muhoolo.
- Othanle olelo, ohaakuvale oshavo.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yoohani 11 vs. 25 (makupa ookuchula)

Wuuluula sookoha.

- Ntakhara sheeni achu oothene anakhwaaya? (*Ntakhara ocheka ni okhwa iruule mwa Aatamu nari wa hiyo aneene, Ti nthowa nenla nnakhwaahu.*)
- Akhweya minepa sahu sinnakhwa? (*Hooye sinniikhalelaru okhala wookhala.*)
- 3) Taavi mapuro meeli weiwo minepa sahu inayaayawo? (*Wirimu nari omooroni.*)
- 4) Minepa taani inaya Wirimu? (*Inaroromela ni enamweemererya Yeesu Kristu.*)
- 5) Minepa taani inaya omooroni? (*Ihinaroromela nari omweemererya Yeesu.*)
- 6) Akhweya anaroromela mwa Yeesu annaphwanela woova okhwa? (*Hooye ntakhara Muluku ooreherya nipuro nootikiniha wirimu wi ekhalekewo yaawo.*)

YOOHUSERYA 33

YEESU ONNAWERYA WOOVULUSHA

Yoothoonvorya va muhusiha:-

Mmahiku yaala achu anakhala mu sookacamiha sawoopiha ntoko iha, ohaawa, Soowurya soohapala, mirece ni mmamaruwoni. Saataana onnaawoka achu othanla wiiheya ntoko makhalelo omaliha miyaha saya, Yeesu onnawerya onikhaviherya mwa mwaha pure ntakhara yoowo hiyaavo enanvila.

Iversikulu sa mPiipiliyani wi Muhusiha ahuserye ahaakuvale oya ohusiha.

Yesaya 41 vs. 10-143

Maarku 5 vs. 1-20

Maarku 9 vs. 14-27

Yoohani 8 vs.44

aRooma 8 vs. 35-39

Saweeriwa Tarummwa 16 vs.16-34

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Mu yoohuserya ahu evirale noohuserya wi, minepa sahu hinnawerya okhala mweelaponi yeela yavathi ihirivo miili. Nakhwa inaya wirimu ni omooroni.
- Mwa sookhoveleliha sikina Saataana onnaawoka achu aaromelihaka wi alipa ookhwa khalayi minepa saya inakhala mweelapo yeela yavathi.
- Minepa inakhala mweelapo yeela yavathi ti minepa soonanara inamuchara Saataana.
- Vakina vene minepa seiya soonanara inakhala mwa achu inaweeriha achu weera soonanara.
- Wuupuwele wi Muluku ookhalano ikuru ompwaha Saataana, nave tho ookhalano owerya wa omulamulela Saataana ni ankeelo awe.
- Yeesu ahooniha olamulelo ene yoola amphwannyeiye mulopwana mmoha yoowo aaphariwe ni minepa soonanara mincipale.
- Mulopwana yoola aari oophariwa ni minepa soonanara.
- Mahiku oothene nari ohiyu mulopwana yoola anakhuwela ni anaiphoreiha ni maluku.
- Achu ancipale yaanamaka ni mithipo nto minepa soonanara sanamvaha ikuru soothikila seiyo.
- Haavovo aawerya omwaacamela mulopwana yoole, ntakhara yoowo aasareya minepa soonanara.
- Nto mulopwana yoole aamonneiye Yeesu arwaaka, minepa saari mwa yoowo saapacerya okhuwela, Ntakhara yaasuwela wi Yeesu ti Muluku Mwaana.
- Yaasuwela wi Yeesu ookhalano oolamulelo wa yaawo yamveka wi yoowo ahaakerihe oniya ya mooro ntoko yoolaka.
- Muluku ookhalano yawuupuwelelaawe ya omoonaha wawe ekoyi Saataana
- Ni minepa sawe soonanara ohoolo. Minepa seiya soonanara saasuwela sa ela vanthowa nenla samveka Yeesu wi akerihe mukupani.
- Yeesu aheemererya wi minepa ivolowe mukupani vawihiihaa ikupa seiye saachimaka imorela muniya imireya.
- Minepa Soonanara ikhumale mwa mulopwana yoole, mulopwana aawara soowara akiraathi vacheyani omaaleene.
- Yeesu aamuleela wi akhookele owannyawe aleele emusi awe tisheeni yeeren'ye.

- Mulopwana yoola haawerya wiiwulusha wa minepa seiya soonanara nto Yeesu tamooponle.
- Ophiyerya olelo vaava Saataana onnawuupuweliha achu wi herya evinyamo mu sookacamiha saya anakhalaayano.
- Yaawo anuupuwela wi haavovo anii awerye waapenusha.
- Saataana onnaavaha achu miruku wi yaphaama okhwa opwahana okhala ni sookacamiha.
- Achu ancipale yaawokiwaka ni Saataana, annayeleele owehererya mwa Yeesu vookuchula vaya annaisiipha!
- Oheereno yeela! Ntakhara ela tahi makuchuwelo a sookacamiha saa.
- Saataana onnamukhalela nrima Muluku nari tho wa muchu, onachuna pahi onanariha okumi wa achu.
- Yookhalavo yookaviherya wa yookacamiha aa oryaaweno.
- Voopaceryani omuleele yookacamihaa Muluku vacharakavo omuleele muchu onamuroromelaa, ntoko apaapaa, naari amaayi aa, mukukhula nari muchu mukina.
- Wuupuwele wi hiyaavovo enanvila Muluku.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yesaya 41 vs. 13

Wuuluula sookoha sa soohuserya ivirale ochuli ni anasikhola.

- 1) Nakhwa minepa sahu inayaayoowi? (*Wirimu nari omooroni.*)
- 2) Tisivi minepa inakhala veelaponi yeela yavathi? (*Minepa soonanara*)
- 3) Akhweya Muluku ookhalano olamulelo wa minepa soothene soonara? (*sim*)
- 4) Tisheeni Saataana onaleeleiye achu weera yakhalano sookacamiha saya? (*yoowo onnerano soothene wi achu yiisiipheke ni owiipha akhwaaya.*)
- 5) Ntakhara sheeni enalociwaaya wi naphwanela onvootha Saataana? (*Ntakhara owo onnawiipha achu ni ookhalano nrima wa Muluku ni wa achu onakhwela onanariha okumi wa muchu.*)
- 6) We waarino yookacamiha nari wamusuwenle muchu onuukhuwa ni yookacamiha. We Onii weereni? (*Omuleele yookacamihaa Muluku nave tho omuleele muchu onamuroromelaa.*)

YOOHUSERYA 34

YEESU NI ECHEKU ETOKOTOKO

Yoothoonvorya va muhusiha:-

Mmahiku a olelo amiravo annakhalano sookacamiha saya inaatutusha, ntoko iha: Wiipha, wananariha anamwane mmararuwo, mararuwo mwapure mwaapure, ni owali, eneera makupa a okumi wa amiravo ancipale a mwa yaawo. Owuupusherye anasikhola wi Yeesu oosuwela nave onnaakhapelela, anawaakiha mwa saweereya ni owali yiichanaru nsina na Apwiya.

Iversikulu sa mPiipiliyani wi Muhusiha ahuserye ahaakuvale ova ohusiha.

Mapacereryo 1 vs. 9-10

Okhuma 14 vs. 21-22

Yooshuwa 4 vs. 23-24

Masaalimu 24 vs. 1-2

Masaalimu 37

Maarku 4 vs. 35-41

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Tisheeni enootutusha? Echeku yoowali? Onyakula? Nari achu enyakulaka? Epihi ohiyu? Naari okhala meekhaa?
- Waaca ichu sincipale inantutusha! Achu oothene annoova ichu sikina.
- Nari oohuserya khumi neeli a Yeesu yanoova.
- Ohiyu omoha Yeesu ni oohuseryaawe elapuwaka eniya yiichaniwa ephareya ya oKalileya, mmwaaceyani mukhaani, mwanvayisha jaarwa echeku etokotoko epacerya woopa.
- Yaakhalavo macumusha matokotoko enammana mwaaceya apacerya osareya maahi.
- Oohuserya yaatepa otuthuwa yuupuwela wi mwaaceya ahaawela okooka nave yaawo yammiryeya.
- Yeesu aari mmwaaceyani mwemmwe nto iiha arikimukona.
- Nnamwi Yeesu ari Muluku, yoowo tho aari muchu, Yoowo aavela anakona.
- Okona aaya wiheeno mu echeku yeele yawoopiha?
- Mmoha a oohuserya amviiha ii(akhweya honanipwacha, hiyo ninnaneela?)
- Weyo onuupuwela wi Yeesu aanaakhapelela? Aayi mweeparipari.
- Oohuserya yoola amoonna Yeesu aavanhe yoolya achu amiile athanu (5000). Aapenushaka awiiceliwa aikaraka minepa soonanara, vanthowa nenla yaawo yaahaawela osuwela wi yoowo onamwaakhaviherya mwa yawuukhula yeele.

- Wuupuwele wi woopaceryani wa Piipiliya mu liivuru a Mapacereryo, ninnaalakhanya wi Muluku opatunshe elapa yavathi ni ephareya ohirimo echu.
- Mwa elukuluku ya Moose, Muluku aahula ephereya wi aIsarayeel evuluwe wa anakhoco a aYiikuputu.
- Muluku onnawerya weera echu ntakhara yoowo ti mpatusha a ikuru soothene.
- Yoowo ookhalano Owerya ni olamulelo wa ichu soothene, ntakhara soothene ti sawawe, ephareya, echeku ni macumusha.
- Hiihaa Yeesu aheemela mpuwa wa mwaaceya alamulela echeku ni macumusha wi emaale.
- Oohuserya hiyaroromenle yeeyo yeeren'ye, Muluku pahi tii awerye omaaliha echeku!
- Yeesu aari ni oohuserya awe ohiyu yoole yoowo aavulusha mwa echeku yeele yoowali.
- Hiyo hinnamoona Yeesu hihano, nto yoowo ori ni hiyo mwa Munepa awe.
- Yoowo ookhalano ikuru wi anikhaviherye nakhalano woova nari sookacamiha.
- Wuupuwele wi Muluku onnavaha wa yaawo anaroromela mwa Yeesu.
- Hiihaa, mwa ekwaha ekina oneraawe okhaleno woova mwa yookacamiha, wuupuwele sa mwaha yoola wiichane nsina na Yeesu wi ookhaviherye ni ookhapelele. Wi yoowo enreno wa oohuseryaawe, onahaawela weerano tho mwa weyo.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Yesaya 41 vs. 13

Wuuluula sookoha.

- 1) Ntakhara sheeni oohuserya yoovaaya? (*Awo yuupuwela wi anamuneela.*)
- 2) Tisheeni Yeesu eereiye mmwaaceyani? (*Yoowo aamukona*)
- 3) Taani opatunshe ephareya? (*Muluku*)
- 4) Taani aahunle ephareya wi aIsarayeel evuluwe wa anakhoco wa aYiikuputu? (*Muluku*)
- 5) Ntakhara sheeni echeku ni macumusha yamwiwelenlaaya Yeesu? (*Ntakhara Yeesu Muluku nave tho ookhalano olamulelo wa ichu soothene.*)
- 6) Akhweya Yeesu ookhala mookhaviherya wakhalelo woova ni sookacamiha? (*Aayi owo onnawerya.*)

YOOHUSERYA 35

YEESU ONNAASIVELA ANAMWANE

Yoothoonyerya va muhusiha:-

Muluku onnaakhapelela achu oothene. Anamwane ni awuuluvala. Mwa mwaha yoola nnahaala nihuserye Yeesu onviiha wawe mwaana wookhwani. Waahusihe anasikhola aa wi Yeesu onnaasivela ni onnaakhapelela yaawo hiihaa ntoko achu annuwale.

Iversikulu sa mPiipiliyani wi Muhusiha ahuserye ahaakuvale oya ohusiha.

Mateiyu 9 vs. 27-31

Mateiyu 14 vs. 22-36

Mateiyu 19 vs. 13-15

Luuka 8 vs. 40-45

Yoohani 20 vs. 30-31

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Yeesu aheerano sootikiniha sitokotoko yoowo akhalaka mweelaponi yavathi.
- Yoowo ahaapenusha ohoona, oorakala yaneece, ahaapenusha achu wa ireca sa vanrapalani, ahiikara minepa soonanara, ahaavaha yoolya achu amiile athanu (5000) mwa iphaawu thanu ni ihopa piili, aamaaliha echeke nave tho aheeca vasulu vamaahi ahineela!
- Ntakhara sheeni Yeesu enreyeno ichu seiya soothene?
- Yoowo aheerano ichu seiya wi ooneihe wi yoowo aari Muluku mwaana.
- Yeesu aachuna wi achu yaaroromenle wi yoowo ari yoole aalakaniwe orumihiwa opacerya voopacerya va elapo. Yoowo aarwa omaliha ikuru sa Saataana, wi aviihevo yoocheke wi hiyo nuuluule okhala mu empa ya Muluku.
- Nihiku nimoha Yeesu aheerano yootikiniha ekina.
- Mulopwana mmoha awiichaniwa Yairo aakhalano mwanawe mmoha mukhaani yoowo aatepa wiiceliwa anahaawela okhwa.
- Yairu ahiwa sa Yeesu, akhalano nrromelo wi Yeesu ammupenusha mwanawe.
- Yeesu aakeleiye owannyawe wa mwaana yoole mwaamuthiyana aiceliwa, achu akina jaarwa omuleela Yeesu wi mwaana ohookhwa.

- Yaawo yuupuwela wi haavovo tho makhalelo makina oowerya omukhaviherya mwaana.
- Yeesu aaphiyaleiye, achu oothene yaari vaate yinlaka ntakhara mwaana aari ookhweene.
- Yeesu ni oohuseryaawe araru ni Yairo ni amannya a mwaana yaavolowa okuponi weiwo mwaana mwaamuthiyana aateleliweiyewo.
- Yeesu amphara mwaana ntata aloca, ovinye.
- Munepa wa mwaana yoola mwaamuthiyana waakookela mmwiilini mwaya mwa nvayi yoowo aavinya apacerya weeca.
- Yeesu ahaaleela amannya wi envahe yoolya, ntakhara yoowo aapenushiwa chiri.
- Mwa nthowa na Yeesu onviiha mwaana yoole ahooniha osivela wa yoowo, mwa makhalelo mamohamoha yowo onnawerya wookhapelela weyo.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

Mateiyu 19 vs. 14

Wuuluula sookoha.

- 1) Tisvi sootikiniha Yeesu enreiyeno? (*Ahaapenusha ohoona, awiiceliwa, ni oorakala.*)
- 2) Ntakhara sheeni Yeesu enreiyeno sootikiniha iha? (*Yari wi achu eroromele wi Yeesu Muluku.*)
- 3) Ntakhara sheeni Yairo aamwiichanneiye Yeesu? (*Yoowo aakhano nroromelo wi Yeesu ammupenusha mwanawe.*)
- 4) Ntakhara sheeni achu yanlaaya? (*Ntakhara mwaana yoole aakhwa.*)
- 5) Tisheeni yeeren'ye Yeesu amphanreiye? (*Munepa awe waakookela mmwiilini nave yoowo aavinya.*)
- 6) Akhweya Yeesu onaakhapelela awuuluvala? (*Hooye yoowo onnaakhapelela tho anamwane.*)

YOOHUSERYA 36

YEESU ONNANIHUSIHA OVEKELA

Yoothoonyerya va muhusiha:-

Ovekela ari makupa ookhweleyasha, nari anamwane a Muluku. Weyo onaphwanela waacicimiherya anasikhola wi eviriheke elukuluku yincipale ni Muluku, ni wuuluula oloca ni yoowo elapaka nari ethataka. Kinnaroromela wi weyo onneerano emohamoha.

Iversikulu sa mPiipiliyani wi Muhusiha ahuserye ahaakuvale oya ohusiha.

Miruku 15 vs. 29

Mateiyu 6 vs. 1-15

Luuka 11 vs. 1-13

Luuka 18 vs.1-14

aEfesu 6 vs. 18

aFilipe 4 vs. 4-7

aTesaloonika 5 vs. 16-18

Timootiyu 2 vs. 1-4

Wulule ovarerya sookoha sa voohuserya evirale ni anasikhola.

Ohusihe makupa ala wa anasikhola.

- Yeesu akhalaka mu elapo yeela yavathi, ahaahusiha oohuserya awe ichu sincipale.
- Yoowo aheerano ela wi oohuserya tho yaahusihe achu akina.
- Echu emoha ahusinheiye sa seiyo ahusihaiye yari makhalelo a ovekela.
- We waari oororomela mwa Yeesu, nave Muluku ti atiithi aa a Wirimu.
- Muluku onachuna wi we oloceke ni yoowo, Yoowo tho aloceke ni weyo, ntoko weyo onlocaa ni emusi aa ni asinthamwene aa mahiku oothene.
- Muluku onaloca ni hiyo elukuluku nnamwaalakhanyaahu Piipiliya, masu awe mwa Munepa Waweela mmurimani mwahu.
- Hiyo nnaloca ni Muluku mwa ovekela.
- We wookhala muloca ni Muluku mwa echu pure. Niphwanaphanihe, weyo wookhala mmuveka Muluku nachuna echu ntoko, waamuchunaka nthamwene wi onathata ni yoowo, waavoliwaka etala, nchanana, waarino sookacamiha owaani nari oshikhola, nari we wiiceliwaka.
- We wookahala mvekela mwa elukuluku yeeyo onchunaa, akhweya wooshishelo nari ohiyu, nari mpuro pure.
- Waavekelaka, wookhala mweemela, okiranthi, okokhonre, nari okonne.
- Ikwaha ikina Muluku hanaakhula nivekelo nahu ntoko nnakhwelaahu, ntakhara ikwaha ikina nsaveka ichu soonanara.
- Ikwaha ikina Muluku onii, (aayi) mwa waakhula mavekelo ahu nari, (hooye) ikwaha ikina hiyo nnapchwanela owehererya.

- Hiyo noohuserya ororomela mwa Muluku nave tho noosuwela wi yoowo onnavaha ichu saphaama wa hiyo.
- We wuuluulaka oloca ni Muluku, weyo onahaala ohuserya ichu sincipale inaloca sa yoowo mwa makhalelo yoowo onaakhuleiye mavekelo ahu.
- Ti nthowa nenla weyo onaphwanelaa ovekela mahiku oothene.
- Ikhwaha ikina onnaniwalamelela ovekela ni osuwela ntakhara sheeni nnavekelaahu.
- Yeesu oonivaha makupa ala wi nchariheke, wi inikhaviheryeke mwa elukuluku nnavekelaahu. hiyo nniichana nivekelo nenla, (Nivekelo na Apwiya)
- Opacerye nivekelo naa ni omuthamala Muluku vacharakavo onaveka wi Muluku eereni muteko awe ni yookhwela awe mweelapini muumu.
- Vacharakavo omveke yeeyo onakhwelaa wa okumi aa.
- Weyo tho onaphwanela tho waakhurumuwela achu yaawo aweerenle yoonanara, wupuwele tho wi Muluku ohookhurumuwela soocheka seiyo wenraawe.
- Onveke Muluku wi ookhaviherye wiwelela malamulo awe, wi awaakihe tho wa Saataana.
- Vookuchulani wa nivekolo naa onaphwanela omuthamala tho Muluku ntakhara Yoowo ori Muluku a ikuru soothene ntakhara ncicimiho ni waarya ti nawawe.
- Yeesu onniwa nave onnaakhula, mavekelo ahu oothene ntoko anamwane awe, va yeela oosiveliwa nasikhoola wiikhalele muvekelani, ntakhara Apwiya Muluku aa onnaiwa.

Eversikulu yookhapelela mmuruni ya waahusiha anasikoola emanle ohuserya, elapaka ni makhalelo oopaceriha echu.

aFilipe 4 vs. 6

Wuuluula sookoha.

- 1) Ichu taani weyo onaphwanelaa ovekelela? (*Ichu pahi*)
- 2) Elukuluku taani onaphwanelaa ovekela wa Muluku? (*mwa elukuluku pure*)
- 3) Akhweye weyo waavekelaka onaphwanela okokhora? (*Hooye*)
- 4) Akhweya Muluku onnaakhula nivekelo nahu ntoko nnakhwelaahu? (*Hooye*)
- 5) Ntakhara sheeni hooye? (*Natakhara Muluku onakhwela onivaha yeeyo eri yaphaama wa hiyo*)
- 6) Akhweya Muluku onnaakhula mavekelo ahu? (*Aayi vakina vene onnaakhula Aayi nari hooye, vakinavene oni, niwehererye.*)

YOOHUSERYA 37

OKHALAWAYA CHIRI ASIICHU ANATANNYA ORECA WA SIITA (H.I.V. SIITA) (MAKUPA I)

Yoothoonvera va Muhusiha:

Achu ancipale annakhwa wa nthowa na asiichu anatannya oreca wa Siita (H.I.V Siita), elapo yoothene ya vathi. Weyo onnaphwanela oloca eparipari nthowa na ereca yeela yawoopiha, wi anasikhola ekhaleno othanla waphaama mu okumi aya ni okhalano owerya wootaphuwa mwa nthowa na oreca ola wootutusha.

Ivirisiikulu sa mpiipiliyani soophwanela muhusiha osuwela ahaakunve ohusiha tiiya:

Luuka 5:12-13; Luuka 17:11-19.

Weerano tho sookoha wa yoohuserya evinre.

Waahusihe anasikhola makupa ala:

- Yeesu aahipenusha ireca soohiyana hiyana, aaruulaiye veelaponi ya vathi.
- Oothene yaawo jaarwa wa yoowo enamuroromela, Yeesu aanawerya waapenusha, nave yaanapenuwa chiri.
- Yeesu hantoko omurowiha mukina ahimukhavihenrye, haavarerya makhalelo ereca, nari mwaha wa muchu okhalawaya.
- Nihiku nimoha, jaarwa alopwana khumi jaarino ereca ya ilepa, yiichaniwa tho maraca, nto aahiichaniwa Yeesu wi aapenushe.
- Achu yaala, yaakhala ocayi wa imusi ni asinthamwene aya, ntakhara ereca yeela yaanaravihaniwa mukina ni mukhwaiye.
- Yeesu aanasuwela woona waya wiicela, vawi hiiha, aavinya wi akumaneno nto aahaapenusha oothene
- Achu ancipale, yaakhalano woova ereca yeele ya mareca, nave mahiku yaala tho, yookhalavo ereca enawoopiha achu ancipale, nsina naya, tinla: H.I.V.Siita.
- Siita tho, ookhala muravihaniwa wa muchu mukina ni mukhwaiye, nto oohiyana ni mareca.
- Weyo horwa omrava Siita wa nthowa omphara muchu orino, nari onvaha mooni yoowo omuranve.
- Homurava Siita wa nthowa na okona va nipuroni nimoha ni muchu orinono, wiichuuwa elatrina emoha, tahi olyelya eparatho nari ekolyeri emoha.
- Ari makhalelo mararu ooravihaniwa Siita, muchu mukina ni mukhwaiye:

- 1) Maayi orinono arupanle, ookhala mmuraviha mwanawe aahaakunve omuyara.
- 2) Woomwi waakhela nikhami na muchu orinono, weyo tho onammurava Siita. Hiiha tho, yookhala mweereya wa nthowa na omulapela sikano mmoha voocemula maaru, sikano a ohommwano esisawu, olapela elamina emoha nari tho namuku olapela esisora emoha, voowaashileya aluukhu.
- 3) Okumanelano tho muchu orino oreca yoowo, ori wawoopihasha, nave achu ancipale annaravihana ireca mooraruwani, mmakhalelo yaalatho(H. I. V. Siita).
 - Muchu aSiita, onnapacerya okhalano ireca soothene soohiyana hiyana, ntoko: kamasu, okothomola, orweela ithuku mwiiliawe, oreca wa ovaluwa, oveya mwiili, elapaha.
 - Oviraha iyaakha vakhaani, muchu onakhala ooccecheyasha nave vookuchula aya okhwa.
 - Siita, ereca chiri, haanono murece woopenushano muchu mu elapo yoothene yavathi.
 - Tahi yookhwela ya Muluku, muchu okhaleno ereca yeela, nari okhwa wa nthowa na Siita.
 - Muhoolo, nii nihuserye masu a Muluku, wi niphwanye yawuupuwelela ya Muluku ni okumi aahu, vawi hiyo tho nikhalelo okhupaareliwa wa nthowa na ereca ela yawiichaniwa Siita.

Evirisiikulu yookhapelela mmuruni yawaahusiha anasikhola emanle ohuserya elapaka ni makhalelo oopaceriha echu:

Yohaane 8: 32

Weereno sookoha wa voohuserya evirale

1. Ereca taani ya ilepa yaarino alopwana yaale khumi? (Mareca).
2. Nthowa taani achu ancipale yoovaaya ereca yeela? (Tiwi yaari ereca yaawerya oravhaniwa wa muchu ni mukina).
3. Akhweya muchu ookhala mmurava Siita wa nthowa na wuuka nipuro nookonavo? (Hooye).
4. Makhalelo mararu anooniherya wi muchu onammurava H. I. V. Siita, taavi? (Mwaana on'yariwa amanya erino, ovahiwa ephome ya muchu orino nari okumanela ni muchu orino).
5. Muchu orino Siita, ireca taani tho onakhalaiyeno? (Orweela ithuku mwiili awe, oreca woovaluwa, oveya mwwili ni elapaha).
6. Akhweya wookhalavo murece woowerya ompenushano muchu orino Siita? (Hooye).

YOOHUSERYA 38

OKHALAWAYA CHIRI ASIICHU ANATANNYA ORECA WA SIITA H.I.V. (MAKUPA II).

Yoothonyerya va muhusiha:

Waataana wakhalayi (A.N.), Muluku aaneemereryiha wi achu ekhalekeno asimpwanaaya ni okonano. Nto mu waataana wa hiihano (N.T.), onnahusihiwamo phaama wi weerano yeeyo ti yoonanara, opaka ompwana, tiwi weerano mararuwo. Hiiha hiyo hnnapahaaha inama wi nikhurumuweliwe soocheka sahu, vawi hiihaa, hiyo hannachariha waataana wakhalayi mmakhalelo oocicimiherya othela.

Iverisiikulu ya mpiipiliyani yoopwanela wi muhusiha ahuserye ahaakunve tiiva:

Mapacereryo 16:1-4

Mamwene I 11:1-6

S. Mmahiku a Mamwene I 10:9-20

Akorintu I 10:12-13

Mapacereryo 29:16-30

Yohaani 8:44

Akorintu I 7:1-11

Peturu II 2:4-9

Weerano tho sookoha wa voohuserya evinre

Waahusihe anasikhola makupa ala:

- Mu yoohuserya evinre, noohuserya makhalelo achu anaweryaaya orava ereca ya Siita, vamoha ni yeeyo eneereya wa yaawo anaphwanya ereca yeela.
- Nooloca tho wi tahi yookhwela ya Muluku wi muchu akhaleno ereca yeela.
- Muluku onnanihusiha mmasu awe a mpiipiliyani, yaawo ananikhupaarela wa ereca ya Siita, naanawelearu.
- Mahusiheryo a Muluku hari oovila wiiwelela, ntakhara owo onivaha Munepa Waweela, wi owereke onikhaviherya oootha weereriwa wahu ni okhala awiiwelela.
- Muluku onnasuwela eri yaphaama wa okumi ahu, nto hiyo niiweleleke mahusiheryo awe wi niphwanye okhupaareleya wahu.
- Hiyo ninnaloca wi makhalelo ene sha omurava Siita, ori okumanela ni muchu orino ereca ene yeeyo.
- Amiravo ancipale ni anamwane a iyaakha khumi napiili nari khumi nacaaru, annachunasha orarushana. Yaawo anoona wi tiwaphaama ni ti wawaakhwana, nari wi achu oothene onnaphwanela olawiha ichu seiya.
- Nto yeela, chiryeene ti yoonanara. Saataana tunaawooka amiravo wi yeemereryeke echu yeela.
- Iruku, inoonihiwa mu aTelevisore, wiipa ni iruku tho sa mukarathani, soothene inaloca sa opaka ompwana, wootha wa Saataana.
- Waarimwi orino asimpwanaa ancipale, chiri weyo onmmurava Siita, nnaamwi omuwaraka mphira.

- Amphira yaawo hanaakhwaaniha waakiha wi muchu ahimurave Siita!
- Yawuupuwelela ya Muluku wa anamwane awe, ti yawi awo yinnuwe nave amuthanle iyawe nari mwaariye aphaama ori mukristu, nto ethelane, enakumale yaaworu eeli.
- Yoomwi mulopwana ni muthiyana yeerano hiiha, awo eeli herwaru yaarava asiichu anamutannya Siita (H.I.V.), wa nthowa na okumanela.
- Vano weyo ohiiwa yawuupuwelela ya Muluku, wa nthowa na othelana ni okumanela mulopwana ni muthiyana. Nto woomwi othanla ohimwiiwelela Muluku, chiri onmmurava Siita nave onamookkhwa ohiphienrye iyaakha makhumi meeli.
- Ela yawaakhula ya Muluku wa nthowa na Siita.

“Mulopwana Mmoha- Muthiyana mmoha- Okumi Waphaama”

Evirisiikulu yookhapelela mmuruni, yawaahusiha anasikhola emanle ohuserya elapaka ni makhalelo oopaceriha echu:

Akorintu I 6:18 (makupa oopacerya)

Weerano sookoha wa voohuserya evirale

1. Taani oruule wi anikhaviherye ovootha weereriwa wahu? (Muluku Munepa Waweela).
2. Onnaphwanela hiyo wiiwelela malamulo a Muluku? (Aayi).
3. Taani onaawoka achu ariki tiwaphaama muchu okhalano asimpwana awe ancipale ni okumanelano yaawo? (Saataana).
4. Akhweya amphira iri ichu soowerya onaakiha wa ereca yeela ya Siita? (Hooye).
5. Elukuluku taani yoophwanela wi opacerye okumanela ni muthiyana nari mulopwana? (Vaavaa oneeraawe othele).
6. Yawaakhula ya Muluku wa nthowa na ereca yeela ya Siita, onii hayi? (Mulopwana Mmoharu pahi wa Muthiyana- nave Muthiyana Mmoharu pahi wa Mulopwana).

YOOHUSERYA YA 39

HANRWA NIKHALA APHAAMA AWE MULUKU, NAHIKHALANO YEESU

Yoothoonyerya ya Muhusiha:

Yeesu ori awookololowa, nto hiyo hooye. Hiyo hannawerya wiivulusha mu soocheka sahu. Aayi namweemereryaru Yeesu, nneeraahu nikhaleno wookololowa ni ophaameya wawe, hiihaa Muluku onanneemererya okhala anaawe.

Iviriikulu sampiipilyani sa wi Muhusiha asuwele ahaakunve ohusiha, tiha:

Yesaya 61:10	Mateiyu 5:17
Arooma 3:23	Arooma 6:23
Arooma 10:1-4	Akorinyu I 5:20-21
Akalatiya 3:6-14	Akalatiya 3:21-25
Aefesu 2:8-9	Peturu I 3:1

Weerano tho sookoha wa yoohuserya evinre

Waahusihe anasikhola makupa ala:

- Muluku aavaha malamulo awe wa Moose, yaakhwanaka miyaakha miile mmoha ni miyaakha masana mathanu (1.500) Kristu ahaakuvale oyariwa, yoowo aalociwe khalayi wi onamurwa elapo yeela yavathi.
- Moose aarepa malamulo yaala, yaakakhaniwa wa achu ni anamwane aya ni anamwane aya a muhuulo.
- Achu ancipale mu elukuluku ya Yeesu, yaaneemererya wi yeereryaru wiiwelela malamulo, yaammuhakalaliha Muluku.
- Awo hiyaasuwela wi tahiye okhwaanisheraru malamulo, onamuhakalaliha Muluku.
- Achu, anamwane oothene a Aparahaamu, annayariwa mu soocheka ene ni omwalanano Muluku.
- Naahaacicimihaka asitiithihu, muupuwelo ahu tari onanara, ninnootha nave na anawiiye,... Ichu seiha sinnathoonyerya wi hiyo chiri nnayariwa mu soocheka.
- Oothene hiyo waaniphwanela woonihiwa ekoyi mu cukuchani a mooro.
- Wa hiyo onakhweleya wi mukina arwe anoopole mu owerya wa Saataana, wi aniviiheryevo yoocheka ahu, ni wi nikookele mu emusi ya Muluku.
- Muchu mmoha ti Yeesu okhwaaniherye chiri okhwela woothene wa Muluku.
- Yeesu tomwiiwelenle Muluku Atiithi mmeecelo awe oothene, ntakhara owo hari epyo ya Atamu ntoko hiyo, nto oruule wirimu khuluwi.
- Yeesu aaloca ni Afarese wi haarweele ocinca malamulo a Moose nari ovihavo, nto wi acharihe oothene.
- Hiyo hannawerya ovulushiwa wa nthowa na miteko, nto yookhwewleya ti wi Yeesu anivulushe.

- Elukuluku yeeyo nnamuroromelaahu yoowo, ninnakhela ekari ya ophaameya wawe wawookololowa nave Muluku onnaneera ohikhala nnihoonya, tiwi chiri aweela ni ookhurumuveliwa.
- Nimuthamale Muluku wa nthowa na omweemiha Yeesu, Nvulusha yoowo Muluku anroromelinhaiye, ntakhara voohikhala Yeesu hiyo hinikawenrye ovulushiwa nari omusuwela Muluku.

Evirisiikulu yookhapelela mmuruni, yawaahusiha anasikhola emanle ohuserya elapaka ni makhalelo oopaceriha echu:

Arooma 6: 23

Weerano sookoha wa voohuserya evirale

1. Nthowa taani nnayariwaahu nri oocheka ene? (Tiwi oothene hiyo nikhumme wa Atamu, ochenke oopacverya voopacerya).
2. Ichu taani inathoonyerya wi hiyo nnayariwa oocheka ene? (Wootha, wiipha, wiiya...).
3. Muchu mmoharu taani iwelenle malamulo a Muluku? (Yeesu).
4. Akhweya Yeesu aarweela ocinca malamulo a Moose? (Hooye, nto wi akhwaaniherye).
5. Akhweya wookhala mukhurumuveliwa wa nthowa noochariha malamulo pahi? (Hooye).
6. Makhalelo mamoha taavi onaphwanelaa wi weyo okhurumuveliwe soocheka saa? (Nto pahiru waakhulela ni omuroromela Yeesu).

YOOHUSERYA YA 40

HIYO NISIVELANEKE MUKINA NI MUKHWAIYE

Yoothoonyerya ya Muhusiha:

Nanaloca wi na akristu, onnapwanela wi miteko sahu inooniherya. Nnii neere hayi wi nooniherye osivela nraahuno wa Muluku? Vaavaa nneeraahu naasiveleke akhwiihu, naahasivelaka akwiihu, hannamusivela tho Muluku!

Ivirisiikulu sampiipiliyani sa wi Muhusiha asuwele ahaakunve ohusiha, tiha:

Maarku 12:28-34
Yohaane 13:34-35
Aefesu 4:22-32
Yohaane I 2:3-6
Yohaane I 4:7-12

Luuka 10:25-37
Miteko S. 10:34-35
Yaakopo v 2
Yohaane I 3:11-18
Yoohaane I v 19-21

Weerano tho sookoha wa yoohuserya evinre

Waahusihe anasikhola makupa ala:

- Mu yoohuserya ahu evinre, nooloca wi Yeesu haarweela ocinca malamulo a Moose.
- Nto Yeesu aarweela wiiwelela yaawo ni onikhaviherya hiyo wi nsuwele phaama.
- Nihiku nimoha, atokweene akina a malamulo yaakhwela omweererya Yeesu, wi emoone aasuwelaka mwaha wa malamulo yaaveleeliwe wa Moose.
- Yaawo, yaamukoha eriki: (Nlamulo ntokotoko tiniivi)?
- Yeesu aawaakhula, ii: (Mwaasivele Apwiya Muluku anyu ni murima woothene, mmusivele mukhwiinyu ntoko nywo aneene).
- Elukuluku ekina muYuuta mmoha, mutokweene a malamulo, aamukoha tho Yeesu.
- Yoowo aahi: (Mukhwaaka taani)?
- Akhweya muchu yoola, aakhalano makacamiho oohaakhwela akhwaiye, akhweya aakhwela osuwela, waakhweleyaka waasivela yaaworu ari vakhiviru, nari ahimaaweru ni asinthamwene awe pahi.
- Yeesu, vooomwaakhula mulopwana yoola, aaloca mwaha mmoha:
- Mukhwaha mmoha, muYuuta eecaka mumphironi, mwanvayi anawiiye yaamphara, emwaakha ikuwo, ikhorowa sawe soothene aaraiyeno nave yaamana yoowo.
- Yaamuhiya yoowo uuwenle vaphironi ntoko ookhweene.
- Wooshishelo aavira tho mphiro yoole muYuuta mukina mulipa mukucho, aamoona mulopwana yoole aaphoreihiwe, nto aaserema makupa makina a mmphiro.

- Vaavaa tho, aaphiya mu Yuuta mukina. Owo tho hemeneru wi amukhaviherye.
- Musamariya mmoha, aanarwa mphiro ene yoole tho.
- Tiwi, aSamariya yaari achu awaakanyerana. Yaari a nloko na aYuuta yaathenle achu a ilapo ikina. Nto aYuuta ale, yaakhala mu ipooma ni mmicecheni mwaya.
- AYuuta tho yaala, yaari awiiseeliha nave yaawiica aSamariya, yaanaisoona wi ari aphaama waapwaha akhwaaya.
- Nto mu Samariya, aaheemela amukhaviherya mu Yuuta yoole aaphoreihiwe.
- Nthowa taani Yeesu alocenleiye mwaha yoola?
- Yeesu aanaatharihera mwaha yoole ni waasuveliha wi mu Samariya yoole, aanasuwela wi aari oothanyeya wa aYuuta, nto owo aamuthananela mulopwana ole aaphoreihiwe, aaheemela amukhaviherya.
- Yeesu aaloca wi, Muluku onakhwela wi hiyo naasivelaneke ni waacicimiha tho achu oothene, ohikhanlevo othanla nari ovarera meecelo aya, elapo anarweelaaya, ta nloko taani, nari waathanya, aweela, ooripa ni ovekelawaya.
- Muluku, onnaakhwela achu oothene, nave hanaathanla!
- Mahiku yaala nookhalano tho sookacamiha seiha. Achu akina a elapo ya wa aAfirika, hanachuna amaka...
- Mweelapo yoothene wookhalamo owana ni ikhoco, wawi achu hanasivelana mukina ni mukhwaiye.
- Muluku onakhwela wi hiyo noonihe osivela wahu mwa yoowo, wa nthowa na osivela, akina hanapwacha wi ala tanloko neshe.

Evirisiikulu yookhapelela mmuruni yawaahusiha anasikhola, emanle ohuserya, elapaka ni makhalelo oopaceriha echu:

Aefesu 4:32

Weerano sookoha wa voohuserya evirale

1. Nlamulo ntokotoko tiniivi? (Waasivele Apwiya Muluku aa ni murima aa woorthene nave waasivele akhwaa, ntoko oniisivelaa yoowe ene).
2. Nthowa taani aYuuta yaawiiialaaya aSamariya? (Tiwi aYuuta yaaniisoona okhala a waapwaha akhwaaya).
3. Taani aamukhavihenrye mu Yuuta yoole aaphoreihiwe? (Muchu oSamariya).
4. Akhweya Muluku onnaathanla achu, akina ahinaakhwela? (Hooye).
5. Hiyo naarimukhala anamwane a Muluku, taani anakhwelaiye wi nasiveleke? (Achu oothene).
6. Nnooniha hayi wi hiyo ninnamusivela Muluku? (Naasivelaka achu akina).

YOOHUSERYA YA 41
YEESU, EPUCEPUCHE CHIRI YA PASKA

Yoothoonyerya ya Muhusiha:

Yoohusiha yeela enathaphulela sa omoha. Tiwi echu etokotoko okhalano omoha, nave onnaphwanela weeriwano ni waakhwanihiwa. Anasikhola annaphwanela winnuwiha yootaphulela wa yeeyo aneerayano, hoonaphwanela weerano mooresini nari ntoko othata, ntoko tho achu anamulya ni owurya. Nasikhoola yoowo omwaakhenle Yeesu, akhala nvulusha awe, akhaleno tho omoha yoola.

Ivirisiikulu sampiipiliyani sa wi Muhusiha asuwele ahaakunve ohusiha, tiha:

Okhuma 12:21-30

Maruku 14:1-2

Luuka 22:7-20

Yohaane 1:29

Peturu I, 1:18-21

Weerano tho sookoha wa yoohuserya evinre

Wahusihe anasikhola makupa ala:

- Yeesu aarino miyaakha makhumi mararu sa okumi awe.
- Aaphara muteko Muluku aamunyerenraiye veelaponi ya vathi mu elukuluku ya miyaakha miraru.
- Yoowo aaheerano ichu sincipale sootikiniha, ooniheryaka wi aari mwaana Muluku ni nvulusha aaroromeliheyeno.
- Achu ancipale yaamweemererya yoowo, nto akina hooye.
- Yaawo yaamukhalela nrima Yeesu, ereherya miruku ya omwiipha.
- Miyakha yoothene aYuuta yaaneerano ni wuupuwelela efeesta yookhweleya yiichaniwa “Efeesta ya Paska.” Yaawo anneerano ophiyerya olelo.
- Awo, yaanuupuwelela elukuluku Muluku aawoaponlaiye wuukhwani oYiikuputu, mwa munkeelo, mweelukuluku ya miyaakha miile mmoha ni miyaakha masana mathanu (1.500).
- AIsarayeli yaawo yaacikichenle mmilako mwaya nikhami na epucepuche, yaavulushiwa wuukhwani.
- Oyiikuputu, achu ni inama seiyo saari soopacerya oyariwa saakhwa, wa nthowa na ohikhwela wiiwelela oruma wa Muluku.
- Vookuchula, Farwu aaheemererya wi Moose akushewo muloko wa Isarayeli oYiikuputu.
- Yeesu ni oohuserya awe khumi neeli, yaari vamoha mu wuupuwelela efeesta ya Paska.
- Nto erikumulya hiihale, Yeesu aakusha ephaawu akawanya.

- Yoowo aaloca wa oohuserya awe, wi yaari ephaawu yoothonyera mwiili awe, yoowo mu elukuluku tonto waahaala ohooshiwa ni okhomeliwa vamwiikimanyo.
- Yeesu aakusha tho ekahi ya eviinyu alocu tho wa oohuserya awe, wi eviinyu ele yaari yoothoonyerya nikhami na Yeesu nenlo naahaala okhuma mmwiilini mwawe.
- Yeesu aaleeliha yaawo wi, aari epucepuche chiri ya Paska, epucepuche ya Muluku, yoohikhala mnihoonya, yeeyo mu elukuluku tonto yaahaala ohooshiwa ni okhwa vanthowa na hiyo.
- Ashinama oothene yaapahiwa mmahiku avinre khalayi, yaari yoothoonyerya ya Yeesu Nvulusha, yoowo Muluku aaromelihaie omurumiha veelaponi ya vathi wi nikhami nawe niviihevo yoocheka ya elapo ya vathi.
- Yeesu aaloca ni oohuserya awe wi yaalyaaka ni owuurya emuupuweleleke yoowo mu seiyo eenreyeno ari vamoha ni yaawo.
- Hiyo olelo, vookhala akiristu ninnamuupuwelela vaavaa nneeraahuno yoolya ya Apwiya.
- Hannacuwalaru yeeyo Yeesu eereiyeno khalayi, ophiyerya olelo sinnaviravo miyaakha amiile eeli.

Evirisiikulu vookhapelela mmuruni yaawaahusiha anasikhola, emanle ohuserya, elapaka ni oopaceriha:

Yohaane 1: 29

Weerano sookoha wa yoohuserya evirale

1. Nthowa taani aYuuta aneeraayano efeesta ya Paska? (Awo aneerano vawi Muluku aawoopola wuukhwani mwa munkeelo oYiikuputu).
2. Tisheeni yaaphwanela weera alsarayeli wi munkeelo ahivire mmapamwaya? (Waaphwanela ocikichela milako aya nikhami na ipucepuche).
3. Tisheeni enuupusheryaaya wunnana ephaawu? (Mwiili wa Yeesu waanyaanyiwe wa nthowa na hiyo).
4. Yawuupusherya ya eviinyu, tisheeni? (Nikhami na Yeesu).
5. Taani ori epucepuche yeeparipari ya Paska? (Yeesu).
6. Nthowa taani Yeesu oraiye epucepuche ahu ya Paska? (Ntakhara owo ori Nvulusha ahu).

YOOHUSERYA YA 42
YOOHUMANO YA OMUCHARANO YEESU

Yoothoonyerya ya Muhusiha

Achu akina annamwaakhulela Yeesu okhala Nvulusha aya, nto ekhwelaka pahi waakhela mareeliho. Yaawo hanuupuwelela soocheka saya nari echu yoothumano, wi Yeesu aavulushe mwiikoyini ya cukucha a mooro. Weyo onnaphwanela waahusihe ansikhola wi enachariha, aayi tahi echu yookhweya, nto Munepa Waweela waakhaviherye mwa seiyo ahinaweeraaya.

Ivirisiikulu sampiipiliyani sa wi Muhusiha asuwele ahaakunve ohusiha, tiha:

Mateiyu 26:36-50

Yohaane 12:4-6

Yohaane 15:18-20

Yaakopo 1:12

Peturu I, 5:8-11

Luuka 22:1-6

Yohaane 15:13

Yaakopo 1:2-4

Peturu I, 4:12-19

Timootiyu II, 3:10-13

Weerano tho sookoha wa voohuserya evinre

Waahusihe anasikhola makupa ala:

- Achu akina anuupuwela wi wamuroromelaru Yeesu okhala mukiristu, hiihaa woomaliha sookacamiha soothene.
- Annuupuwela tho wi soothene inahaala okhala sookhweya mu okumi aya. Nave hekaiceliwaru, ekaamukhala ni ikhorowa sawaakhwana, wi ethumekeno seiyo inaathowa, enii ekhale ohakalalaru nari wi, Muluku akaamwaavahaka sooveka saya soothene.
- Nto yeeyo, tahi eparipari! Onaphwanela wuupuwela wi Saataana hanahakalala, wa nthowa na ohiya omwene awe weepihiphi muchu akhala mwaana a Muluku.
- Vaavaa, munathanlaanyu omuchara Yeesu, munamukhalano sookacamiha sincipale mu okumi anyu wa mahiku oothene.
- Elukuluku Yeesu aaraiye veelaponi yavathi, achu ancipale yaamuwiica, nto yaarimwi yeeren'ya hiiha ni Yeesu, nave wa hiyo tho enarwa yeereya va nthowa noomuchara Yeesu.
- Yuutaasi mmoha a arummwa a Yeesu, aawariwa ti Saataana wi amperekhe Yeesu wa alipa a mukucho ni asiitkweene.
- Mmakhalelo yaala anooniha wi Saataana aakhwela tho weererya okookiherya oculi yawuupuwelela ya Muluku, voomurumiha Nvulusha.
- Nnaamwi Yuutaasi eence ni Yeesu elukuluku ya miyaakha miraru, aari nawiiye a ikhorowa seiyo saavahiwa Yeesu vamoha tho ni arummwa awe.
- Yuutaasi aari okhwelasha ikhorowa, omuhiya Muluku.
- Asiitkweene ni alipa a mukucho, yaamuliva Yuutaasi wi amuphare Yeesu anvelelele ophiyerya omwiipha.
- Nto Yeesu, aanasuwela wi Yuutaasi aamwwerano seiya, va nthowa na wi Muluku onnasuwela soothene ihaakunve weereya.
- Yeesu aanasuwela wi aya okhwa voothomeiwa vamwiikimanyo.

- Yoowo aanasuwela wi aamoona ekoyi yincipale ntoko mmoha a oonanara murima.
- Yeesu aanasuwela tho wi aayakhala oorakamelana ni Muluku atiithi mu elukuluku vakhaani, wa nthowa na okhwela oteesha soocheka soothene seelapo yoothene.
- Wuupuwele wi Muluku ahu ta weela nave owo onakhala awiirekamihela yoocheka.
- Nnaawi Yeesu aari Muluku, aari tho muchu. Wa nthowa nenla yoowo, aavekela wa Muluku atiithi, aavekaka wi okhwa weekoyi vamwiikimanyo, oheereye ni yoowo.
- Nto Yeesu aaloca wi: “ Echu yeela, eheereye ntoko mukhwela waka, nto wa nyu”.
- Yeesu ni okhwela wawe woothene, aanamwiiwelela Muluku atiithi, ophiyerya wuukhwani.
- Nto waari woowalamela wi Yeesu ari muchu, amwiiwelela Muluku atiithi, nave yoowo ohaakhwaniha, aaruuha nciimiho, ovuwa wa Muluku, anikikhwela tho weyo ni miyo!
- Oheerano hiihaa, wi hiyo nimweemererye yoowo, ni okhurumuveliwa soocheka sahu, okookela okhala a Muluku ni othatuwa tho okhala anamwane awe.
- Mwa yeela, okumi wa Yeesu tori yoothumano ovulushiwa wahu, emohamoha tho wa hiyo, tiwookhweleya wi neere echu, nimuchare Yeesu.
- Sookacamiha ni sawuukhula inamoorweelaani mu okumi mwanyu, nto Muluku akhala ni nyuwo, anawaacamelaani mwa seiyo, chiri nyuwo munarwa muhuserya ichu sincipale sa Muluku, okhwela ni waakiha wawe.
- Ohihiye omuchara Yeesu yaphiyerya elukuluku ya sawuukhula yaphiya, wuupuwele echu Yeesu aaweerenlaiye weyo vamwiikimanyo, owo chiri aahivilela!

Evirisiikulu vookhapelela mmuruni yaawaahusiha anasikhola emanle ohuserya elapaka ni makhalelo oopaceriha echu:

Timootiyu II, 3:12

Weerano sookoha wa vohuserya evirale

1. Akhweya eparipari wi akristu hanoona sawuukhula mukumini mwaya? (Hooye).
2. Taani aamuveleenle Yeesu? (Mmoha a arummwa awe, Yuutaasi).
3. Waari wookhweya wi Yeesu amwiiwelelake Muluku atiithi? (Hooye).
4. Nthowa taani Yeesu eemerentyaiye ni okhwela wawe woothene wi akhwe vamwiikimanyo? (Tiwi Muluku aakhwela wi muchu akhwe alive soocheka, nave Yeesu aari mmoha oophwanela okhwa wi amuhakalalihe Muluku mu yookhwela awe).
5. Onoona wi soorweelaka sawuukhula mu okumi aa, akhweya Muluku hanookhwela tho weyo? (Hooye).
6. Hiyo nakhalano sookacamiha neere hayi? (Onaphwanela wi intitelele omwiiwelela ni omuroromela Muluku, nto owo onarwa anikhviherya).

YOOHUSERYA YA 43 **“VANO SOOKUCHUWA”**

Yoothoonyerya ya Muhusiha:

Muluku aahakalalelasha okwa wa Yeesu, ntoko yoolivela ya yoocheka. Wa hiyo henakhweleya tho echu ekina vooikhala omwaakhulela Muluku. Nto wa hiyo onakhweleya oveleela nrromelo nahu, wa seiyo Yeesu eenraiyo mwa hiyo wa miyaakha sooculi, amiile eeli (2000). Naweraru wiiveleela wa yoowo, Muluku onnanaakhela ntoko anamwane awe, aweela ni ookhurumuveliwa.

Iviriikulu sampiipiliyani sa wi Muhusiha asuwele ahaakunve ohusiha, tiha:

Yesaaya ekapitulu 53	Masaalimu 22:6-8
Masaalimu 22:16-18	Masaalimu 27:12
Mateiyu 26:57-68	Maarku 15:16-39
Arooma 6:23	Aheeperi ikapitulu 9 ni 10

Weerano tho sookoha wa yoohuserya evirale

Waahusihe anasikhola makupa ala:

- Muluku ta weela. Ela enathoonyerya wi yoowo haanoonaru yoocheka nari yoonanara ekina, owo onnairakameliha mwaneene yoothene eri yoocheka.
- Yoolivela ya ocheka wa Muluku, okhwa pahi.
- Noohuserya wi mu waataana wakhalayi, Muluku aavahamo wi achu yaapaheke ashinama mu yoolivela soocheka saya.
- Waapaha ashinama, waari eneneeryo ya Nvulusha yoowo Muluku aahaalaiye omurumiha, wi akhwaaniherye olivela yoocheka.
- Atokweene ni alipa a mukucho yaamwiica Yeesu, wa nthowa nenla yaakhwelarumwiipha.
- Yaawariwa ti Saataana wi emwiiphe Yeesu, nto awo hiyaasuwela wi yeeyo yaari yawuupuwelela ya Muluku wi Yeesu akhwe.
- Munepa Waweela, waaloca wa alipa miririmo ni mwene Tavite wa miyaakha masana masana ene sooculi, ichu saahaala weereya mwa Yeesu: Achu yaahaala omothera wi Yeesu akhwe. (Masaalimu 27:12). Yeesu aahaala omaala asomeliwaka (Yesaaya 53:7). Yeesu aahaala orohiwa ni oruwaniwa (Masaalimu 22:6-8). Achu yaahaala weeherya ehako soowara sawe (Masaalimu 22:18) Aamukhommwa ni ipereku matata ni inaani sawe.
- Ichu seiya soothene iheereya, ntoko Muluku aalocenleiyeye.
- Yeesu heenreru echu yoophwanela wi akhwe, harinoru yoocheka.
- Nthowa nene asiitokweene yaamukushenraaya Yeesu ophiyerya okhwa, tiwi owo aanaloca wi aari mwaana a Muluku, ni aari ophwanaphwana ni Muluku.
- Yeeyo yaari eparipari chiri, nto atokweene yaala, hiyaakhwenleru omweemererya.
- Anakhoco a Arooma, yaamwiipha Yeesu wooshishelo wa neethanu, waari okhwiipi wa epooma ya oYerusalemu, elapo ya alSarayeli.
- Anakhoco yaale, yaamuthomeya elukuluku ya iwora thanu nasheshe wooshishelo.

- Elukuluku ya iwora khumi napiili, tiwi othana eriyari, nihiku nenle Yeesu aahuukhuwa va mwiikimanyo, mwanvayi jaarwa epiiphi mweelaponi .
- Elukuluku ya iwora chaaru sa oshekuwa, Yeesu akhuwela vatokotoko, ariki: “Muluku aka, Muluku aka, mukihyererani”?
- Nthowa taani Yeesu aalocenlaiye hiiha?
- Aaloca hiihaa vawi Muluku atiithi, aarakamelana ni Yeesu, wa nthowa na wi elukuluku ene yeele Yeesu aateesha soocheka seelapo yoothene.
- Muluku atiithi aahirakamihela Yeesu, vawi Muluku, ta Weela chiri.
- Yeesu aaloca tho: “ Vano sookuchuwa”! Nave aakhwa.
- Tiwi Yeesu muteko aarweelaiye ophara waamala, ntakhara aakhwaaniherya yoolivelano yookuchula ya ocheka.
- Elukuluku ya okhwa wawe Yeesu, ekuwo yoolipa yaakawanya empa nipuro na Weela ni naWeelasha na Apwiya, yaahaahuwa eriyari, okuma osulu ophiyerya vathi.
- Ela yooniherya wi horwa okhweleya tho mukucho woopaha inama ni okusha nikhami naya ntoko yoomalihano soocheka.
- Hiihaa, oothene yaawo aneemererya nikhami na Yeesu, mphiro aya wooyano wa Muluku, woohuleya.
- Muluku aahakalalasha ni okhwa wa Yeesu, epucepuche awe.
- Hayiivovo tho echu ekina yaweera wi muchu aliveleno yoocheka.
- Yeesu, Nvulusha yoowo, oheerano soothene va mwiikimanyo.
- Soothene saakuchuwa chiri.

Evirisiikulu yookhapelela mmuruni yawaahusiha anasikhola, emanle ohuserya olapaka ni makhalelo oopaceryano echu:

Yohaane 19:30

Weerano sookoha wa voohuserya evirale.

1. Ashinama yaapahiwa mu waataana wakhalayi, yooniherya eneneeryo taani? (Yeesu).
2. Nthowa taani Muluku onarakamelaiye yoocheka? (Ntakhara owo ta Weela).
3. Nthowa taani Yeesu aalocelaiye ariki: “Muluku aka, Muluku aka, mukihyererani”? (Tiwi Yeesu aanoona olimela wawya soocheka seelapo).
4. Akhwela olocenleni, wi: “vano sookuchuwa”? (Aakhwela wi, soothene soolinva).
5. Akhweya onnaphwanela wi hiyo nlelo naapaheke ashinama wa nthowa na soocheka sahu? (Hooye).
6. Vanonto enaphwanela weera tisheeni wi soocheka sawe sikhurumuveliwe? (Waakhulela wi chiri Yeesu oonlivena soocheka sahu va mwiikimanyo).

YOOHUSERYA YA 44

“YEESU MUKUMI”!

Yoothoonyerya ya Muhusiha:

Yeesu, ookhwa avinya nihiku na neeraru. Muluku oonviiha Yeesu wookhwani, wi achu oothene anamurromela Yeesu wi Nvulusha aya, nnaamwi ekhwaaka mmwiilini, evinye wookhwani ni okhalano okumi woohimala mwa yoowo.

Iviriikulu sampiipiliyani sa wi Muhusiha asuwele ahaakunve ohusiha, tiha:

Mateiyu 24:36-44

Luuka 23: 50-56

Luuka 24:1-53

Yohaane 20:24-29

M.Saarummwa 1:1-11

Akorinto I, 15:3-6

Akorinto II, 4:14

Wuuluula weerano sookoha wa voohuserya evirale

Waaushihe anasikhola makupa ala:

- Yeesu aakhwilaie, arummwa awe yaakushavo mwiili awe va mwiikimanyo evitha okhukuni.
- Tiwi mmahiku yaale, achu yaavithiwa mmakhukuni, yaawo yaacyeliwa ni nluku, nenlo naahiha wiiyiwamo miruchu.
- Vaavaa, waashekuwaaya nihiku na neethanu, aYuuta yaanairehererya wa nthowa na nawoorowa, nikhiku nenlo naahiihiwe ophara muteko.
- Arummwa yeera ehimalin’he orehererya mwiili wa Yeesu wi, yavithe.
- Oyaaka nuusha wa nihiku namurunku, yaawo yaakookela onikhukuni weiwe wi yamalihe orehererya mwiili wa Yeesu.
- Yaacamenlaaya nikhuku nenle, yaahona eriki: Nluku nooviihiwavo nri makupa aya ene.
- Yaavolowa mpuwamwene yaavyaka mwiili wa Yeesu, nto yaaphwanyemo ikuworu pahi, aapichikheliweiyeno.
- Nto Yeesu, haamomo!
- Okele woowi? Taani okunshemo muruchu awe?
- Vaavaa, jaarwa wa yaawo ankeelo eeli,yii: “Ntakhara sheeni munamwaavyanyu mukumi wa achu ookhwa? Owo, mu haamomo! Ovinya wuukhwani”!
- Arummwa a Yeesu yaakacamiheyasha, nave yaakooka, echimaka oya olokoha wi Yeesu oovinya wa achu ookhwa!
- Waakwaanela chiri ohakalala wa Muluku, wa nthowa oliveliwa wa soocheka weiwo Yeesu eereiyeno.
- Muluku oomviiha Yeesu wuukhwani nave harwa akhwa tho.

- Mwa mahiku makhumi masheshu, Yeesu aanooneya wa arummwa ni asintahamwene awe, mu ilukuluku ni mapuro oohiyana hiyana. Echu ya achu masana mathanu, yaamona Yeesu ari mukumi.
- Eyo enooniha wi chiri owo aavinya wa achu ookhwa.
- Yeesu aatolosa owerya wa Saataana, vano ookhalano owerya woovootha, Saataana, ocheka ni okhwa.
- Evinre mahiku makhumi masheshu, Yeesu aawiichana oohuserya awe oothene, aathukumanya, aavekelelaiye yaawo, vaavaa aawela wirimu.
- Masu a mpiipiliyani analoca wi nihiku nlo, Yeesu onamukookela elapo ya vathi aakushe oothene yaale anamuroromela ni anamweemererya yoowo, wi akhaleno wirimu mahiku oothene.
- Yeesu ahaakunve ovinya veelaponi ya vathi, aaroromeliha wi Muluku Munepa Waweela, aamurwa akhale mwa oothene anaroromela ni omweemererya wi ti Nvulusha aya.
- Muhoolo nwarwa nihuserya ichu ikina sa Munepa Waweela.

Evirisiikulu vookhapelela mmuruni yawaahusiha anasikhola emanle ohuserya, elapaka ni makhalelo oopaceryiha echu:

Luuka 24:6 (Makupa oopacerya).

Weerano sookoha wa voohuserya evirale.

1. Nihiku taani Yeesu aakhwilaiye? (Nihiku naneethanu).
2. Nihiku taani yoowo aavinnyaiye wuukhwani? (Nihiku namurunku).
3. Tisheeni oohuserya yaaphwannyaaya okhukhuni? (Yaaphwannye ikuworu).
4. Ankeelo yaalonceni? (Yeesu mu haamomo, oovinya).
5. Achu ahayi yaamoonne Yeesu ari mukumi? (Yaari achu opwaha echu ya masana mathanu).
6. Tiliini Yeesu oneeriye akookele elapo ya vathi? (Nihiku nlo na muhoolo, haavo onasuwela).

YOOHUSERYA YA 45

ORWA WA MUNEPWA WAWEEWA

Yoothoonyerya ya Muhusiha

Yoohuserya yeela enaloca sa orwa waya Munepwa Waweela wa achu yaale yaamuroromenle Yeesu. Muloko wa Muluku waapacerya winnuwa ni makhalelo yaawo Muluku aasareihaleiye mwa Munepwa Waweela, ni wa aweemererya oothene, anaavaha tho owerya wookhala anamoonna mwa elapo yoothene. Anasikhola akina akhweya anarwa ekhwela opatisiwa emalinhe yoohuserya yeela. Yeereya hiiha, orehererye vamoha ni mukhukhula a mmulokoni mwaa, wi yoowo anii amweemerere Yeesu apatisiwe.

Iviriisikulu sampiipiliyani sa wi Muhusiha asuwele ahaakunve ohusiha, tiha:

Mateiyu 28:16-20
M. Saarummwa 2:1-17

M. Saarummwa 1:1-9
M. Saarummwa 3:1-10

M.Saarummwa 5:12-16

Wuuluula weerano sookoha wa yoohuserya evirale

Waaushihe anasikhola makupa ala:

- Munepwa Waweela, waamuvaha Yeesu owerya ophara muteko wookhweleya, yoowo Muluku amuvanheiye wi eereni ari veelaponi ya vathi.
- Nto elukuluku yaamphierya Yeesu yookhuma veelaponi yavathi ayaaka wa Muluku atiithi.
- Yeesu aahaaleela arummwa awe wi onnaphwanela tho awo okhalano owerya wa Munepwa waweela wi epareke muteko, yoowo Muluku aarummaiye wi yeerekeno.
- Yeesu aaloca tho ni oohuserya awe wi ewehererye oYerusalemu ophierya yaakhenle owerya wa Muluku.
- Mahiku oothene, oororomela yaanathukumana vamoha enavekela.
- Nihiku nawuupuwelela efeesta yamulepu, yaathukumana tho vamoha enavekela nave mootutusha naahiiweya nsu ntokotoko ntoko oruma wa echeku, jaarwa esareya mu empa yoothene yeeyo yaakilaanthayamo.
- Ichu ikina ntoko makalume a mooro, saakaya mmiruni wa yaawo yaavekela mwemmwe.
- Tiwi, Munepwa Waweela yoowo Yeesu aaroromelinhaiye.
- Oohuserya mu empa yeele, yaasareyano owerya wa Muluku epacerya oloca mu ilocelo seiyo yaawo yahantoko aya ohuserya.
- Achu ancipale a ilapo soohiyana hiyana, yaari oYerusalemu tho nihiku nenle nawuupuwelela efeesta ya mulepu.
- Yaawo hiyaantonkoru owiwa oohuserya yaale elocka mu ilocelo sa ilapo saya.

- Wa nthowa nenla awo yaatikhiniheyasha, vaavaa yaawiiwaaya achu yaala elocaka mu ilocelo seiyo yaawo yahaantonkwaayaru ohuserya.
- Tiwi, Munepa Waweela ti waavanhe ikuru saweerano echu yeela, wi achu a ilapo ikina ewerye tho wiiwa ni wona ichu sootikiniha seiyo Muluku eeraiyeno.
- Peeturu, mmoha a oohuserya, aahaaleeliha achu oothene yaamurukurenrye.
- Yoowo aahaathoriherya yeeyo yeeren'ye, wi Yeesu aari Nvulusha naaroromelihiwaahu.
- Waanaphwanela achu omweemererya yoowo, wi ewerye okhurumuveliwa ni okhala anamwane a Muluku.
- Hiihaa, awo yaaheemererya nave yaapatsiwa, yooniheraka wi okhuma nihiku nenle yaari oomuchara Yeesu.
- Achu ancipale yaaheemererya michaka ya Peeturu, echu ya achu amiile araru (3000), yaapatsiwa nihiku nenle.
- Muluku ohooniherya owerya wawe mwa oohuserya awe nave yaawo aheerano sootikiniha, ntoko iha: waapenusha areca, okumiha minepa yoonanara, eweeciha oarakala, ntoko tho Yeesu eereiyo.
- Mwanvayi achu ancipale yaapacerya omweemererya nave yaaneeriwa oomuchara Yeesu.
- Mwa nthowa nenla, tiwaapacenryaaya muloko wa Muluku.

Evirisiikulu yookhapelela mmuruni yawaahusiha anasikhola emanle ohuserya elapaka ni makhalelo oopacerya echu:

M. Saarummwa 2:38 (Makupa oopacerya)

Weerano sookoha wa voohuserya evirale.

1. Taani onikhavihenrye aphara muteko wa Muluku ni hiyo? (Munepa Waweela).
2. Taani aavanhe arummwa ikuru soolocano mu ilocelo ikina? (Munepa Waweela).
3. Nthowa taani achu ala anloocaaya mu ilocelo ikina? (Wi achu a ilapo ikina ewrye wiiwa ni osuwela sa makhalelo a Yeesu).
4. Achu ahayi yeemererenrye michaka ya Peeturu? (Achu amiile araru).
5. Eneneeryo taani yoosuwanyeya yeeren'ye wi awo ari oomuchara Yeesu? (Yaakenle opatiso).
6. Tisheeni yoophwanela wi weyo okhale oomuchara Yeesu? (Opatisiwe).

YOOHUSERYA YA 46

MUNEPA Waweela ORI MULIPA OONIKHAVIHERYA

Yoothoonyerya ya Muhusiha:

Yoohuserya ela, enanihusiha olapa waya Munepa Waweela. Vaavaa nasikhola onamwaakelaiye Yeesu okhala Nvulusha awe, onakhweleya wi owo asuwele Munepa wa Muluku, Munepa Waweela, yoowo oruule okhala va murimani vawe, wi owereyeke omukhaviherya mmakhalelo yaawo Muluku onakhwelaiye wi muchu akhale.

Ivirisiikulu sampiipiliyani sa wi Muhusiha asuwele ahaakunve ohusiha, tiha:

Yohaane 7:37-39	Yohaane 14:15-18
Yohaane 14:25-27	Yohaane 16:5-15
M. Saarummwa 2:38-39	Arooma 8:15-16
Akorintu I, 3:16-17	Akorintu I, 12:1-11
Aefesu 4:11-16	Yuuta 1:24-25

Wuuluula weerano sookoha wa yoohuserya evirale.

Waausihe anasikhola makupa ala:

- Nihiku na efesta ya mulepu, Muluku aavaha Munepa Waweela ekwaha yoopacerya.
- Ovinya nihiku nenle ophiyerya olelo, Munepa Waweela onakhala mwa achu yaawo anamweemererya Yeesu okhala Mvulusha aya.
- Munepa Waweela ohoorwa wi onikhaviheryeke ni ontatusha okhala achu, mu yookhwela ya Muluku.
- Munepa Waweela ohoorwa wi onikhaviheryeke onsuweliha okhwela wootikiniha, weiwo Muluku oraiyeno ni hiyo.
- Munepa Waweela ohoorwa wi onikhaviheryeke ni onsuweliha makhalelo eparipari oomwiiwelelano Muluku ni Piipiliya.
- Munepa Waweela onarwa wookhaviheryaani wi mukhaleno okhwela wa omwiiwelela Muluku.
- Munepa Waweela woorwa wi woosuvelihekeeni yoonanara ni eri yaphaama wa Muluku.
- Vaavaa oneeraawe oyeeke woochekani, Muluku Munepa Waweela onamookhaviherya wi osuwele mpuwa wa murima aa.
- Weyo onnaphwanela olokoha soocheka saa wa Muluku, oveke omoreliwa ikharari nari tho ookhaviheriwa wi onamwiiwelela yoowo.
- Munepa Waweela onamookhaviherya wi weemereryeke okhala chiri mwana a Muluku mu elukuluku yeeyo Saataana oneeraiye ovaheke minikwa mmuupuweloni mwa.
- Munepa onamoolipiha elukuluku yeeyo oneera othananeke nari woova.

- Munepa Waweela onamoovaha miruku ni wookhaviherya vaavaa oneerawe okhalekeno sookacamiha.
- Munepa Waweela onnaavaha tho oororomela oothene samahala wi ekhaviheryaneke mukina ni mukhwaiye.
- Samahala sincipale ti soohiyana hiyana, achu akina annavahiwa yamahala yawaapenushano awiiceliwa, akina yamahala yoolaleeryano, ohusihano masu, akina yamahala yoorumeelano nave akina tho yamahala yoowaalipishano akina oororomela.
- Akina annakhalano oweriya wa weerano sootikiniha, ntoko Peturu eeraiyeno, akina annavahiwa oloca mu ilocelo sikina nari osuwelano seiyo.
- Achu akina annaakhela yamahala ya miririmo ni okhalano miruku sa osuwela sa muhoolo.
- Oororomela oothene ari oovahiwa yamahala ya Muluku wi epharekeno muteko wawaakhaviherya achu ni ikuru wi emuroromele Apwiya ahu.
- Vano omuveke Muluku wi awoonihe yamahala oovan'haiye, waakhaviherye ni ikuru akina a waaroromela Apwiya, wi okhaviheryeke tho otikitherya omwene wa Muluku.

Evirisiikulu yookhapelela mmuruni, yawaahusiha anasikhola emanle ohuserya elapaka ni makhalelo oopaceriha echu.

Akorintu I, 14:19 (Makupa oopacerya).

Weerano sookoha wa voohuserya evirale.

- 1) Munepa Waweela waarwa onakhala mwa wani? (Mwa oothene yaale anamuroromela ni omweemererya Yeesu).
- 2) Akhweya tiwi Muluku oorumiha Munepa wi okhaleke mwa hiyo pahi? (Hooye, wi onikhaviheryeke mmakhalelo ni okhala ntoko mwaneene onakwelelaiye).
- 3) Onii osuwele hayi waahimwiiwelelaka Muluku? (Vaava weyo oneeraawe ohikhaleke phaama).
- 4) Onii weereni waahimwiiwelela Muluku? (Operekhe soocheka saaya, omuvekaka Muluku wookhurumuwela ni wookhaviherya wi okookela omwiiwelela).
- 5) Othoonye samahala ikina seiyo Munepa Waweela onavahaaya. (Openusha ireca, olaleerya, orumeela, waalipisha akina...).
- 6) Nthowa taani mmoha ni mmoha a oororomela anavahiwaaya samahala? (Wi ekhaviheryaneke mukina ni mukhwaiye, winnuwa ni ikuru mwa Apwiya).

YOHUSERYA YA 47

OMUVEKE MULUKU WI OOSAREIHE NI OWERYA Wawe

Yoothoonyerya ya Muhusiha:

Eri yookhwela ya Muluku wi achu ekhaleke oosareya Munepa Waweela. Hiyo oothene ninnakhwela wi Muluku anivan'he mukhalo wooweryano omusivela Muluku ni murima woothene, wi niweryeke tho omurumeela Muluku ni waarumeela akina. Oosiveliwa anasikhola, moomwi mukhalano muupuwelo yaala, enii ekhale mareeliho matokweene wa nyuwo, nave weyo ntoko muhusiha, waahusihe yaawo yoophwanela weera, ori omuveka Muluku wi aasareihe owerya wawe ni ohiya miphurelo saya wa Muluku.

Ivirisiikulu sampiipiliyani sa wi Muhusiha asuwele ahaakunve ohusiha, tiha:

Luuka 11:9-13

Akorintu I, 13:1-13

Yohaane I, 5:14-15

Arooma 5:1-5

Aefesu 5:15-21

Wuuluula weerano sookoha wa yoohuserya evirale.

Waahusihe anasikhola makupa ala:

- Mu yoohuserya ahu evinre, noohuserya wi Munepa Waweela ori mulipa onikhaviherya mu okumi ahu, tonanivaha samahala seiyo iri sookhweleya wa ooroormela oothene voomurumeelano Muluku.
- Yamahala etokweene Muluku onanivahaiye, ti osivela.
- Hiyo naasiveleke akina, ori waphaama olapela samahala seiyo Muluku onanivahaiye.
- Hiyo naahikhalano waasivela akina, hori waphaama, wa nthowa nenla, onnaphwanela waasivela akina nihaakunve omurumeela Muluku mwa makhalelo yaawo onakhwelelaiye.
- Tiwi, mu samahala soothene Muluku onanivahaiye, nihiku nikina inarwa ivira, naphiya nihiku nookuchula na elapo, nto yamahala ya osivela herwaru evira.
- Muluku onakhwela nsareyeno owerya wawe, wi hiyo naasiveleke achu akina mweeparipari ni omurumeela yoowo.
- Owerya wa Muluku onii onsareye hayi?
- Voopacerya, hiyo naavyaavye okhalano owerya wawe ni okhwelasha.
- Va naawili aya, hiyo niveka owerya yoowo wa Muluku.
- Piipiliya onii, aayi ni okhwela woothene wa Muluku hiyo ninnaakhela Munepa Waweela.
- Woomwi chiri oveka owerya yoowo ya Muluku, owo onarwa oovaha weyo.

- Ovekeleke Oriki: “Oosiveliwa Atiithi a wirimu, koosuwela wi ori okhwela wanyu okisuwela miyo ni Munepa anyu, wi kiwerye woosivelaani nyuwo, woorumeelaani ni waarumeela akina. Kinnachuna wi kiwerye weerano yeeyo. Olelo kinnoovekaani wi mukimorele ikharari, mukisareihe Munepa anyu nave mukivahe owera wanyu, wi kikhale muchu oochunasha weerano. Kinnoothamalaani wanthowa na okeerela miyo yeeyo. Kinnaveka soothene mu nsina na Yeesu, Aameni”.
- Vahilekenle onammoona Muluku apacenrye weerano sootikiniha mwa weyo, vawi hiihaa, weerano nivekelo ninla.
- Enamweereya akhweya olelo, akhweya omeelo, akhweya miyakha sa muhoolo.
- Muluku onamookeriha mphiro waphaama, wamuroromelaru ni onamuchara yoowo othana ni ohiyu.
- Owehereryeke onarwa woona.

Evirisiikulu yookhapelela mmuruni yawaahusiha anasikhola emanle ohuserya, wi ehuleye miru:

Aefesu 5:18

Weerano sookoha wa yoohuserya evirale.

- 1) Yamahala taani etokotoko Muluku okhanlaiye munivaha hiyo? (Yamahala ya waasivela akina).
- 2) Nthowa taani oraaya wookhweleyasha waasivela akina ? (Wi niweryeke orumeela ntoko Muluku onakhwelaiye).
- 3) Taani onookhaviherya waasivela akina? (Muluku Munepa Waweela).
- 4) Eri yookhwela ya Muluku wi weyo osareyeno owerya wawe? (Aayi).
- 5) Onii owerya hayi osareyano owerya wawe? (Voopacerya, onaphwanela ochuna okhalano owerya wawe ni omuveka Muluku).
- 6) Vaavaa onamuvekaawe Muluku wi oosareyeno Munepa awe, enii yeereye tisheeni? (Onarwa opacerya omoona Muluku aphara muteko mwa weyo mmahiku ni miyeeri sa muhoolo).

YOOHUSERYA YA 48
OOREELIHIWA NI OKHALA MAREELIHA

Yoothnyerya ya Muhusiha:

Piipiliya ori mwaha orino mapacereryo ni makuchuwelo. Orimo wuupuwelela wootherene wa Muluku, ovulusha wawe mwa Yeesu Kristu. Miyaha sa mu waataana wakhalayi inathoonyerya yeeyo Yeesu orweenlaiye oneerela hiyo. Vaavaa ansikhola amalahaaya ohuserya mu waataana wahiihano, vano awo akhalano otitelela ophara muteko yoowo Muluku ovan'haiye wa ooromela ootherene, eyo tiwi, waathokororya akina wi eye mwa Yeesu.

Ivirisiikulu sampiipiliyani sa wi Muhusiha asuwele ahaakunve ohusiha, tiha:

Mapacereryo 12:1-3

Mateiyu 1:1-17

Mateiyu 28:16-20

M. Saarummwa 8:1-8

Arooma 10:9-15

Akalatiya 3:6-9

Wuuluula weerano sookoha wa yohuserya evirale.

Waahusihe anasikhola makupa ala:

- Onnuupuwela nlelo waataana wa Muluku eenreyeno ni Aaparhamu, wa miyakha amiile eeli (2000) Yeesu ahaakuvale oyariwa?
- Makupa makina a malakano anii, achu ootherene eelapo ya vathi anamureelihiwa wa nthowa na Aaparhamu.
- Yoothoonyerya ya yeela ti sheeni?
- Oruule Munepa Waweela nihiku na efesta ya mulepulo, arummwa ni oohuserya akina, yaahaakhela Munepa wa Muluku epacerya oloca ni achu sa Yeesu.
- Mwanvayi yaakhuma yookacamiha ni oohuserya yaale, ntakhara alipa a mukucho ni ahooleli hiyaakhwenleru, yaawiica yaawo ntoko yaamweerenlaaya Yeesu.
- Oohuserya akina a yaala, yaahiiphiwa, nnaamwi yaahanle eri akumi yaahiiphiwa tho nave akina yaaya oYerusalemu.
- Oohuserya yaahakalalasha vawiiwa miyaha saya, ophierya weiwo yaayaayawo yaanloca sa makhalelo a Yeesu.
- Yaawo yaanaloca wa achu ootherene, wi Yeesu chiri Mvulusha yoowo aaromelihiwe okhala mwaana a muhoolo a Aaparhamu, a Isaki ni a Yaakopo.
- Waaphwanela Yeesu orwa wi avulushe muloko muweryani wa Saataana, aviihavo ekoyi ya yoocheka ni marehereryo wi muloko okookele mu emusi ya Muluku.
- Yaanaaleeliha achu wi Yeesu ori awaakapelela yaawo anamwaakhulela mu wookololowa wawe, hiiha tho ntoko ishapala sa inama saakhuneelaaya mwiili wa Aatamu ni Haava.
- Yaanaaleeliha achu wi Yeesu ori ntoko epucepuche yoohikhalano nthowa, yeeyo Haavele aahelenleiyi mukucho wa Muluku.
- Yaanaaleeliha wi Yeesu ori mphiro wooyano woovulushiwani, ntoko mwaaceya aaraiyeno mulako mmoha, wi Noowa ni emusi awe mwa mulako mmoha yoole.
- Yaanaaleeliha achu wi, hiihaa ntoko ekwilaaya epucepuche emoha mu nipuroni na Isaki, wa nthowa nenla Yeesu ohoorwa okhwa mu nipuro nahu.

- Yaawo yaanaaleela achu eriki, nikhami na Yeesu noonivulusha hiyo wa okhwa mu eniya ya mooro, hiihaa ntoko nikhami na epucepuche naacikicheliwa mmilakoni, naavulusha anamwane a Isarayeli oopacerya oyariwa oYiikuputu.
- Yaanaaleeliha achu wi, ntoko Muluku aavan'haiye olya maana mutakhwani wi ehikhwe etala, hiiha tho Yeesu ori ephaawu ya okumi.
- Yoowo onamweemererya Yeesu, onamukhalaru mukumi va miithoni wa Muluku.
- Yaanaaleeliha wi Yeesu tho ori ntoko maahi ookhuma va mwala. Yeesu ori maahi a okumi nave yoowo onnavaha okumi woohimala wa oothene yaawo anamuweha.
- Yaawo tho aanaaleeliha achu wi, ntoko nikhami na epucepuche naacikicheliwaaya va nipuroni noomoreliwavo ikharari na mu empa ya Apwiya omoha va eyaakhani, wi niwerye oshipiha soocheka, hiiha tho nikhami na Yeesu noowerya oshipiha yoocheka ya elapo.
- Awo yaanaaleeliha tho achu wi Yeesu ori epucepuche ya Muluku yaphaama ni yoohikhalano nthowa, yaarumihiwe wi erwe eviihemo yoonanara mulaponi.
- Oororomela yaakhalano mwaha wootikiniha ni wooreera oloca ntoko hiyo tho.
- Hiyo namweemererya Yeesu, alopwana ni atiyana, nri anamwane a Aaparahamu. Hiyo nineera makupa a nlakano nenlo naavahiwe wa Aaparahamu.
- Hiyo ninareelihiwa vaavaa nnaiwaahu, nimwaakhela Yeesu, chiri onnaphwanela okawana ni akina mareeliho awe.
- Vano, have onapwaha walokohe mwaha waphaama wa Yeesu, oororomelihiwa weiwo nivahiwaahu.

Evirisiikulu vookhapelela yawaahusiha anasikhola emanle ohuserya, wi ehuleye miru:

Mateiyu 28:19

Weerano sookoha wa voohuserya evirale.

- 1) Yoororomeliha taani Muluku aamuvahaiye Aapaahamu? (Amuvaha wi achu oothene a mulaponi anamureelihiwa mwa Aaparahamu).
- 2) Elukuluku oohuserya yaakhenlaaya Munepa Waweela, yeenren, ye tisheeni? (Ohuserya yaapacerya oloca sa Yeesu wa akina).
- 3) Epucepuche yaakhwa mu nipuroni na Isaki, nto vano taani okhwile mu nipuroni mwahu? (Yeesu).
- 4) Onaweryeya hayi achu a mulaponi oothene oreelihiwa mwa Aaparahamu? Tiwi Yeesu, Muluku mwaana oyariwe mu ochariha wa nikhola Aaparahamu, hiyo nri ooreelihiwa wa nthowa na omweemererya Yeesu okhala Mvulusha ahu).
- 5) khweya ti wookhweleya achu oothene wi yiiwe sa mwaha wa Yeesu ni omweemererya yoowo? (Aayi).
- 6) Vano onaphwanela weera esheeni wi muchu uukeno akhwaiye mareeliho a Aaprahamu? (Waaleeliha akina miya sa Yeesu)!

Makhalelo oohuleya miru wi ehushiheke ivirisiikulu sookhapelela ni mmuruni

Waalakhanye masu ala:

Otumererya 6:1-9

Miruku 22:6

Masaalimu 119:111

Timootiyu II, 3:14-15

Masu a Muluku ari oonlamula hiyo, ninnawerya woonano yookhweleya ohuserya ya mmasu yaawo.

Anasikhola annahuserya ivirisiikulu sookhapelela ni mmuruni, nto onakhala wookhweya erino miyaakha misheshe ni ophiyerya miyaakha khumi na sheshe. Aayi, onnaphwanela hiyo weerano makupa a yoohusiha ahu, weerano chiri ni ikuru esumana ni esumana.

Ohaakunveru oloca eversiikulu emoha, onaphwanela wi onalakhanya mpiipiliyani. Otaphulele masu ni sookacamiha inooneyavo. Oomwi nasikhoola ahinasuwela echu enthoonyeraaya everisiikulu, honakhala phaama ohusiha yeeyo.

Wi nasikhoola aweryeke omuupuwela versiikulu, onaphwanela omwuulula omwaalakhanyasha, ophiyerya itila thanu nari thanu nasheshe wa yoohuserya emoha yeeyo. Honakhwelaya wi anasikhola ekhaleke oosokonyereya, hiihaa onakhweleya weerano makhalelo makina owerya ohusihano everisiikulu yeeyo.

IYA IRI SOOTHOONYERYA IKINA

1. Orepele everisiikulu va nipawani na mwiri nikhaani, nikhale noophwanelela wi yaawo eweryeke waalakhanyavo.
2. Ohieyo elukuluku wi oothene yaalakhanyevo vamoha. (Ni muhusiha tho)!
3. Ohieyo elukuluku yaawaalakhanyavo anamwane aasithyanaru.
4. Ohieyo tho elukuluku yaawaalakhanyavo anamwane aasilopwanaru.
5. Waarume yaalakhanyevo mmirimani mmirimani, akhweya ekilaanthe vachayani.
6. Waarume yaalakhanyevo yiitupihaka vatokotoko, erimweemela.
7. Elocevo yeemenle mweco mmoha
8. Elocevo ephunte niitho nimoha.
9. Oothene yaale awanre isapatho
10. Oothene yaale ahiwanre isapatho
11. Othene yaale awanre ikuwo soophilivila nari soowara sa ntikwa
12. Wiipe ncipo ni anasikhola.
13. Woopaka ichu ikina, nlelo alociwaka versiikulu yoowo.
14. Anasikhola yoopeke makuphi emulocaka versiikulu yoowo.
15. Yirukuryeryeke emolocaka versiikulu.
16. Okuneele makupa makina, yuululaka omuloca ophiyerya okuneele masu oothene...

Oheerekeno mahusiheryo mamoharu esumana ti esumana, waahushiheke tho mmakhalelo a ohuleya miru ni soohusiha ikina sa hiihano.

Ochekuleke ni anasikhola, oweepesaka!

OREPELIWA WA IVERSIIKULU SOOLOCA NI MMURUNI

- YOOHUSERYS 1 Mapacereryo 1:1**
Voopacerya Muluku aapatusha erimu ni elapo ya vathi.
- YOOHUSERYA 2 Mateiyu 24:35**
Erimu ni elapo ya vathi inanvira nave masu aka heviraru.
- YOOHUSERYA 3 Yawuupulula 21:5**
Yoowo aakilanthu va munyukhuni woomwene aaloca, miyo kinampaka soothene sa hiihano! Hiihaa aaloca tho: oreple, tiwi masu ala, teeparipari nave chiri toororomeleya.
- YOOHUSERYA 4 Yeremiya 10:6**
Haavo onlikina ni nyuwo Apwiya, nyu mwamutokotoko, nsina nanyu ti nakuru ni owerya.
- YOOHUSERYA 5 Yeremiya 35:17**
Khoo, Apwiya mwaneene, nyuwo mpatunshe erimu ni elapo yavathi ni owerya wanyu otokotoko mookolela moonu. Nyuwo hayiivo enoovilaani nyuwo.
- YOOHUSERYA 6 Aheeperi 11:3**
Mwa nrromelo hiyo ninnasuwela wi soothene ipatushiwe ti Muluku, wi ahikhalevo mukina oowerya ooteka, atakiheryaka seiyo onnaiye.
- YOOHUSERYA 7 Yesaya 6:26 (makupa oopacerya).**
Aweela, Aweela, Aweela ti Apwiya a ikuru soothene, elapo elapo yoothene yoosareya nciimiho nanyu.
- YOOHUSERYA 8 Masaalimu 104:24**
Apwiya, miteko mihayi mpharaanyu! Mwa miruku mweeranyuno soothene, elapo ya vathi yoosareyano ni soopatushiwa sanyu.
- YOOHUSERYA 9 M.sarummwa 17:26 (makupa oopacerya).**
Mwa muchu mmoha, oohaaptusha achu a maloko oothene, wi ekhale mu elapo yoothene.
- YOOHUSERYA 10 Mapacereryo 2:17**
Nto weyo ohilye yawiima ya mwiri, woosuweliha yaphaama ni yoonanara, tiwi walyaru chiri onamukhwa.
- YOOHUSERYA 11 Peturu I, 5:8**
Wiivareryeke meekhaa, okhaleke awaakhwanela. Mwiicani aa Saataana onnawaavyaavya, ntoko mwaco onchuna omuukhuura muchu.

- YOOHUSERYA 12** **Arooma 6:23 (makupa oopacerya).**
Nthowa taani okhwa ori aya yoolivela ya ocheka?
- YOOHUSERYA 13** **Mateiyu 1:23**
“Mwali ahikumanenle ni mulopwana, onamurupala amuyara mwaana mwaamulopwana, yaawo anarwa emuchuwa nsina na Emanuwele nnathapulela Muluku ni hiyo.”
- YOOHUSERYA 14** **Aheeperi 9:22 (makupa oopacerya).**
Wahakhanle oyeeha nikhami, hiwaarivo tho okhurumuveliwa Soocheka.
- YOOHUSERYA 15** **Esakiyele 18:32**
Tiwi, nkinahakalalaru ni okhwa wa muchu, Apwiya mwaneene tanaloca. Mucharuwe, wi mukhale akumi!
- YOOHUSERYA 16** **Aheeperi 11:6 (makupa oopacerya).**
Muchu oohikhalano nrromelo, onakhala woovila omuhakalaliha Muluku.
- YOOHUSERYA 17** **Okhuma 2:25**
Muluku aawhaka aIsarayeli, aanuukhuwa wa nthowa naya.
- YOOHUSERYA 18** **Nahumi 1:7**
Muluku taphaama, ori wochawelavo mu elukuluku ya Sawuukhula. Yoowo onnaathokororya yaawo anamuroromela.
- YOOHUSERYA 19** **Masaalimu 97:10**
Yaale anamusivela Apwiya, onnaahiya wi emwiice Saataana, tiwi onnakhapelela okumi wa oororomela awe nave onnawaakiha mmatani wa mulipa oonanara.
- YOOHUSERYA 20** **Yaakopo 2:10**
Tiwi, yoowo onakhwaaniherya malamulo oothene, nto achekela nimoha pahi, oochekela oothene.
- YOOHUSERYA 21** **Aheeperi 10:4**
Ori woovila, oviihavo soocheka nnikhami na imope nari ipuri.
- YOOHUSERYA 22** **Yohaane 1:23**
Yohaane, aahaakhula masu a mulipa miririmo Yesaya, ariki: “miyo kiri nsu nenlo nniichana mutakhwani: Murehererye mphiro wa Apwiya”.

- YOOHUSERYA 23** **Yohaane 1:19**
Mmeloni mwaya, Yohaane aamoona Yeesu arwaaka vakhiviru vawe, ii: “Moone epucepuche ya Muluku, yeeyo enaviihavo soocheka sa elapo”!
- YOOHUSERYA 24** **Mateiyu 1:23**
“Muthiyana ahikumanenle ni mulopwana, onarwa amuyara mwaana mwaamulopwana, yoowo onarwa achuwiwa Emanuwele, nootaphulela Muluku ni hiyo”.
- YOOHUSERYA 25** **Luuka 2:52**
Yeesu, aanainuwa ni mwiili awe waphaama, mwa miruku ni mwa ikharari sa Muluku ni sa achu.
- YOOHUSERYA 26** **Yohaane 3:16**
Tiwi Muluku aasivela elapo ya vathi, ophiyerya amuvanhe mwanawe mmoharu pahi, wi yoowo onamuroromela ahirimeele nto akhele okumi woohimala.
- YOOHUSERYA 27** **Akorintu I, 3:18**
Nyuwo hamunasuwela wi muri empa ya Muluku nave munepa wa Muluku onakhala mwa nyuwo?
- YOOHUSERYA 28** **Aheeperi 2:18**
Tiwi, Yeesu aahaawa eereriweiwaka, hiihaa onnawerya tho waakhaviherya yaale aneereriwa.
- YOOHUSERYA 29** **Yohaane 6:14**
Vaavaa achu yonnaaya ineneeryo ni sootikiniha seiyo Yeesu eenreiyeno, yaapacerya oloca wi, chiri eparipari, ola mulipa miririmo yoole naanwehereryaahu orwa veelapo yavathi.
- YOOHUSERYA 30** **Marku 2:7 (makupa ookuchula).**
Taani onapwanela okhurumuwela soocheka? Muluku, pahi.
- YOOHUSERYA 31** **Yohaane 3:3**
Yeesu aamwaakhula, ariki: Chiryene kinnooleela wi, yoowo anii ahiyariwe tho wanaawiili, harwa oona omwene wa Muluku.
- YOOHUSERYA 32** **Yohaane 11:25 (makupa ookuchula).**
Yoowo onakiroromela miyo, nnaamwi akhwile, onarwa akhala mukumi nave ole ori mukumi anakiroromela miyo, harwa akhwa tho.

- YOOHUSERYA 33 Yesaya 41:13**
Tiwi, miyo ka Apwiya Muluku aa, miyo kinnookusha ni ntata naka noolopwana, wa weyo kinii: Oohoove, miyo kinamookhaviherya.
- YOOHUSERYA 34 Masaalimu 145:18**
Apwiya onnakhala vakhiviru wa oothene yaawo anamwiichana, chiri wa oothene yaawo anamwiichana ni murima ene.
- YOOHUSERYA 35 Mateiyu 19:14**
Yeesu, aaloca ariki: Mwahiyeeni anamwane erwe wa miyo, muhaahiihe, ntakhara omwene wa wirimu ti wawaya yaawo.
- YOOHUSERYA 36 Afilipi 4:6**
Muhuukhuwe mwa nthowa na echu ekina, yeeyo munakhwelaanyu, yoothene ekhale yoosuveliwa ti Muluku, mmavekelo ni wiikhupanyerya, muvekeke omoreliwa ikharari.
- YOOHUSERYA 37 Yohaane 8:32**
Munarwa musuwela eparipari, nave eparipari tho enamuwoolpolaani.
- YOOHUSERYA 38 Akorintu I, 6:18 (makupa oopacerya).**
Ochawe mararuwo.
- YOOHUSERYA 39 Arooma 6:23**
Yoolivelano ya ocheka, okhwa, nto yamahala yasiio ya Muluku, ori okumi woohimala mwa Kristu Yeesu, Apwiya ahu.
- YOOHUSERYA 40 Aefesu 4:32**
Voopacerya, mweerelaneke saphaama mukina ni mukhwaiye, oomorelana ikharari, ookhurumuvelana mukina ni mukhwaiye, ntoko Muluku ookhurumuwenlaiyeeni mwa Kristu.
- YOOHUSERYA 41 Yohaane 1:29**
Mmeeloni mwaya, Yohaane aamoona Yeesu aarwaaka vakhiviru vawe aaloca, ariki: Nkoonani epucepuche ya Muluku enaviihavo soocheka sa veelaponi ya vathi.
- YOOHUSERYA 42 Timootiyu II, 3:12**
Chiri, oothene enii ekhaleke mwa Kristu Yeesu, anamoona ekoyi yiikariwaka.
- YOOHUSERYA 43 Yohaane 19:30**
Vaavaa Yeesu, aawunreiye eviinyu yoosukumana aaloca, ariki: Vano,sookuchuwa. Aakocola muru, aveleela munepa awe.

- YOOHUSERYA 44 Luuka 24:6 (makupa oopacerya).**
Haamomo mu, ovinya wuukhwani.
- YOOHUSERYA 45 M.Saarummwa 2:38 (makupa oopacerya)**
Peeturu aaloca, ariki: Mucharuwe nyuwo, nave mmoha ni
mmoha apatisiwe mu nsina na Yeesu Kristu, wi
mukhurumuweliwe soocheka sanyu.
- YOOHUSERYA 46 Akorintu I, 14:19 (makupa oopacerya).**
Muchareke meecelo oosivelana ni okhwela woothene, nave
mweemereryaneke ni samahala sa munepa.
- YOOHUSERYA 47 Aefeso 5:18**
Muhihapaliweke ni eviinyu, mwemmo onarweelamo
waakhulana, nto musareyeno munepa.
- YOOHUSERYA 48 Mateiyu 28:19**
Vano, haweni mwaahusihe achu a maloko oothene,
mwaapatiseke yaawo mu nsina na atiithi, na mwaana ni na
munepa weela.

MASU A MICHAKA YAPHAAMA



Michaka Yoonanara

Piipiliya- Masu a Muluku, anii:

1. Weyo woomuyaramulipa oocheka.
2. Weyo woorekamelana ni Muluku.
3. Weyo ori a emusi ya Saataana.
4. Muluku onamuwooniha ekoyi.



Yawuupuwelela ya Muluku

1. Muluku onnookhwelasha weyo
2. Yoowo hanakhela wi weyo okhale oorekamelaneno.
3. Omuruma mwanawe veelaponi yavathi mmahiku ooculi, wa miyaakha amiile eeli (2000).
4. Yeesu hantoko ocheka.
5. Yeesu ookhwa va mwiikimanyo, wi akushe ekushe ekoyi ya ocheka wahu.
6. Evinre mahiku mararu, akookela okhala mukumi tho.
7. Yoowo tho vano ori ni Muluku, atiithi awe a wirimu.



Michaka Yaphaama

1. Waarimwi onaakhulela yooloca ya Muluku, wi wa mulipa oocheka, chiri woophwanela woonihiwa ekoyi.
2. Waarimwi weemereryaka wi Yeesu aarweela okhwa ni wooviiheravo ekoyi wa soocheka saa.
3. Hiihaa, hori orekamelana ni Muluku.
4. Tiwi, weyo onnaroromela mwa Yeesu, nave ori mwaana a Muluku.
5. Nihiku nlo onarwa okhala ni Muluku mahiku oothene wirimu.
6. Omwaalakhanye Yohaane 3:16, mu piipiliyani. s